

সুকুমার

(৩ আর চারিটি গল্প)

শ্রীফণীন্দ্রনাথ পাল বি, এ,

প্রকাশক

শ্রীসুরেন্দ্রনাথ ঘোষ

৫১নং কর্ণওয়ালিস স্ট্রীট, কলিকাতা ।

১৩২৩

মূল্য এক টাকা

প্রিণ্টার—শ্রীকুলচন্দ্র দে
“শাস্ত্রপ্রচার প্রেস”—৫নং ছিদানমুদির লেন, কলিকতা।

উপহার পুস্তিকা



এই গ্রন্থখানি

আমার

কে

দিলাম

তারিখ

সন

} শ্রী

সূচী			
সুকুমার	১
পুত্রবধূ	৩৫
আলোয়া	৭১
বিধবা	৯৯
দিদির পত্র	১১৬

গ্রন্থকারের অন্যান্য পুস্তক

—:*:—

ইন্দুমতী (সচিত্র উপন্যাস)	...	১৥০
সইমা (গল্পের বই)	...	১০
স্বামীর ভিটা (গল্পের বই)	...	৮০
ছোটবউ (বড় গল্প)	...	১৮০

বঙ্গভাষার নীরব সাধক সূত্রধর
হয়বৎনগরের প্রসিদ্ধ জমিদার
শ্রীযুত মসনদ আলী দেওয়ান
আলীম দাদখান সাহেবকে
প্রীতি-উপহার স্বরূপ
প্রদত্ত হইল

২৬১৩ স্ট্রটস লেন,
কলিকাতা }
৪ঠা মাঘ, ১৩২৩

যমুনা

(সচিত্র মাসিকপত্রিকা)

৫১নং কর্ণওয়ালিস স্ট্রীট, কলিকাতা ।

সুকুমার

[১]

রাজকিশোরের শ্যালক গঙ্গাধরবাবু বেশ অবস্থাপন্ন লোক।
ভাগলপুরের বাঙ্গালীটোলার তাঁহার বাস।

রাজকিশোর চাকরির খাতিরে ভাগলপুরে আসিয়াছিলেন।
তিনি সরকারী আপিসে আশী টাকা বেতনে চাকুরী করিতেন। প্রায়
বৎসর দুই পূর্বে তিনি যখন প্রথম ভাগলপুরে বদলি হইয়া আসেন,
তখন তিনি শ্যালকেরই বাটী আসিয়া উঠিয়াছিলেন। ইচ্ছা ছিল,
• এক সঙ্গেই থাকিবেন, কিন্তু সপ্তাহখানিক সেখানে কাটাইবার
পর তাঁহাকে সে সঙ্কল্প ত্যাগ করিয়া পৃথক্ বাসা লইতে হইয়াছিল।
গঙ্গাধরবাবু সে সময় দুই একবার মৌখিক আপ্যায়িত করিয়া
বলিয়াছিলেন, —“আবার আলাদা বাসা ক’রে মিথ্যামিথি খরচ

সুকুমার

বাড়ান কেন?” গঙ্গাধরবাবুর পত্নী হাসিয়া বলিয়াছিলে
“আমরা গরীব মানুষ, আমাদের মত খাওয়া দাওয়া ঠাকুরজামাতে
পোষাবে কেন?” এই পর্য্যন্ত।

রাজকিশোরবাবুর চরিত্র তাঁহার শ্যালকের ঠিক বিপরীত ছিল।
খরচপত্র সম্বন্ধে তাহার কোন বাধাধাৰি নিয়ম ছিল না। তিনি
যাহা পাইতেন, তাহাই খরচ করিয়া ফেলিতেন। তাঁহার
বংশের কথা জ্যোৎস্না, পনের বংশের পুত্র সুকুমার ও পত্নী
দেখিয়া তাঁহার সংসার। তাঁহার পুত্র মাতা ছইটার খাওয়ার দিবে
ঝোঁকটা কিছু বেশি ছিল। বগন যে জিনিষটা তাহারা খাই
চাহিত, রাজকিশোরবাবু তৎক্ষণাৎ তাহাই আনাইয়া দিতেন
তাঁহার রামভরত ওরফে রামু বলিয়া এক বালক-ভৃত্য ছিল। জ্যোৎস্না
ও সুকুমারের জন্ত বগন যাহা কিছু আসিত, রামুর জন্তও তাহা
আসিত। গঙ্গাধরবাবু একদিন তাই দেখিয়া বলিলেন, “ও
রাজকিশোরবাবু, অতটা ভাল না, একটু বয়ে বসে চ’ল।” রাজ
কিশোর হাসিয়া কহিলেন, “আমি ও কিছুতেই পেরে উঠি
না। আমার ছেলেমেয়েরা খাবে, আর ও যে হাঁ করে চেয়ে থাকবে
এ আমি কিছুতেই দেখতে পারি না।” গঙ্গাধরবাবু বলিলেন
“সংসারটা একটু চেন ভায়া, সংসারটা একটু চেন।”

আর একদিন সন্ধ্যার সময় গঙ্গাধরবাবু রাজকিশোরের বাটীর
বারান্দায় বসিয়া রাজকিশোরের সহিত গল্প করিতেছিলেন, এমন
সময় জ্যোৎস্না আসিয়া কহিল, “কই বাবা, আজ কমলালেবু ত

আনলে না?” রাজকিশোর হাসিয়া কহিলেন, “এই বা, ও কথা একেবারে ভুলেই গেছি। যা ত মা রামুকে ডেকে আন দেখি, আমি এখনই চারটে লেবু আনতে দিই।” জ্যোৎস্না তাড়াতাড়ি বলিল, “তুমি ত বেশ যাহ’ক বাবা, চারটেতে কি ক’রে হ’বে! দাদার একটা, রামুর একটা, তোমার একটা, মার একটা, মামাবাবুর একটা, আমার একটা—হিসেব ক’রে দেখ দিকি কটা হয়, ছটা হয় না বাবা? আচ্ছা তুমি আনার একটা টাকা দাও, আমি রামুকে আনতে দিইগে।” রাজকিশোরবাবু সম্মুখের টেবিলের উপরের কাগসবাগা খুলিয়া একটা টাকা বাহির করিয়া কচুর হাতে দিলেন, সে চলিয়া গেল। গঙ্গাধরবাবু এতক্ষণ অদাক্ হইয়া ইহাদের কাণ্ড দেখিতে ছিলেন। এ সময়টা কমলালেবুর সময় না, একটা লেবু খুব কম হইলেও ছ’পয়সার কমে পাওয়া যাইবে না। গঙ্গাধরবাবু গম্ভীর হইয়া কহিলেন, “তোমার এ কাণ্ডখানা কি? এই অসময়ে এত রত্তি মেয়ের কথায় লেবু কিন্তে অমনই একটা টাকা ফেলে দিলে। তা ছাড়া মেয়েছেলেকে এত আদর দেওয়াও ভাল না, ওতে তাদের ক্ষতিই করা হয়, কোন উপকার করা হয় না।” রাজকিশোর হাসিয়া কহিলেন, “ও ত দুদিন বাদে পরের বাড়ী চ’লে যাবে, আর ক’দিনই বা ও আব্দার করবে।” গঙ্গাধরবাবু আর কিছু বলিলেন না।

রামু আসিয়া যখনই সংবাদ দিত, ‘দিদিমণি আজ বাজারে অমুক জিনিষটা উঠেছে,—সেটা খুব ভাল দিদিমণি’, জ্যোৎস্না অমনই

সুকুমার

পিতার নিকট হইতে পয়সা চাহিয়া আনিয়া রান্নাকে দিয়া তাহা
কিনিয়া আনিত। সুকুমারও পথে বাহির হইলে একটা বাহ'ক কিছু
না কিনিয়া কোন দিন সুধু হাতে ফিরিত না। এমনই করিয়া বড়
আনন্দে দুইটা ভ্রাতাভগিনীর দিনগুলো কাটিয়া যাইতেছিল।

এমন সময় সহসা একদিন কাল-বৈশাখের আকাশের মত
তাহাদের জীবন ঘোর তমসচ্ছন্ন হইয়া গেল। সেবার ভাগলপুরে
ভূদান্ত প্লেগ যে মহামারির সৃষ্টি করিল, তাহাতে তিন দিনের মধ্যে
জ্যোৎস্না ও সুকুমার স্নেহময় জনকজননী হারাইয়া অনাথ হইল।
হায়, তাহাদের জন্ম আছা বলে, এক গঙ্গাধরবাবু ভিন্ন অপর
একজন আত্মীয় কেহ ছিল না। তাহারা অন্তরে পার হইয়া মাতুল
গঙ্গাধরবাবুরই গলগ্রহ হইল।

[২]

প্রায় মাসদেড়েক পরে একদিন ভোরবেলায় জ্যোৎস্না শুষ্ক
নিরানন্দমুখে তাহার মাতুলগৃহের বারান্দায় বসিয়া আকাশের
পানে চাহিয়া ভাবিতেছিল, তাহার পিতামাতা বোধ হয় ঐ
আকাশের মধ্যে কোথায় রহিয়াছেন। সে প্রাণপণ চক্ষু বিস্ফারিত
করিয়া তাহাদের খুঁজিতে লাগিল, কিন্তু হায়, কোথায় তাঁহারা?
জ্যোৎস্নার চোখ কাটিয়া জল বাহির হইয়া আসিল। কাপড়ের
খুঁটে চোখ মুছিতে মুছিতে সে ভাবিল,---সে দেখিতে পাইল
না বটে, কিন্তু তাহার জনকজননী তাহাকে নিশ্চয়ই দেখিতে

পাইতেছেন। এমন সময় তাহার মাতুলপত্নী কুমুদিনী দেখানে আসিয়া কহিল, “কি মেয়ে গা বাছা তুই, সারা বাড়ীময় কোথায় খুঁজে বেড়াচ্ছি, আর তুই কি না বারান্দার কোণে বসে এখনও হাওয়া খাচ্ছিস্। ঘরদোর ঝাঁট দেবে কে, জানিস্ ত কাল চাকরটাকে জবাব দিয়েছি।”

জ্যোৎস্না মাতুলানীর মুখের দিকে দুইটী জনভরা আঁচল চক্ষুণ দৃষ্টি নিবদ্ধ করিয়া কহিল, “কাল রাত্তিরে ঝাঁট দিয়ে আমার হাতে ফোঁকা পড়ে গেছে মামিমা, আমি আর ঝাঁট দিতে পারব না, আমার হাতে লাগবে যে।”

কুমুদিনী ঝঙ্কার দিয়া কহিল, “দেখ কথার শ্রী, তাহ’লে ঘরদোরগুলো কি এমনই পড়ে থাকবে, ঝাঁট পড়বে না। কি শিক্ষণীয় তোর বাপমা দিয়ে গিয়েছে!”

জ্যোৎস্না কহিল, “বাবা আমাকে কখনও ঝাঁটার হাত দিতে দিতেন না।”

কুমুদিনী ক্রকুঞ্চিত করিয়া কহিল, “সে বাবা ত আর দিতে আসবে না—এখন তোকে রোজই ঝাঁটা ধরতে হ’বে। আমরা তোর বাবার মত বড় লোক না, যে, তোদের দু’দুটো ভাইবোনকে বসে বসে খাওয়াব। আমার সোজা কথা, আর তোর মামাও সেই ব্যবস্থা করে দিয়েছে, তাই চাকরটাকে কাল ছাড়িয়ে দিয়েছি,—তুই আর সুকো দু’জন মিলে তার কাজ করবি। তুই ঝাঁট দিবি, বরের পাট করবি, আর সুকো বাজারহাট করবে।”

সুকুমার

জ্যোৎস্না মুখখানি এতটুকু করিয়া কহিল, “দাদা বাজারহাট করবে কেন? দাদা কি চাকর! আমরা চাকরের কাজ কেন করতে যাব মামিমা, আমরা ত তা করব না।”

কুমুদিনী হাত মুখ নাড়িয়া বিক্রপের স্বরে কহিল, “কি আমার নবাবের বেটা-বেটী—ওরা দু’জনে দু’বেলা বসে বসে ভাত গিলবেন—আর আমরা মরব খেটে। বলি একরত্তি মেয়ের ত খুব লম্বা লম্বা কথা—একবার ভেবেছি কি, দু’বেলা ভাত জুটবে কোথেকে?”

জ্যোৎস্না হাঁ করিয়া মাতুলানীর মুখের দিকে চাহিয়া রহিল। কে যেন তাহাকে জানাইয়া দিয়া গেল, ওরে তোদের যে বাপমা নাই, তোরা যে নিরাশ্রয় অনাথা; কে তোদের মুখ চাহিবে,—তোদের কষ্টে কাহার হৃদয় গলিবে!

এমন সময় সুকুমার একখানি গামছা হাতে করিয়া সেখানে আসিয়া দাঁড়াইয়া কহিল, “মামিমা, মামাবাবু বাজারে যেতে বলেন, পয়সা দাও।”

কুমুদিনী কহিল, “তোরা ত দেখছি তবু বুদ্ধিশুদ্ধি আছে—আর ঐ নবাবের বেটা-বেটী তোরা বোনের কথা শোন—ও বলে কিনা আমার দাদা কি চাকর।”

সুকুমার এতক্ষণ জ্যোৎস্নার মুখের দিকে ভাল করিয়া চাহিয়া দেখে নাই। এইবার তাহার মাতুলানীর কথায় ভগিনীর মুখের দিকে চাহিতেই দেখিল, জ্যোৎস্না অঞ্চলে দুই চোখ ঢাকিয়া ফুলিয়া ফুলিয়া কাঁদিতেছে।

কুমুদিনী অমনই বলিয়া উঠিল, “ওই দেখ তোব বোনের আদিখ্যেতা, কি বলা হ’য়েছে ওকে যে ও একেবারে হাউ হাউ করে কেঁদে ফেল্লে, এখন দেখছি সোজা কথাব দিন না। তুই তোব ঐ বোনকে বোঝা, শুধু বসিয়ে কে কাকে খেতে দিয়ে থাকে। আমি ততক্ষণ বাজারের পয়সা বের করে আনি।”

কুমুদিনী চলিয়া গেলে সুকুমার ভগিনীর আরও নিকটে গিয়া স্নেহের স্বরে কহিল, “কেন কাঁদছিচ্ছ জ্যাছনা?” সুকুমার অতি কষ্টে তাহার চোখের জল রোধ করিল।

জ্যোৎস্না মুখ হইতে অঞ্চল সরাইয়া লইয়া কাঁদিতে কাঁদিতে কহিল, “তুমি দেখ না দাদা আমার হাতখানা, কত বড় ফোফা পড়েছে, আমি দাদা আজ কিছুতেই ঘর বাঁট দিতে পারব না। না হয় নাই খেতে পাব -- আমি কিছুতেই চাকরের কাজ করব না। তুমি বল না দাদা, আমরা কি চাকর?”

এ কথাই সুকুমার কি উত্তর দিলে! অতি শৈশব হইতেই জ্যোৎস্না যে কিরূপ অভিমানিনী সুকুমার তাহা বিশেষরূপে জানিত। তাহার বাপ মা বাঁচিয়া থাকিতে সামান্য একটু কারণে জ্যোৎস্নার অভিমান হইত। তাহার জনকজননীকে কত রকম করিয়া তাহার সেই দুর্জয় অভিমান ভাঙিতে হইত। কিন্তু আজ! হায়, সে কি করিয়া বুঝাইবে, তাহার বোনটির অভিমান, করিবার দিন ফুঝাইয়া গিয়াছে। সে অভিমান করিয়া দিন রাত্রি অনাহারে পড়িয়া থাকিলেও, কেহ তাহাকে উঠিতে বলিবে না, খাইতে ডাকিবে না।

সুকুমার

সুকুমার চোখের জলের মধ্য দিয়া নানারকম করিয়া জ্যোৎস্নাকে
ঝুঝুয়া বাজার করিতে চলিয়া গেল।

ঘণ্টা খানেক পরে ফিরিয়া আসিয়া বাজার নামাইয়া দিয়া
সুকুমার ভগিনীর সন্ধান করিতে করিতে দেখিল, অদূরে সেই
বারান্দার কোণটিতে বসিয়া সে চোখের জলে বুক ভাসাইতেছে।
সুকুমার মনে করিল, জ্যোৎস্না ঝাঁট দেয় নাই বলিয়া মামিমা
নিশ্চয়ই গালমন্দ করিয়াছে, তাই সে কাঁদিতেছে। সুকুমার ব্যথিত
কণ্ঠে ডাকিল, “জ্যোৎস্না!”

জ্যোৎস্না তাহার সুকোমল হাতখানি তাহার দাদার দিকে
ঝুঝুয়া দিয়া কহিল, “দেখ দিকি দাদা, হাতটা কি হ’য়েছে!”

সুকুমার চাহিয়া দেখিয়া শিহরিয়া উঠিল। কাল রাত্রির সেই
ফোঁদা গলিয়া গিয়াছে। কচি হাতখানা একেবারে লাল হইয়া
উঠিয়াছে।

জ্যোৎস্না আবার কহিল, “তুমি বললে তাত ঝাঁট দিয়েছি দাদা,
না হলে ত আমি কখনও দিতাম না, না হয় নাই খেতে দিত।”

সুকুমার পাবাণের অপেক্ষাও কঠিন হইয়া চোখের জল রোধ
করিয়া শুক হইয়া দাঁড়াইয়া রহিল। হায়, সে যে তখন কোন
সাম্বনার কথাই খুজিয়া পাইতেছিল না। এমন সময় ঘরের ভিতর
হইতে তাহার মামিমা ডাকিয়া কহিল, “ওরে ও সুকো, তোর
আক্কেলটা কি বন্দিকি শুনি, আমি কতকক্ষণ তোর জন্তে
হাঁ করে বসে থাকব—আমার কি আর কাজকর্ম নেই।

বাজারটা ফেলে দিয়ে যে চলে গেলি, হিসেব দেবে কি আর একজন এসে।”

জ্যোৎস্না তাড়াতাড়ি বলিয়া উঠিল, “তুমি যাও দাদা শগু গির, না হ’লে বড্ড বকবে।”

সুকুমার স্নেহময়ী ভগিনীর মুখের দিকে চাঙিতে পারিল না, নীরবে সে স্থান ত্যাগ করিয়া গেল। হিসাব দিতে গিয়া কিছু সে ভারি গোলে পড়িল। একপু পুঙ্খানুপুঙ্খরূপে হিসাব দেওয়া দু’বৎসর কথা, ইতিপূর্বে সে কোন দিন এ ভাবে গৃহস্থালীর বাজার করে নাই। তাই পদে পদে তাহার ভুল হইতে লাগিল। যে জিনিষটা সে দুই পয়সায় কিনিয়াছে, সেটা হয় ত এক পয়সা বলিয়া ফেলিল, আবার কোন জিনিষ তিন পয়সায় কিনিয়া চার পয়সাও বলিল। তাহার মামিমা কেবল গম্ভীর হইয়া খাড় দোলাইতে দোলাইতে বলিতে লাগিল, “বলে যা, বলে যা, দেখি তার দৌড় ক’বু।” সুকুমার প্রাণপণ চেষ্টা করিয়াও কোন বকমে হিসাব মিলানিতে পারিল না। কখনও বা আসল হইতে বেশী হইতে লাগিল, কখনও বা কম পড়িয়া গেল। কুমুদিনী ঝঙ্কার দিয়া কহিল, “চের ভাংছে, তার হিসেব দিয়ে কাজ নেই,— সব বোঝা গেছে, এখন ক’রসে সরালি বল্দি কি?” সুকুমারের চোখ মুখ লাল হইয়া উঠিল। সে মনে মনে আবার হিসাব করিতে লাগিল। এইবার তাহার সব ঠিক মিলিয়া গেল। সে আরামের নিঃশ্বাস ফেলিয়া বলিল, “তুমি ধর মামিমা, আমি সব হিসেব মিলিয়ে দিচ্ছি।” এই

সুকুমার

বলিয়া সে আবার হিসাব দিতে লাগিল। কিন্তু শেষ অবধি সে মিলাইতে পারিল না, আবার গোল হইয়া গেল। কুমুদিনী এবার অত্যন্ত রাগিয়া কহিল, “ওরে কাকে তুই বোঝাতে যাচ্ছিস্, কটা পয়সা চুরি করেছিস্ বলে ফেল, তা হ’লে আমিই তো’র হিসেব মিলিয়ে দিতে পারব।”

জ্যোৎস্না ইতিমধ্যে সেখানে আসিয়া দাঁড়াইয়াছিল সে তখনই বলিয়া উঠিল, “ইস্ আমার দাদা চোর হ’তে যাবে কেন। তুমি ত বেশ মামিমা, অমনই মিথো করে আমার দাদাকে চোর বলে।”

কুমুদিনী ভঙ্কার দিয়া কহিল, “কি বললি, গানি মিথোবাদী! ভাই করলে চুরি, নোন আবার এসেছে নাপাই গাইতে। ডাক্ছি তো’র মানাকে, সোহাগের ভাগে ভাই’র বাহ’ক একটা বিহিত করে দিয়ে যাক্।”

এমন সময় কুমুদিনীর মধ্যম পুত্র হেবো সেখানে আসিয়া উপস্থিত হইয়া কহিল, “কি হয়েছে না?”

কুমুদিনী তখনও গর্জন করিতেছিল, “এতটুকু মেয়ের ত আশ্পর্কী কম নয়—আমার মুগের ওপর বলে কিনা আমি মিথোবাদী, আমুক সে একবার।”

তাহার পুত্রটি কহিল, “জ্যোৎস্না তোমার মিথোবাদী বলেছে কি?”

কুমুদিনী কহিল, “হ্যা রে হ্যা।” এদিকে গঙ্গাধরবাবুর

আসিতে বিলম্ব হওয়ায় কুমুদিনীর উত্তরোত্তর রাগ বৃদ্ধি পাইতেছিল। সে চীৎকার করিয়া কহিল, “ও আসবার দরকারই না কি, যখন এদের এখানে রাখতেই হবে, তাড়াতে পারব না, তখন এদের শাসনের ভার আমাকেই নিতে হবে, ওরে হ হ হ হ হ হ হ হ হ হ ছুঁ ডিটার ছুঁ কান মলে।”

হেবো ত তাহাই চাহিতেছিল। সে তাড়াতাড়ি গিয়া দোজ্বারে জ্যোৎস্নার কান দুটি চাপিয়া ধরিল। জ্যোৎস্না তাহার হাত ছাড়াইয়া দিতে গেলে সে তাহার চুলের মুঠি ধরিয়া টানিতে লাগিল। জ্যোৎস্না তখন দুই হাতে তাহাকে ঠেংগিতেই সে মেঝের উপর পড়িয়া গেল, কিন্তু তখনই আবার উঠিয়া জ্যোৎস্নাকে ধাক্কা দিয়া কিল চড় লাথি মারিতে আরম্ভ করিল। জ্যোৎস্না তাহাকে প্রাণপণ বাধা দিবার চেষ্টা করিল, কিন্তু না পারিয়া কাঁদিয়া উঠিল, “ও দাদা আমায় মেরে ফেলে, ও দাদা আমায় মেরে ফেলে।”

সুকুমার এতক্ষণ কাঠ হইয়া দাঁড়াইয়াছিল। ভগিনীর কাতর ক্রন্দনে সে চঞ্চল হইয়া উঠিল এবং অগ্রসর হইয়া হেবোকে ধরাইয়া দিল। ততক্ষণে গঙ্গাধরবাবু সেখানে আসিয়া উপস্থিত হইয়াছিলেন; কি যে ব্যাপার হইয়াছে, তিনি তাহা বুঝিয়া উঠিতে না পারিয়া বলিলেন, “এ সব কি হ’ছে?”

কুমুদিনী কহিল, “হ’ছে আমার মাপা আমার মুণ্ডু কি বজ্জাত ছেলে মেয়ে গা—ছুঁজনে নিলে হেবোকে কি মারটাই মারবে, মারবে তুমি এর একটা বিণি ব্যবস্থা কর বাপু।”

সুকুমার

গঙ্গাধরবাবু খানিকক্ষণ গম্ভীর হইয়া থাকিব কহিলেন, “মার-
ধোরে কাজ নেই—ওদের দু’জনেরই এ বেলা খাওয়া বন্ধ করে
দাও—তা হ’লেই তেজ কমে আসবে।”

সত্যসত্যই সে বেলা ভাতাভগিনীকে অন্যথারে কাটাইতে
হইল। রাতে তাহাদের সম্মুখে কটিগুলো ধরিয়া দিয়া কুমুদিনী কহিল,
“কেমন তেজ কমে এসেছে ত, নাও গিলে পেট ঠাণ্ডা কর।”

[৩]

এমনই করিয়া সুকুমারের নূতন জীবন আরম্ভ হইল। সুখের
গিরিচূড়া হইতে তাহারা একেবারে দুঃখের অন্ধকারময় তলদেশে
আসিয়া পড়িল। ক্রমে ক্রমে সে জীবনও তাহাদের সহ হইয়া
গেল। ঝাঁট দিলে জ্যোৎস্নার হাতে আর ফোঁকা পড়ে না।
সুধু ডাল ও বাহ’ক একটা বাঁট দিয়া মোটা মোটা চালের ভাত
খাইতে জ্যোৎস্নার আর চোখ দিয়া জল ঝরে না। যখন তখন
হাবুর কিল চড় লাগি থাকিলে জ্যোৎস্না আর তাহা ফিরাইয়া দেয়
না। হাবুর কিল পাঠিয়া জ্যোৎস্নার নাক দিয়া রক্ত পড়ে, চড়
পাঠিয়া সুকোমল গণ্ডদেশে রক্ত জমিয়া উঠে, তখন জ্যোৎস্না সুধু
কোন এক নিভৃত স্থানে গিয়া চোখের জল ফেলে, সুকুমারের
সম্মুখে সে আর কোন্‌দিন কাঁদে না। অন্ধকার রাতে জ্যোৎস্না
উঠানের একধারে যখন বাসনের গাদা লইয়া মার্জিতে বসে, তখন
তাহার বুক কাঁপিয়া কাঁপিয়া উঠিলেও, সে আর দাদা দাদা বলিয়া

চীৎকার করিয়া উঠে না,—ঐ রাত্রিটাই যে তাহার দাদার একমাত্র পড়িবার সময়! মাঝে মাঝে বাজারের হিসাব দিবার সময় তাহার মামিমা যখন তাহার দাদাকে চোর বলিয়া গালি দেয়, তখন জ্যোৎস্না আর তাহার প্রতিবাদ করিয়া ঝগড়া করে না, শুধু ছলছল নেত্রে তাহার দাদার মুখের পানে চাহিয়া থাকে। প্রতিদিন রাতে সুকুমার যখন শুকনো কাটিগুলো একটু লুন নাখাইয়া গিলিতে থাকে, তখন জ্যোৎস্না চোখের জলে বুক ভাসায়।

একদিন বৈকালে জ্যোৎস্না পাশের বাড়ী বেড়াইতে গিয়াছিল, বাড়ীর গৃহিণী তাহাকে আদর করিয়া দুইটি সন্দেশ খাইতে দিয়া ছিলেন। সে তাহা খায় নাই, আঁচলে বাধিয়া রাখিয়াছিল। রাতে সুকুমার যখন নিত্যকার সেই শুকনো কাটি গিলিতেছিল, জ্যোৎস্না আঁচল হইতে সন্দেশ দুইটা খুলিয়া সুকুমারের হাতে দি, দুই সে জিজ্ঞাসা করিল, “সন্দেশ কোথায় পেলিরে জ্যোৎস্না?”

জ্যোৎস্না কহিল, “মালিনার মা আমায় খেতে দিছিলেন দাদা।”

সুকুমার সন্দেশ দুটো তাহার হাতে তুলিয়া দিয়া কহিল, “নে, সন্দেশ দুটো তুই খেয়ে ফেল।”

এমন সময় কুমুদিনী কোথা হইতে সেখানে আসিয়া নড়াইয়া কহিল, “সুকো তোর হাতে ও কি রে?”

সুকুমার ভীত হইয়া কহিল, “সন্দেশ।”

কুমুদিনী বিজ্ঞপ করিয়া কহিল, “সন্দেশ না হ'লে দাদার বুকি এখন রুটি আর রোচে না। বলি এ সন্দেশ এল কোথ'থেকে?”

সুকুমার

সুকুমার মুখখানি এতটুকু করিয়া কহিল, “জ্যোছনাকে মলিনার মা খেতে দিয়েছিলেন।”

কুমুদিনী কহিল, “তা ত হ’ল, তা তোর পাত্রে সন্দেশ এল কি করে?”

সুকুমার কহিল, “জ্যোছনা আনার খেতে দিয়েছে।”

কুমুদিনী ঘাড় দোলাইয়া কহিল, “জ্যোছনা তা হ’লে খুব দাতা দেখছি তা বলি আমি কি কাঁচ খুকী, কিছুই বুঝনি। আজ বাজারের চারটে পয়সা গোলমাল করা হ’য়েছিল, তা বুঝি আমি ভুলে গেছি, সেই পয়সা চুরি করে এই সন্দেশ কেনা হ’য়েছে, কেমন বল্ দিকি সত্যি কিনা?”

সুকুমার আড়ষ্ট হইয়া রহিল। জ্যোৎস্না আর সহ করিতে পারিল না, ক্রোধে ফুলিতে ফুলিতে কহিল, “মামিমা শুধু শুধু দাদাকে চোর বোল না, তুমি চল না আমার সঙ্গে, মলিনার মা আমার সন্দেশ দিরাছে কিনা জেনে আসবে।”

কুমুদিনী ঝঙ্কার দিয়া কহিল, “ওঃ, আমার ত ভারি গরজ পড়েছে এই রাত্তিরে ছুটে যাব মলিনাদের বাড়ী, কাল খাওয়া বন্ধ করে দিলেই এ চুরির শোধ হ’বে।” এই কথা বলিয়া সে হনহন করিয়া চলিয়া গেল।

জ্যোৎস্না চোখের জল মুছিতে মুছিতে কহিল, “আমার জন্তে দাদা তোমায় চোর হ তে হ’ল।”

সুকুমার সমস্ত আঘাত সহ করিয়া লইয়া কহিল, “মামিমার

ওই চোর বলা কেমন একটা রোগ—তার জন্তে তুমি দুঃখু ক'রচিস্ কেন ? নে সন্দেশ ছুটো খেয়ে ফেল ।”

জ্যোৎস্না কহিল, “না দাদা তুমি ক'টি দিয়ে সন্দেশ ছুটো খেয়ে ফেল—তুমি যে কি কষ্টে খাও তা ত আমি দেখতে পাচ্ছি ।”

সুকুমার কহিল, “ও খেতে খেতে আমার বেশ অভ্যাস হয়ে গেছে, এখন ত শুকনো ক'টি বেশ লাগে ।”

সুকুমারের এ কথা অর্ধ বৃদ্ধিবার মত বয়স জ্যোৎস্নার হইয়াছিল। তাই অন্তরের আঘাত সহ করিয়া উঠবার জন্য সে খানিকক্ষণ মৌন হইয়া রহিল।

সুকুমার আবার কহিল, “আচ্ছা এক কাজ কর, তুমি একটা খা, আমি একটা খাই ।”

তাহাই স্থির হইল বটে, কিন্তু সন্দেশ ভাতা-ভগিনীর কাণ্ড রও গলা দিয়া গলিল না। মাগিমার শীত গালিগালাজে সন্দেশ ছুটো অত্যন্ত তিলু হইয়া উঠিয়াছিল।

এই বকমের একটা-না-একটা আঘাত পাঠিতে পাঠিতে মাগিমার গৃহে তাহাদের বৎসর চারেক কাটিয়া গেল। জ্যোৎস্নার বয়স প্রায় ত্রয়োদশ অতিক্রম করিবার মত হইল। বাল্যকাল হইতেই তাহার বাড়ন্ত গড়ন ছিল, তাই বয়সের পক্ষে তাহাকে একটু বড়ই দেখাইত। সুকুমার এ বৎসর আই, এ পাশ করিয়া বি. এ পড়িতেছে।

মাসখানেক পরে সুকুমার শুনিল, জ্যোৎস্নার বিবাহের কথা হইতেছে। তাহার মাতুলের আঁপসের প্রায় পঞ্চাশ বৎসর বয়সের সন্তঃপত্নীবিয়োগবিধুর এক বৃদ্ধের সহিত জ্যোৎস্নার বিবাহ প্রায় পাকিয়া উঠিবার মত হইয়াছে। বৃদ্ধ জ্যোৎস্নার অপক্লপ লাভ্য দেখিয়া উন্নতপ্রায় হইয়া উঠিয়াছেন।

সুকুমার তাহার মাতুল গঙ্গাধরবাবুকে বলিল, “মামাবাবু, হুসীবাবুর সঙ্গে নাকি জ্যাছনার বিয়ের কথা হ'চ্ছে?”

গঙ্গাধরবাবু গম্ভীর হইয়া কহিলেন, “হ্যাঁ, প্রায় ঠিক হ'য়ে এসেছে। এখন যে রকম বিয়ের বাজার, তাতে হাজার দেড় হাজার খরচ না করলে এমন পাত্র মেলা ভার—তা জ্যাছনা আমাদের দেখতে শুন্তে ভাল, তাই হুসীবাবুকে ভুলিয়ে ভুলিয়ে দুশ টাকায় রাজি করেছি, এখন ভালয় ভালয় সব ঠিকঠাক হ'য়ে গেলে হয়।”

সুকুমার কহিল, “না না মামাবাবু, এ বিয়ে কিছুতেই হ'তে পারে না। হাজার দুই খরচ করলে যে ভাল ছেলে পাওয়া যাবে।”

গঙ্গাধরবাবু তাহার মুখের দিকে তীক্ষ্ণ দৃষ্টিপাত করিয়া কহিলেন, “পূর্ব লক্ষ্য চওড়া কথা ত বললে, চার বছর ধরে খাইয়ে পরিয়ে মানুষ ঝরলাম, এখন সর্বস্ব খুইয়ে তোমার বোনের বিয়ে দিই!”

সুকুমার কহিল, “আমি এমন কথা আপনাকে কেন বলতে যাব মামাবাবু, আমি বলছিলাম, বাবার যে দু হাজার টাকার ইন্সিওর ছিল না, সেই টাকাটা—।”

গঙ্গাধরবাবু বাধা দিয়া কহিলেন, “এখনকার ছেলেপুলেরা এমন নেমকহারামই বটে,—কোন মুখে এমন কথা বলিলি—আমি ত আর রাজারাজরা নই—দু’ দশ হাজার টাকার বিবরণ আমার নেই যে তোকে আমি এতদিন ধরে লেগা পড়া শিখুই—খেতে অনশ্রি তোদের দিতেই হ’ত। তারপর তোর স্কুলের মাইনে, কাপড়, জলখাবার, বই, এ সব কোথ থেকে হ’ল! একালের ছেলেরা ধরণ-ধরণ আমি একটু জানি বলেই সে টাকার একটা হিসেব রেখেছি; দেখতে চাস্ এখনই দেখতে পাবি—মেবে কেটে জোর শ চারেক টাকা থাকতে পারে—এ টাকা নিরে যেখানে ইচ্ছে তোর বোনের বিয়ে দিতে পারিস্—একালে ভাল কারো করতে নেই।”

সুকুমার বড় আশা করিয়াছিল যে, দুই হাজার টাকা দিয়া বোনটিকে সৎপাত্রে বিবাহ দিবে, কিন্তু গঙ্গাধরবাবুর কথায় সে একেবারে হতাশ হইয়া পড়িল। দুবেলা দুটী খাওয়া ছাড়া জলখাবারের মুখ সে কোন দিন দেখে নাই। স্কুল-কলেজের বই বেনীর ভাগ সে এর তার কাছে ভিক্ষা করিয়া পড়িয়াছে, কাপড় বৎসরে ছয়খানির বেশী সে পায় নাই, তবুও তাহাদের দেড় হাজার টাকার উপর ব্যয় হইয়া গেল!

সুকুমার

সুকুমার ইতিপূর্বে তাহার দুই একজন কলেজের বন্ধুকে জ্যোৎস্নার জন্ত একটা পাত্রে সন্ধান করিতে বলিয়াছে, তাহারা বিশেষ চেষ্টা করিবে বলিয়া আশ্বাসও দিয়াছে, তাই সুকুমার তাহার মাতুলকে বলিল, “যাই হ’ক, বুড়োর সঙ্গে মামাবাবু কিছুতেই বিয়ে হ’তে পারে না—আমি দুই একজনের হাতে পায়ে ধরে দেখি, যদি ঐ টাকায় কাউকে রাজি করতে পারি। কেউ কি দয়া করবে না?”

গঙ্গাধরবাবু গম্ভীর হইয়া কহিলেন, “তা ভাল, সংসারটা একবার বেয়ে-চেয়ে দেখ। তা হ’লে কালই ও বিয়ে ভেঙ্গে দেব; কিন্তু একটা কথা বলে রাখি, তোমার বোনটি য রকম বড় হ’য়ে উঠেছে—শেষে আমাকেই পাঁচজনের কাছে কথা শুনতে হ’বে, তাতে আমি রাজি নই। তখন কিন্তু তোমাকে পথ দেখতে হ’বে।”

[৫]

সেদিন ভাগলপুরে পণপ্রথার বিরুদ্ধে এক মহতী সভার অধিবেশন হইয়াছিল। নিশিবাবু সভাপতির আসন গ্রহণ করিয়াছিলেন। তিনি ওজস্বিনী ভাষায় এই পণপ্রথার বিরুদ্ধে বক্তৃতা করিয়া সভাস্থ অনেকেরই চক্ষু সজল করিয়া তুলিয়াছিলেন। সভাভঙ্গের পর সুকুমারের এক বন্ধু বলিল, “দেখ্ নিশিবাবুর ছেলে অমলকে ত জানিস্ সুকুমার! নিশিবাবু তার জন্তে একটা ভাল পাত্রী খুঁজছেন, তোর বোনকে তিনিও দেখেছেন—পছন্দ না

হ'বার ত যো নেই, চল্ এইবার তাঁকে ধরে পড়া যাক্—তিনি ত আর এক পরমাণু চাইবেন না।” পথে যাইতে যাইতে সুকুমারের কেবলই মনে হইতে লাগিল, এইবার জ্যোৎস্নার একটা কিনারা হইয়া যাইবে।

নিশিবাবু বাহিরের ঘরে চেয়ারের উপর দাঁসিয়া তামাক খাইতে ছিলেন। তাঁহার সম্মুখে ছইখানি চেয়ারে দুই জন ভদ্রলোক দাঁসিয়া তাঁহার কথার সায় দিয়া যাইতেছিলেন। এমন সময়ে সুকুমার ও তাহার দুই বন্ধু সেখানে আসিয়া সম্মুখে নিশিবাবুকে প্রণাম করিল।

নিশিবাবু প্রতিমস্কারস্বরূপ মাথাটি ঝিক্ নাড়িয়া কহিলেন, “তোমরা কি চাও?”

তখন তিন জনে মুখ চাওরাচাওরি করিতে লাগিল। শেষে বতীন সঙ্কুচিত হইয়া কহিল, “আপনার কাছে একটু বিশেষ কথা এসেছি—সুকুমারকে ত আপনি চেনেন?”

নিশিবাবু মূঢ় হাসিয়া কহিলেন, “তিনি বৈকি, আমাদের গঙ্গাধরবাবুর ভাগ্নে ত?”

বতীন ভরসা পাইয়া কহিল, “আজ্ঞে, সুকুমারের কোন জ্যোৎস্নাকেও আপনি দেখেছেন?”

নিশিবাবু তীক্ষ্ণ দৃষ্টিপাতে একবার বতীনকে দেখিয়া বলিলেন, “হ্যাঁ দেখেছি, বেশ মেয়ে, তা তোমরা কি চাও?”

বতীন আশাবিত্ত হইয়া কহিল, “শুনলাম অমলবাবুর ভাগ্নে

সুকুমার

আপনি একটি ভাল পাত্রী খুজছেন, তা সুকুমারের বোনের সঙ্গে
অমলবাবুর বিয়ে—”

নিশিবাবু বাধা দিয়া কহিলেন, “হ্যাঁ অমলের এবার বিয়ে দেব
কালে ঠিক করেছি; তা তোমরা ত জান, অমল এবার অনারে বি,
এ, পাশ করে এম, এ, ল, পড়বার জন্তে কলকাতায় যাচ্ছে।”

নিশিবাবুর সম্মুখে উপবিষ্ট ভদ্রলোকের মধ্যে একজন বলিয়া
উঠিলেন, “আপনারা দেখছি ঘটকালী করতে এসেছেন; নিশিবাবু
টাকা কখনও চাইবেন না তা নিশ্চয় জানেন।”

যতীন কহিল, “আজ্ঞে তা আমরা জানি, সেই ভরসাতেই ত
এসেছি।”

ভদ্রলোকটি কহিলেন, “তা বুঝতে পেরেছি,—আচ্ছা কণ্ঠা-
পক্ষের অবস্থা কেমন, হাজার পাঁচ ছয় টাকা ব্যয় করতে
পারবেন?”

বন্ধুত্রয় স্তব্ধ হইয়া গেলু! এখনও এক ঘণ্টা উত্তীর্ণ হয় নাই,
নিশিবাবু যে পণপ্রথাকে নিন্দা করিয়া বড় এক বক্তৃতা দিয়া
আসিলেন,—আর তাঁহারই সম্মুখে তাঁহার একজন বন্ধু টাকার
কথা তুলিলেন, অথচ তিনি একটি প্রতিবাদও করিলেন না!

তাঁহাদের মৌন থাকিতে দেখিয়া নিশিবাবু মুছ হাসিয়া কহি-
লেন, “তোমরা! বুঝি সভার বক্তৃতা শুনে আমার কাছে এসেছ,
পণপ্রথা যে দেশের সর্বনাশ করছে একথা আমি এখনও বলছি;
তবে আমাদের দেশের লোকেরও দোষ আছে, তারা নিজেদের

ওজন বুঝে চলে না। যার যেমন সঙ্গতি, তার তেমনই পাত্রেব সন্ধান করা উচিত, তা হ'লে দেনা-পাওনার কোন হাঙ্গামা হয় না। তুমি সে অবস্থার লোক নও, অথচ, ধর কথার কথা, তোমার আশা, তুমি তোমার বোনটিকে বড় লোকের ঘরের দেখাপড়া শেখা পাত্রেব সঙ্গে বিয়ে দাও, তা হ'লে পণপ্রথা ওঠে কি করে বল দিকি; তোমরাই আরও পণপ্রথাকে প্রশ্রয় দিয়ে তাকে বাড়িয়ে তুলছ, কেমন ঠিক কথা কিনা? একটু ভেবে দেখ, তা হ'লেই বুঝতে পারবে, তোমরাই এক হিসেবে দেশের সঙ্কলন করছ। এই ধর, আমি এমন জায়গায় ছেলের বিষয়েব সন্দেহ করব, যেখানে টাকা আমি চাইতে যাব কেন; তারা আপনিই ছেলের গুণ ও বাড়ীর অবস্থা দেখে পাঁচহাজার কেন, হয় ত দশ হাজারই দেবে। তখন কি আমি গর্ক করে বলতে পারব না, দেখ আমি আমার ছেলের বিয়েতে এক পরমাণু পণ নিলাম না। এ একটা কত বড় সত্য কথা একটু ভেবে দেখলেই তা বুঝতে পারবে। এমনই ভাবে যে যার অবস্থা বুঝে যদি চলতে শেখে, তা হ'লে পণপ্রথা আপনিই উঠে যাবে।”

সুকুমার বড় আশা করিয়া এখানে আসিয়াছিল, তদপেক্ষা অধিক আঘাত খাইয়া ফিরিয়া গেল।

পথে বাহির হইয়া সুরেন বলিল, “এই জগ্রেই আমি এই সব সভাসমিতির বিরোধী; যত সব ভক্ত-বিটেল! তোরা

সুকুমার

ত খুব সভা সভা করে নাচিস, এখন নিশিবাবুর ব্যাপার দেখে
বুলি, আমার কথা ঠিক কি না?”

সুকুমার কোন কথা বলিল না, সে সময় তাহার কথা
বলবার অবস্থাও ছিল না।

যতীন বলিল, “তাই ত, আজ খুব শিক্ষা পাওয়া গেল।”

এমন সময় পান্নাবাবুর সহিত তাহাদের দেখা হইল। পান্নাবাবু
ইন্সিওরের একজন পাকা দালাল। পান্নাবাবু বলিয়া উঠিলেন,
“কি হে সুবেন, তোমার দাদার ইন্সিওরের কি করলে? কাল
সকালে কিন্তু আমি তোমাদের ওখানে যাচ্ছি। কাল আর কিছুতে
তোমার দাদাকে ছাড়ছি না।”

সুকুমারের সহিত পান্নাবাবুর পরিচয় ছিল। সে হঠাৎ
বিস্ময়িত হইয়া বলিল, “আচ্ছা পান্নাবাবু, আমার ইন্সিওর
কি হইবে না?”

পান্নাবাবু আগ্রহভরে কহিলেন, “কেন হ’বে না, খুব হয়,
ভূমি ত হে সাবালক হ’য়ে গেছ। বল ত একটা করে দি।
তোমার এখন বয়স কম, প্রিমিয়াম খুব কমই লাগবে। কত টাকা
করবে বল দিকি? তা শুনে কালই তোমায় ডাক্তারের কাছে
নিয়ে যাই।”

সুকুমার আবার প্রশ্ন করিল, “আচ্ছা পান্নাবাবু, কেউ যদি
ইন্সিওর করবার পর আয়ত্যা করে তা হ’লে টাকা পাওয়া
যায়?”

তাহার এই অদ্ভুত প্রশ্নে সুরেন ও দতীন অবাক হইল। তাহার মুখের দিকে চাহিল।

পান্নাবাবু কহিলেন, “অনেক ইন্সিওর কোম্পানীই দেয় না, তবে আমি যে ইন্সিওর কোম্পানীর এজেন্ট তারা দেয়, অবশ্য একটা প্রিমিয়াম দেওয়ার ছ-মাসের মধ্যে আত্মহত্যা করলে তারা টাকাটা দিতে একটু হাঙ্গামা করে, ছমাস পার হ’য়ে গেলে কোন কথাই নেই। আমার এ কোম্পানী খুব ভাল ; তা ও কথা কেন হে সুকুমার ?”

সুকুমার হাসিয়া উত্তর করিল, “ইচ্ছা মনে হ’ল তাই জিজ্ঞেস করলাম ; ও একটা কথার কথা। আচ্ছা পান্নাবাবু, আমি মরলে টাকাটা কে পাবে ?”

পান্নাবাবু কহিলেন, “যাকে তুমি লিখে দিয়ে যাবে ; আর যদি কিছু লেখা না থাকে, তা হ’লে তোমার ছেলে হ’ক, স্ত্রী হ’ক বা যে-কেউ উত্তরাধিকারী থাকবে সে পাবে। তা হ’লে এখন কবে করবে বল ?”

সুকুমার কহিল, “কালই, আমি হাজার পাঁচেক টাকার ইন্সিওর করতে চাই, কত প্রিমিয়াম লাগবে বলুন দেখি ?”

পান্নাবাবু কহিলেন, “আমার পকেটে বই আছে, এখনি দেখে বলছি, তা তুমি কি করতে চাও, এন্ডাউমেন্ট, না হোল লাইফ ? আমি ত বলি এন্ডাউমেন্ট কর, সেই সব চেয়ে ভাল, তুমি কুড়ি বছরের একটা এন্ডাউমেন্ট করে

সুকুমার

ফেল—তোমার বয়স খুব কম তাতে সামান্য বেশীই প্রিমিয়ামই লাগবে।”

সুকুমার কহিল, “যাতে প্রিমিয়াম কম লাগে, আমি তাই করব, আপনি অনুগ্রহ করে তাই দেখে দিন।”

পান্নাবাবু কহিলেন, “তা হ’লে হোল-লাইফই কর, কিন্তু এন্ডাউমেন্টই ছিল ভাল।” এই বলিয়া পকেট হইতে একখানি ইন্সিওরের বই বাহির করিয়া দেখিতে দেখিতে জিজ্ঞাসা করিলেন, “আচ্ছা তোমার এখন ঠিক বয়সটা কত হ’ল?”

সুকুমার কহিল, “এই আঠার বছর পাঁচ মাস হ’য়েছে।”

পান্নাবাবু পুস্তকের উপর চোখ রাখিয়া কহিলেন, “খুব কম প্রিমিয়ামই লাগবে। মাসিক আট টাকা আন্দাজ।”

সুকুমার উৎসাহভরে কহিল, “সেই বেশ, তা হ’লে পান্নাবাবু কালই যাতে আমার ডাক্তারী পরীক্ষা হ’য়ে যায় তাই করে দিন, আমি কাল সকালেই আপনার বাড়ী গিয়ে হাজির হ’ব।”

পান্নাবাবু কহিলেন, “আচ্ছা, কালই সব ঠিক করে দেব, ডাক্তারী পরীক্ষার মাসখানেকের মধ্যে তোমার পলিসি এসে যাবে।” তারপর তিনি সুরেনকে সম্বোধন করিয়া কহিলেন, “দেখ সুরেন, তা হ’লে তোমার দাদার ওখানে আর একদিন যাওয়া যাবে, আসছে রবিবার, তাই বল।”

[৬]

মাস দেড়েক পরে সুকুমার একদিন চুপি চুপি নিশিবাবুর সহিত দেখা করিয়া কহিল, “আজ্ঞে আমি পাঁচ হাজার টাকাই দেব, আপনি অমলবাবুর সঙ্গে জ্যাছনার বিয়ে দেবেন ত ?”

নিশিবাবু একটু আশ্চর্য হইয়া তাহার মুখের দিকে চাহিয়া কহিলেন, “তা বেশ ত। আমি ত সেদিন তোমাকে সে কথা স্পষ্ট করেই বলে দিয়েছি ; তোমার বোনটিকে আমার খুব পছন্দ, টাকা যখন দেবে বল্ছ, তখন আমার আপত্তি নেই। গঙ্গাধরবাবুই ত টাকাটা দেবেন ?”

সুকুমার কহিল, “আজ্ঞে না, আমিই জোগাড়জাগড় করে টাকাটা দেব। আমার মামাকে দয়া করে এ কথা জানাবেন না। তিনি মোটেই টাকা খরচ করতে চান না। তবে একটু দয়া আমাকে করতে হ’বে, ছ’টা মাস সময় দিতে হ’বে।”

নিশিবাবু কহিলেন, “তা বেশ, বিয়ের জন্তে আমার এমন তাড়াতাড়িও নেই, ছ’মাস না হয় আট মাস পরেই হ’বে, তার জন্তে কি যায় আসে, এর মধ্যে আমি আর অণু কোন জায়গায় সম্বন্ধ দেখব না। পরে যদি তুমি জোগাড় করে না উঠতে পার, তখন যা হয় করব।”

সুকুমার তাঁহাকে আন্তরিক কৃতজ্ঞতা জ্ঞাপন করিয়া সে স্থান ত্যাগ করিয়া গেল।

সুকুমার

সুকুমার দিন গণিতে লাগিল। একটা দিন কাটিয়া যায়, আর তাহার বুকের বোঝাও অনেকটা হাল্কা হইয়া যায়। এক একটা দিন তাহার নিকট এক একটা যুগ বলিয়া বোধ হইতে লাগিল। এই ত তাহাদের স্নেহময় জনক-জননী হারাষ্টয়া তাহারা দেখিতে দেখিতে পূর্ণ চারি বৎসর কাটাইয়া দিল, আর এই ছয় মাস যেন আসিতে চায় না ; এক এক সময় তাহার ইচ্ছা হইতে লাগিল, কালই কেন ছ মাস আসিয়া পড়ে না ! এমনই করিয়া দিন গণিতে গণিতে প্রায় তিন মাস কাটিয়া গেল।

তাহার জনকজননীর মৃত্যুর পর এ চারি বৎসর ভাগলপুরে সেরূপ ভীষণ প্লেগ হয় নাই। প্লেগের সময় এখানে সেখানে দুই এক জন মারা গিয়াছে, কিন্তু রোগ সংক্রামক হইয়া সারা সহরে ছড়াইয়া পড়ে নাই, কাহাকে বাড়ীঘর ফেলিয়া পলাইতে হয় নাই। কিন্তু এইবার যে ভাবে প্লেগ দেখা দিল, তাহাতে সকলের মনে আশঙ্কা হইল, এবার বুঝি সহরে আবার মহানারি আরম্ভ হয়। দেখিতে দেখিতে সকলের আশঙ্কা ক্রমে মতো পরিণত হইল। ঘরদোর ছাড়িয়া লোকেরা দূর পল্লীতে, বা মাঠের মাঝে বাসা লইতে লাগিল। গঙ্গাপরবাবুও একটা বাড়ী ঠিক করিয়া বাঙ্গালী টোলার বাড়ী ছাড়িবার জন্ত প্রস্তুত হইলেন। এমন সময় সুকুমার আসিয়া কহিল, “মামাবাবু বাড়ী ছেড়ে সবাই চলে গেলে চোর ডাকাতে ‘সব যদি নিয়ে যান—তাই আমি ঠিক করেছি, আপনারা সকলে যান, আমি বাড়ী আগলে থাকি।’”

গঙ্গাধরবাবু মহাখুসী হইয়া কহিলেন, “তা হ’লে খুব ভাল হয় বাবা, জিনিষপত্রগুলো রক্ষা পায়। বাড়ী খালী হ’য়ে গেলে আর কোন ভয়ও থাকবে না, তা ছাড়া আমি এসে তখনো দেখেশুনে যাব, তোমার ভয় করবার কিছু নেই।”

সুকুমার হাসিয়া কহিল, “না মামাবাবু, ভয় কিসের . আপনারা দেয়ী করবেন না, শীগ্গির বেরিয়ে পড়ুন, আজ আমাদের পেছনের বস্তুতে দু’জন মরোছে, আর কজনের নাকি হ’য়েছে।”

গঙ্গাধরবাবু মহাব্যস্ত হইয়া কহিলেন, “সত্যি নাকি, তা হ’লে এখনই আমরা বেরিয়ে যাচ্ছি।”

জ্যোৎস্না কোথা হইতে এ সংবাদ পাইয়া তাহার দানার নিকট ছুটিয়া আসিয়া কহিল, “সে কি দাদা, তুমি নাকি একলা এ বাড়ীতে থাকবে?”

সুকুমার হাসিয়া কহিল, “এর মধ্যে তোকে এ খবর কে দিলে? তুই ত এখন মামাবাবুদের সঙ্গে বেরিয়ে পড়, আমি দু’হর পরে ব্যবস্থা করব’খন।”

জ্যোৎস্না ব্যস্ত হইয়া কহিল, “সে হ’বে না দাদা, তোমাকেও আমাদের সঙ্গে যেতে হ’বে।”

সুকুমার হাসিতে হাসিতে কহিল, “তা কি হয় বে. বাড়ী ঘর দেখবে কে, চোর ডাকাতে যে সব লুটে নিয়ে যাবে।”

জ্যোৎস্না কহিল, “যে হ’ক বাড়ী দেখবে’খন, তুমি আমাদের সঙ্গে চল।”

সুকুমার

সুকুমার এবার একটু গম্ভীর হইয়া কহিল, “আমার যাওয়া হ’বে না জ্যোছনা তুই যা।”

জ্যোৎস্না কহিল, “তা হ’লে আমিও যাব না দাদা, আমি তোমার কাছেই থাকুব।”

এমন সময় কুমুদিনী চীৎকার করিয়া ডাকিলেন, “ওরে ও জ্যোছনা গেলি কোথারে, গাড়ী এসে কখন থেকে দাঁড়িয়ে আছে, আর বাপু আমি ডাকতে পারিনে—তুই থাক পড়ে এখানে।”

সুকুমার ব্যস্ত হইয়া বলিয়া উঠিল, “জ্যোছনা, মামিমার যে ডেকে ডেকে গলা ভেঙ্গে গেল, শীগ্গির বা শীগ্গির বা, আর দেরী করিস্ নি।”

কুমুদিনী আবার বলিয়া উঠিল, “কি হ’ল ছাই, তুমি না হয় একবার তাকে ডেকে জিজ্ঞেস কর সে যাবে কি না যাবে, ফেলে গেলে এখনই কত লোকে কত কথা বলবে, না হ’লে আমার এমন কি দায় পড়েছে।”

সুকুমার কাতরকণ্ঠে কহিল, “লক্ষ্মী বোনটি আমার কথা শোন, বা, তুই যা।” কিন্তু জ্যোৎস্না গৌ ধরিল, তাহার দাদা না গেলে সে কিছুতেই যাইবে না। তখন সুকুমার রাগ করিয়া কহিল, “ফের এক গুঁরেনি,—তুই ভারি জ্যাঠা হ’য়ে গেছিস্, আমি পাঁচবার বলছি তবু কথা শোনা হ’চ্ছে না। বা এখনই গিয়ে গাড়ীতে উঠগে, তোর কোন কথা আমি শুনুব না।”

জ্যোৎস্না বিফারিত নয়নে তাহার দাদার মুখের পানে চাহিয়া

রছিল। তাহার জীবনে এই আজ প্রথম সে তাহার দাদার নিকট তিরস্কৃত হইল। পূর্বে সে অনেক অগ্রায় কাজ করিয়াছে, কিন্তু একদিনের জন্তও সে তাহার দাদার নিকট কটু কথা শোনে নাই। আজ হঠাৎ তাহার সেই দাদা কেন সে তাহাকে কটু কথা বলিল, তাহা সে কিছুতেই ধারণা করিতে পারিল না। এমন সময় গঙ্গাধরবাবু সেখানে আসিয়া রুম্বস্বরে কহিলেন, “জ্যোছনা, তোর ব্যাপারখানা কি বল দিকি, যাবি কি না যাবি সোজা এক কথা বলে দে?”

জ্যোৎস্না কাঁদকাঁদ হইয়া কহিল, “তোমার পারে পড়ি মামাবাবু দাদাকে ফেলে যেও না, তাকে সঙ্গে করে নিয়ে চল; ও মামাবাবু, তোমার দুখানি পায়ে পড়ি মামাবাবু।”

সুকুমার ধম্কাইয়া উঠিল, “ফের জ্যাঠামি।”

গঙ্গাধরবাবু অমনই বলিয়া উঠিলেন, “তাই ত, জ্যাঠামিই ত। উনি এয়েছেন ওঁর দাদার ওপর কত্বাহি করতে, আচ্ছা জ্যাঠা মেয়ে যা'হক, নে, আর কাঁদতে হ'বে না, চল।” এই বলিয়া তিনি জ্যোৎস্নার হাত ধরিয়া টানিতে টানিতে লইয়া গেলেন। জ্যোৎস্না কাঁদিতে কাঁদিতে গাড়ীতে গিয়া উঠিল। সুকুমার গাড়ীর পাশে দাঁড়াইয়া কহিল, “জ্যোছনা, কাঁদিস্ নি, আমি তোকে রোজ দুবেলা দেখে আসব।” জ্যোৎস্না কাপড়ে মুখ ঢাকিয়া আরও ফোঁপাইয়া ফোঁপাইয়া কাঁদিতে লাগিল। গাড়ী ছাড়িয়া দিল। সুকুমার গাড়ীর দিকে চাহিয়া শুক্ক হইয়া খানিকক্ষণ সেইখানে

সুকুমার

দাঁড়াইয়া রহিল। তারপর গাড়ীখানি দৃষ্টির সাহায্যে হইয়া গেলে, সে এক পা এক পা করিয়া বাটার মধ্যে প্রবেশ করিল, এবং সেই জনহীন নিস্তব্ধ কক্ষের মেঝের উপর পড়িয়া কাঁদিয়া উঠিল, 'জ্যোছনা জ্যোছনা !'

দেখিতে দেখিতে তিন দিন কাটিয়া গেল। সুকুমার প্রতিদিন সকালে বিকালে একবার করিয়া জ্যোৎস্নাকে দেখিতে যাইত, কিন্তু কথা কহিবার অবকাশ পাইত না। সুকুমার দেখিত, জ্যোৎস্না মুখখানি কালি করিয়া দুইটা জনভরা চোখ তাহার দিকে গুস্ত করিয়া উন্মুক্ত জানালার পাশে দাঁড়াইয়া আছে।

[৭]

এ তিন দিন সুকুমারের বাটার চারি দিক দেখিয়া কেবল মর্শ্বে ভেদি ক্রন্দনের রোল উঠিত হইয়াছে ; আর সেই হৃদয়বিদারকধ্বনি, 'রামনাম সত্য হার', 'বল হরি, হরি বোল', চারিদিকের আকাশ বাতাস কাঁপাইয়া তুলিয়াছে। রাতের রাতে নির্জন কক্ষমধ্যে সুকুমার এক একবার সেই ডাকে চমকিয়া উঠিত। বসিয়া বসিয়া শুনিত, সম্মানহারা জননী 'বাপ বাপ' বলিয়া বুক চাপড়াইতেছে— পতিহারা স্ত্রী আর্তনাদ করিয়া উঠিতেছে। শুনিতে শুনিতে দেহ তাহার কণ্টকিত হইয়া উঠিত। ক্রমে ক্রমে সে রবও কমিয়া আসিল। কে আর কাহার জগৎ কাঁদিবে ! সকলেই যে সেই অজানা দেশের দিকে পা বাড়াইয়াছে !

চতুর্থ দিনে যুম হইতে উঠিয়া সুকুমার দেখিল, রামকৃষ্ণ মিশনের সন্ন্যাসীরা পীড়িতনারায়ণের সেবার জন্ত ঔষধ পত্র লইয়া সেখানে উপস্থিত হইয়াছেন। সুকুমারের বাটির পাশের বাড়ীতে তাঁহারা আড্ডা লইয়াছেন। সুকুমারও তাঁহাদের সহিত মিশিয়া গেল। প্লেগ-রোগীর ঘরে ঘরে গিয়া মহানন্দে সেবা আরম্ভ করিয়া দিল।

আরও দুই দিন কাটিয়া গেল। জ্ঞানানন্দ স্বামী সুকুমারকে কহিলেন, “ওহে বাবাজি, তুমি ত কাজ ভাল করছ না। যতদূর পার সাবধান হ’য়ে রোগীর কাছে যাবে, না হ’লে হয় ত তোমারও রোগ হ’তে পারে—দেখ্‌ছ কি রকম ব্যাপারখানা।”

সুকুমার মনে মনে হাসিয়া কহিল, তোমরা রোগ ভয় কর, তাই অত সাবধান—আমি ভয়ও করি না, আমার সাবধান হইবারও আবশ্যক করে না। তার পর প্রকাশ্যে কহিল, “আমার জন্মে ভাববেন না, আমার কিছুই হ’বে না।”

জ্ঞানানন্দ কহিলেন, “না বাবাজি, অতটা বাহাদুরী ভাল না।”

আরও তিন দিন কাটিল। প্লেগের আক্রমণ ও সংক্রমণ দিন দিন বৃদ্ধি পাইতে লাগিল। কিন্তু রোগীর প্রাণপণ সতর্কতা করিয়া সুকুমার প্রতিদিন সুস্থদেহে বিবহননে ফিরিয়া আসিতে লাগিল।

সেদিন সুকুমার একটা রোগীর জন্ত দুধ জাল দিতেছিল। এমন সময় বন্যাসরের চাল হইতে একটা মরা ইঁদুর ঝপ্‌ করিয়া মেঝের উপর আসিয়া পড়িল। ইঁদুরটা বোধ হয় মরিয়া অনেকদিন ঐ

সুকুমার

চালের উপর আটকাইয়া ছিল, তাই পতনমাত্র সারা ঘর বিকট ভূর্গন্ধে পরিপূর্ণ হইয়া উঠিল। পাশে একখানি কাঠ পড়িয়াছিল। কি জানি কেন সুকুমার তাই দিয়া সেই গলিত ইঁদুরটিকে নাড়িয়াচাড়িয়া দেখিতে লাগিল। নাড়া পাইয়া কতকগুলি পোকা মেঝের উপর পড়িয়া কিন্বিন্ করিয়া উঠিল।

এমন সময় জ্ঞানানন্দ স্বামী আসিয়া কহিলেন, “ওহে ও কি কচ্ছ সুকুমার, এই সময় পচা ইঁদুর নিয়ে ঘাঁটাঘাঁটি করতে আছে, ছি, ছি।”

সুকুমার একটু হাসিয়া কহিল, “দুধ হ’য়ে গেছে, আপনি নিয়ে যান—আনি একটু পরেই যাচ্ছি।”

পর দিন সুকুমার সেবা-কার্যে যোগ দিল না। বহু রোগী লইয়া সন্ন্যাসীরাও এমনই বাস্তব হইয়া রহিলেন, যে তাঁহারা কেহই সুকুমারের সন্ধান লইবার অনাকাশ পাইলেন না। সন্ধ্যার পর জ্ঞানানন্দ স্বামী উদ্ভিগ্ন হইয়া জিজ্ঞাসা করিলেন, “আজ সারাদিন সুকুমারকে দেখতে পেলাম না যে, তার কি হ’ল বল দিকি? ছোকরা যে রকম বাড়াবাড়ি করছিল—আমার ভয় হ’চ্ছে সে হয়ত অসুখেই পড়েছে। চল একবার তার খোজ নিয়ে আসি।”

সুকুমারের বাটা পৌঁছিয়া তাহার কোন সাড়া না পাইয়া এ-ঘর সে-ঘর ঘুরিয়া তাঁহারা সতয়ে দেখিলেন, সুকুমার একটা ঘরের মেঝের পড়িয়া গড়াগড়ি দিতেছে। জ্ঞানানন্দ স্বামী নিকটে গিয়া ডাকিলেন, “সুকুমার, সুকুমার।” কোন সাড়া নাই। তিনি দেহ

স্পর্শ করিয়া দেখিলেন, দেহ যেন একেবারে পুড়িয়া যাইতেছে। তাঁহার আর বুদ্ধিতে বাকি রহিল না, প্লেগ পূর্ণমাত্রায় সুকুমারের দেহ অধিকার করিয়াছে। তখনই ঔষধপত্র আনিবার জগু তাঁহার সঙ্গীকে প্রেরণ করিলেন। ঘরের কোণে সুকুমারের শয্যা বিছান ছিল, তিনি তাহাকে ধরিয়া তাহার উপর শোয়াইয়া দিলেন। দেখিলেন, কি একখানা কাগজ তাহার বুকের জামার সহিত ঝাঁটা রহিয়াছে। তিনি পাখা লইয়া হাওয়া করিতে লাগিলেন। অনেকক্ষণ হাওয়া করিবার এবং জলপাট দিবার পর সুকুমার চোখ মেলিল। জ্ঞানানন্দ ডাকিলেন, “সুকুমার !”

সুকুমার তাঁহার দিকে চাহিয়া ক্ষীণকণ্ঠে কহিল, “আপনি এখানে কেন, আপনি যান।”

ইতিমধ্যে ঔষধ আসিয়া পৌঁছিল। স্বামীজীর সঙ্গী এক দাগ ঔষধ তালিয়া সুকুমারের মুখের নিকট লইতেই সে ঔষধপূর্ণ গ্লাসট তাঁহার হাত হইতে কাড়িয়া লইয়া দূরে ফেলিয়া দিল। জ্ঞানানন্দ ভাবিলেন, বুঝি তাহার বিকার উপস্থিত হইয়াছে। আবার এক দাগ ঔষধ সুকুমারের মুখের নিকট ধরিতেই এবারও সে তাহা ছুঁড়িয়া ফেলিয়া দিল। তাহার পর দাঁতে দাঁত দিয়া সে পুড়িয়া রহিল। সারা রাত্রে মধ্যে তাহার সেই দাঁত ছাড়াইয়া এক নিন্দু জল অবধি কেহ তাহাকে খাওয়াইতে পারিল না।

ভোরের পাখী ডাকিয়া থামিয়া গেল, সূর্য্যকিরণ অরুণকিরণক নিস্তেজ করিয়া ফেলিল। তখন জ্ঞানানন্দ স্বামী দীর্ঘনিঃশ্বাস ত্যাগ

সুকুমার

করিয়া সুকুমারের কক্ষ ছাড়িয়া বাহির হইয়া আসিলেন। তাঁহার হাতে সুকুমারের সেই বক্ষসংলগ্ন কাগজখানি। তিনি দিনের আলোয় কাগজখানি উল্টাইয়া পাণ্টাইয়া দেখিয়া বুঝিলেন, সেখানি পাঁচ হাজার টাকার ইনসিওর পলিসি। অপর পৃষ্ঠে দেখিলেন, পরিষ্কার হস্তাক্ষরে লেখা রহিয়াছে—“নিশিনাবুর পুত্র অমলবাবু আমার আদরের ভগিনী জোছনাকে বিবাহ করিলে, যৌতুকস্বরূপ এই পাঁচ হাজার টাকা পাইবেন।” স্বামীজী উদ্ধৃদিকে একবার দৃষ্টিপাত করিলেন। এমন সময় জ্যোৎস্না কোথা হইতে সুকুমারের পীড়ার সংবাদ পাইয়া সেখানে ছুটিয়া আসিয়া সেই কক্ষমধ্যে প্রবেশ করিতে যাইতেছিল, স্বামীজী দুই হাত বাড়িয়া পথ রোধ করিয়া দাঁড়াইয়া কহিলেন, “কোথায় যাচ্ছি মা!”

জ্যোৎস্না কাঁদিতে কাঁদিতে কহিল, “দাদা, আমার দাদা!”

সন্ন্যাসীরও চোখের পাতা ভিজিয়া উঠিল। তিনি গাঢ়স্বরে কহিলেন, “চুপ কর মা, চুপ কর।”

পুত্রবধূ

[১]

সুখমা বড়লোকের কন্যা। তাহার জনকজননী ইচ্ছা করিলে তাহাকে কোন এক ধনী পুত্রের সহিত বিবাহ দিতে পারিতেন, কিন্তু তাঁহাদের সে ইচ্ছা ছিল না। তাঁহাদের উভয়েরই সঙ্কল্প ছিল, কোন একটি গৌরবান্বিত গৃহস্থ যুবককে গৃহজামাতরূপে অধিষ্ঠিত করিবেন। তাই ঘটক যে দিন, বিমাতার প্ররোচনায় পিতা কত্ৰক বিতাড়িত কিরণচন্দ্রকে লইয়া সুখমার পিতার নিকট উপস্থিত হইল, তখনই তিনি সানন্দে সেই সুন্দর যুবকটিকে গৃহজামাতা করিয়া লইলেন। সে আজ আট বৎসরের কথা।

আজ তিন দিন হইল, কিরণের পিতা,—সুখমার স্বশুর, বৃদ্ধ হরনাথ দেশ হইতে মরিয়া-বাঁচিয়া সর্বস্ব খোয়াইয়া তাঁহার কনি-

সুসুমার

কাতার অর্দ্ধভাগ, জীর্ণ ইটকোটার আসিয়া আশ্রয় লইয়াছেন। দুর্দান্ত দামোদর বৃদ্ধের যাহা-কিছু ছিল, সমস্তই গ্রাস করিয়া ফেলিয়াছে; বৃদ্ধের স্ত্রী, কিরণের সেই বিমাতা,—বৃদ্ধের কণ্ঠা ও সেই কণ্ঠার পুতুলের মত ছ বছরের ছেলেটি, বৃদ্ধের বড় আদরের নাতিটি,—কাহাকেও রাখিয়া যায় নাই।

যে দিন হরনাথ ক্ষতবিক্ষত অন্তরে কলিকাতায় আসিয়া পৌঁছিলেন, সে দিন সন্ধ্যার সময় কে একজন আসিয়া কিরণচন্দ্রকে এই সংবাদ দিয়া গেল। সেই যে কিরণচন্দ্র বাহির হইয়াছিল, তাহার পর দুই দিন আর শশুরগৃহে ফিরে নাই। অবশ্য এইরূপ অনুপস্থিতি তাহার পক্ষে কিছু নূতন নহে। এমনতর প্রায় মাঝে মাঝে ঘটিত। প্রথমে অন্তরের নিভৃততম প্রদেশে বিষম ব্যথা অনুভব করিলেও, ক্রমে ক্রমে সুসুমার ইহা সহ হইয়া গিয়াছিল।

অতদিনের অপেক্ষা, সে দিন সুসুমা তাহার স্বামীর প্রত্যাবর্তনের প্রতীক্ষায় অধিকতর ব্যথা হইয়া উঠিয়াছিল। তাহার একটু বিশেষ কারণ ঘটিয়াছিল। তৃতীয় দিনেও যখন কিরণচন্দ্র বাটী ফিরিল না, তখন সুসুমা বাস্ত হইয়া সর্বাগে গিয়া তাহার দাদাকে ধরিয়া পড়িল, “দাদা, আমাকে শশুরবাড়ী রেখে আসবে?” দাদা অবাক হইয়া কহিল, “তোমার শশুর-বাড়ী! সে আবার কোথায়?” সুসুমা ঠিকানা জানাইয়া কহিল, “শুনেছ ত আমার শশুরের কি সর্বনাশ হ’য়ে গেছে—তাকে বহু করে, এমন একজন কেউ নেই, তুমি যদি দাদা একবার আমার সেইখানে পৌঁছে দিয়ে এস।”

দাদা হাসিয়া কহিল, “তুই পাগল হয়েছিস নাকি,—শব্দবগাড়ী বাওয়া-টাওয়া হ’তে পারে না।” তাহার পর সুষমা ভয়ে ভয়ে পিতাকে গিয়া এ কথা জানাইলে, তিনি ঘৃণাভরে হাসিয়া কণ্ঠাকে বুঝাইয়া দিলেন, ‘তাও কি হয়।’ শেষে নিরাশ হইয়া সুষমা জননীৰ নিকট কাঁদিয়া পড়িলে, জননী অবাক হইয়া কহিলেন, “তোব হ’রেছে কি? তুই কি ক’রে এমন কথা বলি? কিরণ অর্ধি বাপের সঙ্গে সম্বন্ধ একেবারে উঠিয়ে দিয়েছে, আর তুই কিনা সেখানে যেতে চাস্। তোব ভালর জন্তেই বলছি, ও কথা আর মনেও ঠাই দিসনি।” সুষমা কিছু বলিল না, শুধু অঞ্চলপ্রান্তে চোখ ঢাকিয়া জননীৰ সম্মুখ হইতে উঠিয়া আসিয়া নিজের ঘন মেঝের উপর গিয়া লুটাইয়া পড়িল। খানিক পরে তাহার ছয় বৎসরের পুল্ল বীরু আসিয়া ডাকিল, ‘মা, মা।’ সুষমা তাড়াতাড়ি উঠিয়া বসিয়া তাহাকে কোলের মধ্যে টানিয়া লইয়া চুমু খাইয়া তাহার মাথাটি সম্বন্ধে বুকের উপর রাখিয়া চুপ করিয়া বসিয়া রহিল।

এমন সময় অদূরে সিঁড়িতে কাহার পদশব্দ শোনা গেল। বীরু ধড়মড় করিয়া মাতার কোল হইতে উঠিয়া পড়িল এবং ‘বাবা আসছে’ বলিয়া বীরু ছুটিয়া বাহির হইয়া গিয়া আবার তেমনি করিয়া ছুটিয়া ফিরিয়া আসিয়া মাকে জ্ঞানাইয়া গেল, ‘মা, বাবা—এসেছে, বাবা এসেছে।’ শিশুর সমস্ত মৃৎখানি ছাপাইয়া আনন্দ উচ্ছ্বসিত হইয়া উঠিয়াছিল। সুষমা গলায় অঞ্চল

সুকুমার

টানিয়া মেঝেতে মাথা ঠেকাইয়া মা কালীকে উদ্দেশ করিয়া
প্রণাম করিল। সে যে বড় ব্যাকুল হইয়া নাকে ডাকিয়াছিল!

বীৰু কিরণের হাত ধরিয়া এক রকম টানিয়া ঘরের মধ্যে
লইয়া আসিল। শ্রাবণের শেষ। সেদিনকার মেঘমুক্ত প্রাতঃসূর্য্যের
প্রথর রৌদ্রে কিরণচন্দ্রের সর্কাস্ত ঘর্ম্মাক্ত হইয়া উঠিয়াছে। তাহার
গাত্রের পাঞ্জাবিটি যেন বর্ষাবারিতে সিক্ত হইয়া গিয়াছে। কপালের
উপর ঘর্ম্মবিন্দুগুলি তাহার স্বভাবসুন্দর মুখখানির শোভা আরও
বাড়াইয়া তুলিয়াছে। কিরণচন্দ্র আসিয়া অলসভাবে খাটের
একপারে বসিয়া পড়িল। তাহার দুই জানুর মধ্যস্থল অধিকার
করিয়া বীৰু দাঁড়াইয়া রহিল। সুষমা তাড়াতাড়ি পাখা লইয়া
কিরণচন্দ্রকে বাতাস করিতে লাগিল।

খানিক পরে সুষমা কহিল, “ঘাম শুকিয়ে গেছে, এইবার
জামাটা খুলে ফেল।” কিরণ জামাটি খুলিয়া ফেলিবামাত্র তাহার
হাত হইতে জামাটি লইয়া আলনার টাঙ্গাইয়া দিয়া ফিরিয়া আসিয়া
সুষমা আবার বাতাস করিতে শুরু করিল।

এদিকে প্রশ্নের উপর প্রশ্ন করিয়া বীৰু কিরণের অলস দেহকে
একটু জাগ্রত করিয়া তুলিল। প্রশ্নগুলির মধ্যে অনেকগুলির
কোন অর্থই খুঁজিয়া পাওয়া যায় না। এমন সময় নীচ হইতে
বীৰুর ডাক পড়িল, সে অমনই ছুটিয়া ঘরের বাহির হইয়া গেল।

হাওয়া কপিতে করিতে কিরণের মুখের উপর দুইটি উৎসুক
নয়ন স্থাপন করিয়া সুষমা জিজ্ঞাসা করিল, “বাবা কেমন আছেন?”

“তা আমি কি করে বলব। আমি তাঁর ওখানে যেয়ে উঠতে পারিনি।”

সুষমা ব্যগ্র হইয়া বলিয়া উঠিল, “সে কি, তাঁকে একবার দেখতেও যাওনি! তুমি না দেখলে, তাঁকে দেখবে কে? তাঁর আর কে আছে? এখনও সেই পুরণো কথা মনে ক’রে আছ না কি?”

কিরণ একটু উষ্ণ হইয়া বলিল, “যতদিন বেঁচে থাকব সে কথা কিছুতেই ভুলতে পারব না। মিথ্যে কথায় বিশ্বাস ক’রে আমাকে কিনা খাড়া থেকে তাড়িয়ে দিলেন। তখন ভাবেননি তাঁরও একদিন অসময় আসতে পারে।”

সুষমা স্তব্ধ হইয়া রহিল, কিছু বলিতে পারিল না। তার পর নিজেকে একটু সামলাইয়া লইয়া ধীরে ধীরে কহিল, “এখন যে তাঁর আর কেউ নেই, তুমিই যে তাঁর সব, তোমাকে কাছে পেলে তিনি এ শোকের মধ্যেও যে একটু সামান্য পেতে পারেন।”

কিরণ অন্তমনস্ক ভাবে কহিল, “তা আমি কি করব।”

সুষমা যেন কি বলিতে গিয়া থামিয়া গেল। কিরণের এ অবহেলা, এ তাচ্ছিল্য তাহার হৃদয়ে গিয়া দারুণ বিধিল। পিতা যদি একটা ভুলই করিয়া থাকেন—এর চেয়ে মানুষের জীবনে আর কি অসময় আসিতে পারে—পুল্ল কিনা সেই সামান্য অভিমানের বশে পিতার এই দুঃসময়েও হৃদয়ের প্রকৃতি-পেলব বৃত্তি-গুলিকে দলিয়া পিষিয়া এমনি কঠিন কঠোর হইয়া উঠিয়াছে।

সুকুমার

সুসমা অন্তরের বেদনা চাপিয়া ধীরে ধীরে কহিল, “আমি আজ একবার বাবাকে দেখতে যাব।”

কিরণ তাড়াতাড়ি বলিয়া উঠিল, “না না, সেখানে তুমি কি ক’রে যাবে।”

সুসমা ব্যাকুল হইয়া কহিল, “আমার মন ভারি অস্থির হ’য়ে উঠেছে, আমি একবারটি দেখতে যাব।”

কিরণ কহিল, “সেই এঁদো-পড়া ঘরে গিয়ে তুমি দাঁড়াবে কোথা? সেখানে তোমার কিছুতেই যাওয়া হ’তে পারে না।”

সুসমা দাঁড়াইয়াছিল, মেঝেয় বসিয়া পড়িয়া দুই হাতে স্বামীর পা জড়াইয়া ধরিয়া কাঁদিয়া কহিল, “ওগো, তোমার দুটি পায়ে পড়ি, আমাকে নিয়ে চল, আমি আর থাকতে পারি না।”

কিরণ হাত ধরিয়া সুসমাকে তুলিয়া একটু আর্দ্র হইয়া কহিল, “তুমি যেতে চাইলেই ত আর হ’বে না, তোমার বাপমাকে ত একবার জিজ্ঞেস করা চাই।”

সুসমা উৎফুল্ল হইয়া কহিল, “তাদের আর কি জিজ্ঞেস করব। আপিস যাওয়ার সময় সঙ্গে ক’রে রেখে যেও।”

অগত্যা কিরণ রাজি হইয়া বলিল, “আচ্ছা তা রেখে যাব, কিন্তু বলে রাখ্‌চি আনতে আমি পারব না।” এ কথা অর্থ বুঝিতে সুসমার একটুও দেরী হইল না। তবুও হাসি মুখে সে কহিল, “আচ্ছা তোমাদের আনতে হবে না। শুধু পৌঁছে দিলেই হবে।”

[২]

বীরুর হাত ধরিয়া স্পন্দিতবক্ষে কম্পিত-পদে সুষমা ধীরে ধীরে তাহার বাপের বাড়ীর দাসীর সহিত শ্বশুরগৃহে প্রবেশ করিয়া দেখিল, বৃদ্ধ হরনাথ দুই হাঁটুর মধ্যে মুখ ঢাকিয়া ধূস-ঢাকা মেঝের উপর নিস্পন্দভাবে বসিয়া আছেন। সেই ক্ষুদ্র অন্ধকার ঘরখানি হইতে কেমন এক রকম ভাপসা গন্ধ বাহির হইতেছে। ঘরের কোণে হাঁড়ি-কলসীর গায়ে এক পুরু ছাত্তা ধরিয়া রাখা আছে। বহুদিন অব্যবহারে পড়িয়া থাকায় শয্যাদ্রব্যগুলি একেবারেই ব্যবহারের অযোগ্য হইয়া গিয়াছে বলিয়া মনে হইতেছে। সুষমার চোখ ফাটিয়া জল বাহির হইতে চাহিল। বীরু ভর পাউফলের আরও নিকটে সরিয়া গিয়া তাহাকে জড়াইয়া ধরিল। বি আঁচল টানিয়া নাক চাপিয়া ধরিয়া বিশেষ বিরক্তির ভাব দেখাইতে লাগিল।

তাহাদের প্রবেশের শব্দ শুনিয়া বৃদ্ধ ধীরে ধীরে মাথা তুলিয়া চাহিলেন। অবিরত ক্রন্দনে তাহার বান্ধকের ক্ষীণদৃষ্টি আর প্রক্ষীণ হইয়া গিয়াছিল। হরনাথের প্রথমে মনে হইল, যেন কতকগুলি কিসের ছায়া তাহার চোখের সামনে ঘুরিয়া বেড়াইতেছে! হরনাথ আর একবার ভাল করিয়া চাহিয়া দেখিতেই, সুষমা অন্ধলের প্রান্তভাগ গলায় বেঁধেন করিয়া দুই হাতে খুঁটাটি ধরিয়া সেই ধূলি-বহুল মেঝের উপর জানু পাতিয়া বসিয়া ভূমিষ্ঠ হইয়া প্রণাম করিয়া

সুকুমার

বৃদ্ধের দুই পায়ের ধূলি মাথায় লইয়া উড়িয়া দাঁড়াইল। মায়ের দেখাদেখি বীরুও তাড়াতাড়ি একটা গড় করিয়া ফেলিল। বৃদ্ধ 'হাঁ-না' কিছুই বলিতে পারিলেন না, শুভ আশীর্ষচন তাঁহার হৃদয়ের অন্তরতম প্রদেশ মথিত করিয়া বাহির হইতে চাহিয়াও বাহির হইতে পারিল না। হরনাথ উদাসভাবে বিষ্ময়বিষ্ফারিত নয়নে তাহার পানে চাহিয়া রহিল। ঝি বলিয়া উঠিল, "চিন্তে পার্চ না, তোমার ব্যাটার বউ গা, ব্যাটার বউ, আর তোমার ব্যাটার ছেলে।" কিরণের স্ত্রী, বড়লোকের মেয়ে! বুঝি তাহার এ দুঃসময়ে সে উপহাস করিতে আসিয়াছে! হরনাথ রুক্ষ দৃষ্টিতে তাহার পানে চাহিল, কিন্তু সুষমাব মুখখানি এমনই করুণ, এমনই দীন, পোষাক-পরিচ্ছদও এমনই আড়ম্বরহীন—পরণে একখানি অর্ধ-মলিন মোটা কাপড়—হাতে মাত্র কয়গাছি আটপোরে চুড়ি,—দেখিয়াই হরনাথের মনে হইল, যেন করুণা আপনি দীন মূর্তি ধরিয়া তাঁহার সম্মুখে আসিয়া দাঁড়াইয়াছে, বৃদ্ধের হৃদয়ের কোমল বৃত্তিগুলি যাহা এতদিনে শুষ্ক হইয়া একেবারে ধূলি হইয়া উড়িয়া যাইতে বসিয়াছিল, নূতন জল পাইয়া সেগুলি আবার যেন একটু ক্ষুণ্ণিত পাইয়া উঠিল। হরনাথ আর্দ্র কণ্ঠে ডাকিলেন, 'মা!'

সুষমা কাঁদিয়া ফেলিল, 'বাবা!'

বৃদ্ধও আর চোখের জল রোধ করিতে পারিলেন না। অশ্রুধারা-পাতে তাঁহার শীর্ণ গণ্ডদেশ ভাসিয়া গেল। তিনি চোখের জল মুছিতে মুছিতে "দাদা আয়" বলিয়া দুই শিথিল বাহু দ্বারা বেষ্টন

করিয়া বীরকে কোলে তুলিয়া লইলেন। হরনাথের মন আলোড়িত করিয়া তুমুল ঝটিকা উথিত হইল। তাঁহার সেই কত আদরের কণ্ঠার সেই শিশু পুল্লটি—সেই নাতিটি,—সেও ঠিক এমনটি হইয়া উঠিয়াছিল, এমনই করিয়া সেও তাঁহার গলা জড়াইয়া বৃকের সঙ্গে মিশিয়া থাকিত। হায়, সে আজ কোথায়? মাত্র ছয়দিন পূর্বে শেষ যখন বৃদ্ধ তাহাকে দেখিয়াছিলেন, তখন মৃত্যুর পাণ্ডুর ছায়ায় শিশুর সমস্ত কোমল মুখখানি ভরিয়া গিয়াছিল,—চিবনিদ্রিত মাতার আড়ষ্ট শক্ত বাহুর কঠিন বন্ধনের মধ্যে থাকিয়া সে যে তখন আকণ্ঠ জল পান করিয়া অনন্ত নিদ্রার কোলে চিরবিরাম লাভ করিয়াছে! আর ত সে ফিরিয়া আসিয়া গালভরা হাসি হাসিয়া তাঁহার কোলের উপর ঝাঁপাইয়া পড়িবে না! বৃদ্ধের ক্ষত-বিক্ষত যুগল পঞ্জর কাঁপাইয়া দীর্ঘ শ্বাস বহিয়া গেল। বীরকে তিনি বৃকের মধ্যে আরও শক্ত করিয়া চাপিয়া ধরিলেন।

[৩]

সারাদিন খাটিয়া সুষমা সেই জীর্ণ ঘর দুইখানিতে লক্ষ্মীশ্রী ফিরাইয়া আনিল। বাহিরের রোয়াকটি ঝিকে দিয়া ধোয়াইয়া পোছাইয়া রাখিল। এখন দেখিলে আর সে বাড়ী বলিয়া চেনা যায় না।

বিকালবেলা বাহিরের রোয়াকে বসিয়া হরনাথ ভ্রামাক

সুকুমার

থাইতেছিলেন, আর বীরুর সহিত নানা সুখ দুঃখের গল্প
করিতেছিলেন।

বীরু কহিল, “দাদু, তুমি আপিস যাও না? বাবা কেমন
আপিস যায়।”

হরনাথ অশ্রুমনস্কভাবে কহিল, “হ্যাঁ দাদু, তোর বাবা আবার
আফিসে যায়?”

বীরু হাসিতে হাসিতে কহিল, “তুমি তা জাননা দাদু,
বাবা যে আপিসেই থাকে।”

বৃদ্ধ হরনাথ আশ্চর্য হইয়া জিজ্ঞাসা করিলেন, “আপিসে
থাকে! বাড়ী থাকে না?”

বীরু কহিল, “না দাদু, বাবা ত রোজ বাড়ী আসে না, এক
এক দিন আসে।”

কিরণ তাহা হইলে সে বাড়ীতেও থাকে না! সে এতদূর
অধঃপাতে গিয়াছে! কত কথাই বৃদ্ধের মনে উঠিতে লাগিল!
এমন সময় ভিতরে সুসুমার কণ্ঠস্বর কর্ণে প্রবেশ করিবামাত্র
তাঁহার চিন্তাস্রোত খানিকক্ষণের জন্য রুদ্ধ হইয়া রহিল।

সুসুমা ঝিকে বলিতেছে, “দেখ্ ক্ষেপ্তি, তুই বাড়ী যা, গিয়ে
মাকে বলিস্, আমি এখন কিছুদিন এখানেই থাকব।”

ঝি অবাক হইয়া বলিল, “সে কি দিদিমণি, তুমি এ ভাঙ্গা
এঁদো বাড়ীতে থাকবে! আমরা ত ছোটলোক, দাসী চাকর,
আমাদেরই এর মধ্যে জ্বর এসে গেছে, আর তুমি এখানে থাকবে?”

ঝি আরও কি বলিতে যাইতেছিল, সুবমা ধমক দিয়া উঠিল, “তোমার অত কথার দরকার কি, তোকে যা বললাম তুই তাই গিয়ে মাঝে বল্গে।”

ক্ষান্ত মুখ ভার করিয়া কহিল, “তোমারই ভালর জন্যে বলেছিলাম দিদিমণি, আমার তা না হ’লে এত মাথা ব্যথা কি পড়েছিল,” বলিয়া সে হনহন করিয়া বাটার বাতির হইয়া গেল।

হরনাথ হুঁকাটি দরজার পাশে রাখিয়া বীরের হাত ধরিয়া ধীরে ধীরে ভিতরে প্রবেশ করিলেন। সুবমাকে সম্বোধন করিয়া কহিলেন, “মা, তুমি কি সত্যি এখানে থাকতে এসেছ ?”

সুবমা মুখ নত করিয়া মৃদুকণ্ঠে কহিল, “হ্যাঁ বাবা।”

বৃদ্ধের মুখচোখে আনন্দ উচ্ছ্বসিত হইয়া উঠিল। তবুও একথা যেন তিনি বিশ্বাস করিতে পারিতেছিলেন না, তাই কহিলেন, “গরীবের এ ভাঙ্গা ঘরে তোমার যে ভারি কষ্ট হ’বে মা।”

সুবমার কণ্ঠস্বর আর্দ্র হইয়া আসিল, সে কহিল, “না বাবা, আমি বেশ থাকব। কষ্ট কেন হ’তে যাবে।”

তুই ফোঁটা তপ্ত অশ্রু হরনাথের গণ্ডের উপর ঝরিয়া পড়িল, ভারিগলায় তিনি কহিলেন, “আর দাছভাই, তার যে খুব কষ্ট হ’বে। হ্যাঁ দাছ, তুই বুড়োর ভাঙ্গা ঘরে থাকতে পারবি ত ?”

বীর যেন এই প্রশ্নের উত্তর দিবার জন্য প্রস্তুত হইয়াই ছিল, কহিল, “আমি সেখানে যাব না দাছ, আমি তোমার কাছে থাকব।”

সুকুমার

হরনাথ হাসিয়া কহিলেন, “তুই ভাই ত ভারি নেমকহারাম।”
তাঁহার অসহ্য দুঃখের মধ্যেও হরনাথ আজ যেন অনেকটা আরাম
পাইলেন।

হরনাথের সামান্য আয়। দেশে যাঁহা-কিছু ছিল তাহা ত
সমস্তই ভাসিয়া গিয়াছে। আয়ের মধ্যে এখন এই অর্ধেক
বাড়ীটির ভাড়া, মাত্র পনরটি টাকা। তাঁহার এই দারুণ দুঃসময়ের
উপর সুখমা কি আবার একটা মস্ত গলগ্রহ হইয়া তাঁহার বিপদ
আরও বাড়াইয়া তুলিবে! সুখমা চিন্তিত হইয়া পড়িল।

তাঁহার মনে পড়িয়া গেল, সে ত প্রতি মাসে তাঁহার পিতার
নিকট হইতে পঁচিশটি করিয়া টাকা হাত খরচ পাইয়া থাকে।
তাহাতেই ত তাহাদের বেশ চলিয়া যাইবে।

সুখমা অনেকটা নিশ্চিত হইয়া গৃহকর্মো ব্যাপৃত হইল।

সন্ধ্যা উত্তীর্ণ হইয়া গিয়াছে। কন্ম-ক্লান্ত কেরাণীর দল, কেহ,
বা বাড়ীর রোয়াকে, কেহ বা তাঁহাদের অপ্রশস্ত ছোট ঘরটির
ভিতর বসিয়া নানা গল্পে তাহাদের সারাদিনের পরিশ্রমের ক্লান্তি
দূর করিবার প্রয়াস পাইতেছিল। বন্ধার গল্প শুনিবার জন্ত পাড়ার
পাঁচ জন একেবারে হাঁপাইয়া উঠিয়াছিল, আজ হরনাথকে
রোয়াকে বসিতে দেখিয়া তাহারা যেন হাঁপ ছাড়িয়া বাঁচিল।
হরনাথকে ঘিরিয়া প্রশ্নের উপর প্রশ্ন করিয়া তাহাদের কৌতূহল
নিবারণ করিতে প্রবৃত্ত হইল। তাহাদের এই গল্প শুনিবার
আমোদ যে বৃদ্ধের হৃদয়কে ক্ষত বিক্ষত করিয়া দিতেছিল তাহা

তাহারা একবারও ভাবিল না। কেহ বা কথায়, কেহ বা দীর্ঘশ্বাসে মাঝে মাঝে সহানুভূতি প্রকাশ করিতে লাগিল।

ভিতরে বসিয়া সুষমা লোকের এই নিষ্ঠুর ব্যবহারে মনে মনে অসহ বেদনা অনুভব করিতেছিল। এমন সময় তাহার বাপের বাড়ীর সেই ক্ষান্ত ঝি আসিয়া তাহার সম্মুখে দাঁড়াইল; হাসিয়া একটু ভঙ্গী করিয়া কহিল, “হ’ল ত যা বলেছিলাম, তখন ত আমার কথা শুনলে না দিদিমণি, এখন চল।”

সুষমা এ কথার অর্থ ভাল করিয়া বুঝিতে পারিল না, জিজ্ঞাসা করিল, “তুই ও সব কি বলছিস্?”

ক্ষান্ত হাসিয়া কহিল, “তোমার কথা শুনে মা ত একেবারে বেগেই অস্থির। তাই দাদাবাবু এসেছেন তোমাকে নিয়ে যেতে।”

সুষমা ব্যগ্র হইয়া কহিল, “দাদা এসেছে, কই, কোথায়?”

দাসী অবজ্ঞার হাসি হাসিয়া কহিল, “তিনি গাড়ীতে বসে আছেন, এই পচা জায়গায় তিনি আসবেন নাকি!”

সুষমা অত্যন্ত বিরক্ত হইয়া কহিল, “আমি ত মাকে সঙ্গে পাঠিয়েছি, আমি এখন যাব না, এখানে থাকব, দাদা আবার যে নিতে এসেছেন।”

ক্ষান্ত তেমনি হাসিয়া কহিল, “তুমি যাবে না বললেই ত হ’বে না দিদিমণি, বাবু তোমায় এখানে থাকতে দেবেন কেন! নাও গুঁচিয়ে-গাছিয়ে সব, দাদাবাবু তোমায় বাড়ী পৌঁছে দিয়ে আবার কোথায় যাবে।”

সুকুমার

ক্ষান্তর কথায় সুধমা হাড়ে হাড়ে জর্জিরা উঠিয়া কহিল, “দাদাকে গিয়ে বলগে আমি যাব না। খবরদার তুই আমায় ফের বিরক্ত করতে আসবিনি!”

“আচ্ছা আমি বলচি গিয়ে দাদাবাবুকে,” এই বলিয়া রাগে গশ্গশ্ করিতে করিতে ক্ষান্তর ঘর হইতে বাহির হইয়া গেল।

একটু পরে ক্ষান্তর সহিত সুধমার দাদা ঘরে ঢুকিয়াই রুক্ষ স্বরে বলিয়া উঠিল, “তোব হ’য়েছে কি? কি বলিচিস্ তুই ক্ষান্তকে?”

সুধমা যথাসম্ভব মনের ভাব গোপন করিয়া সহজ শান্ত স্বরে কহিল, “কিছু বলিনি ত দাদা, তুমি এসেছ. ভালই হ’য়েছে, মাকে গিয়ে বল, আমি দিনকতক এখানে থাকুব।”

সুধমার দাদার মেজাজটা একটু বেশী বকমের কড়া। তাহার ভগিনীর এই উক্তি তাহার নিকট অত্যন্ত গর্হিত ও অপমানহৃচক বলিয়া মনে হইল। সে একটু অধিক উন্মত্ত হইয়া কহিল, “ও সব হ’বে না, তাকে এখনি যেতে হ’বে। তোর জন্তে কি আমাদের পাঁচজনের কাছে মুখ দেখান বন্ধ হয়ে যাবে?”

সুধমা তবুও নরম হইয়া কহিল, “আমি শ্বশুরবাড়ী থাকব, তাতে পাঁচজনের কি?”

তাহার দাদা গর্জিয়া উঠিল, “শ্বশুরবাড়ী থাকব! ভারি শ্বশুরবাড়ী হ’য়েছে! এতদিন কার খেয়ে মানুষ হয়েছিলি। কোথাকার একটা পাঁড়াগেঁয়ে চাষা,—একটা ভাঙ্গা বাড়ী!

আমাদের মাথা কাটা যাবে, না হ'লে ভারি বয়ে গেছল তোকে নিয়ে যেতে।”

অসহ হইলেও সুষমা সংযত হইয়া কহিল, “এখন সে কথা বললে হবে কেন দাদা, বিয়ের আগে সে কথা ভাবা উচিত ছিল।
• তুমি যাই কেন বলনা দাদা আমি এখন কিছুতেই যাবনা।”

তুই চক্ষু রক্তবর্ণ করিয়া তাহার দাদা কহিল, “এত বড় কথা। বেশ, তাই থাক; দেখব কতদিন তেজ থাকে। আমি এই সোজা কথা বলে যাচ্ছি, এখানে না খেয়ে বাড়ী চাপা পড়ে ম'লেও তো'র নাম মুখে আনব না। ছোট লোকের সঙ্গে বিয়ে দিলেই এমনি হ'য়ে থাকে। মর না খেয়ে।”

সুষমা খানিকক্ষণ স্তব্ধ হইয়া রহিল। সে কি উত্তর দিবে, কিছুই বুঝিয়া উঠিতে পারিল না। অপমান ও ক্ষোভে সে ফুলিয়া ফুলিয়া উঠিতে লাগিল। তাহার স্বপুত্রের অপরাধ, তান গরীব! গরীব বলিয়া কি তাঁহারই বাড়ীর উপর দাঁড়াইয়া এমনই করিয়া তাঁহাকে অপমান করিবে! আজ যদি তাহার স্বামী আসিয়া বৃদ্ধের পার্শ্বে দাঁড়াইতেন, তাহা হইলে এমনই করিয়া কি তাঁহাকে তাহার দাদা অপমান করিতে পারিত? তাহার স্বপুত্র ও স্বামীর প্রতি এই অশ্রায় গালিগালাজ, সে কিছুতেই সহ করিতে পারিল না, সে আত্মসংযম হারাইয়া বসিল। হয় ত যাহা তাহার বলা উচিত ছিল না তাহা সে বলিয়া ফেলিল, “তাই মরব দাদা, আমিও বলছি তোমায়, না খেয়ে এখানে মরে পড়ে থাকব, তবুও তোমাদের

সুকুমার

বাড়ী যাওয়ার নামও মুখে আনব না। দাদা, গরীব হ'লেই ছোটলোক হয় না।”

সুখমার দাদা রাগে কাঁপিতে কাঁপিতে ঝড়ের মত ঘর হইতে বাহির হইয়া গেল। মেঝের উপর উপড় হইয়া পড়িয়া সুখমা কাঁদিতে লাগিল।

[৪]

পনের দিনের ভিতর অনেক পরিবর্তন হইয়া গিয়াছে। সুখমা বাপের বাড়ী হইতে চলিয়া আসিবার দিন তিনেক পরে, কিরণ একবার শ্বশুরবাড়ী গিয়াছিল। সেখানে শালার নিকট কতকগুলি শব্দ কথা শুনিয়া সেখানে যাওয়া একেবারেই বন্ধ করিয়া দিয়াছে। বৃদ্ধ পিতার সহিতও সে দেখা করে নাই, সুখমা ও বীররও কোন খোঁজ লয় নাই; পুল ও স্ত্রীর প্রতি যে একটু সামান্য স্নেহের টান তাহার ছিল, সেটুকু সে হৃদয় হইতে একেবারে ধুইয়া মুছিয়া ফেলিয়াছে।

সুখমার দাদা চলিয়া যাইবার দিন তিনেক পরে তাহার জননী গোপনে কণ্ঠার জন্ত কিছু খাবার পাঠাইয়াছিলেন, কিন্তু সে কথা প্রকাশ হইয়া পড়ায় পুলের সহিত আশু বিচ্ছেদের সম্ভাবনা দেখিয়া সুখমার পিতামাতা বাধ্য হইয়া কণ্ঠার খোঁজ লওয়া বন্ধ করিয়া গিয়াছেন।

সুখমা তাহার জমানো যে কয়েকটা টাকা সঙ্গে করিয়া আনিয়া-

ছিল, তাই দিয়া পনের দিন বেশ ভালই কাটিয়া গেল। বাধা-
বাড়া, গৃহস্থালীর অল্প যাহা-কিছু কাজ, সবই সে একাই করিত।
হরনাথ কোন্ জিনিসটি খাইতে ভালবাসেন তাহা সে খুঁটিয়া
খুঁটিয়া জিজ্ঞাসা করিয়া লইত। তিনি যেটা খাইতে ভালবাসিতেন,
সুখমা সেটা পরিপাটী করিয়া তৈয়ারী করিয়া রাখিত, তা
ছাড়া বৃদ্ধ বয়সের পক্ষে বিভিন্ন মুখরোচক জিনিস প্রস্তুত করিয়া
প্রতিদিন বৃদ্ধের কাছে বসিয়া কত যত্ন করিয়া খাওয়াইত।
পান তামাকটি এবং অল্প যাহা-কিছু যখনই আবশ্যিক হইত,
বৃদ্ধ হরনাথ তখনই তাহা হাতের গোড়ায় পাইতেন। বাহ্যতে
হরনাথ কোন অভাবই বোধ করিতে না পারেন এ বিষয়ে
সুখমা বিশেষ সতর্ক থাকিত। ছেলেটা পড়িয়া গিয়া খুব
ব্যথা পাইলে মাতা যেমন তাড়াতাড়ি একটা রঙচঙে পুতুল
এবং আরও কত-কি আনিয়া তাহার সামনে ধরিয়া নানা
ছলে ব্যথা ভুলাইবার প্রয়াস পাইয়া থাকে, সুখমাও ঠিক
তেমনই করিয়া বৃদ্ধের এ ব্যথার সাস্থনা দিতে প্রয়াস পাইত-
ছিল, এবং কতকটা সক্ষমও হইয়াছিল। সুখমার আদর বড়
ও বীরুর নিত্য সঙ্গ পাইয়া হরনাথ সত্যই এ কয়দিনে প্রথমে
গুরুভার অনেকটা লঘু করিতে পারিয়াছিলেন।

সপ্তাহ পরে একদিন সন্ধ্যাকালে হরনাথ কাপিতে কাপিতে
শয্যাগ্রহণ করিলেন। রাত্রে জ্বরটা খুব বেশী লাড়িয়া উঠিল,
সুখমা অত্যন্ত ভয় পাইল। তখন পাড়ায় 'টাইফয়েড' প্রায়

সুকুমার

ঘরে ঘরে হইতেছিল এবং দুই এক জন মরিতেও ছিল।
ঐ তাহাদের ভাড়াটিয়াও আজ দশদিন হইতে শয্যাশায়ী হইয়া
আছে। বাঁচিবে কি মরিবে তাহাও এখন ডাক্তাররা ঠিক
বলিয়া উঠিতে পারে নাই।

আজ সুসমা নিজেকে বড় অসহায় মনে করিল। যদি জ্বর
আরও বাড়িয়া পড়ে, অসুখ যদি খুব শক্ত হইয়া দাঁড়ায়, তখন
সে কি করিবে! সারারাত্রি হরনাথের শিয়রের কাছে 'ঠায়'
জাগিয়া বসিয়া থাকিয়া সে কেবলই ঐ কথা ভাবিতে লাগিল,
কাহার কাছে যাইবে, কি করিবে; কেমন করিয়া তাঁহাকে
বাঁচাইবে। সে যে তাঁহাকে আশ্রয় করিয়া বাপের বাড়ীর
সংশ্রব অবধি ত্যাগ করিয়াছে। তাহার শ্বশুর ও স্বামীকে তাহার
দাদা আসিয়া অপমান করিয়া গিয়াছেন,—সেখানে আর সে
কিছুতেই নাথা হেঁট করিয়া যাইতে পারিবে না। শ্বশুরের
অসুখের কথাও সেখানে কিছুতেই জানাইতে পারে না। তাঁহারা
বড়লোক, দুঃখীর অসুখের কথা শুনিয়া যে উপহাস করিবেন,
ইহা সে কিছুতেই সহ্য করিতে পারিবে না। তার চেয়ে,—সে
আর কিছু ভাবিতে পারিল না, 'বা হয় হ'ক।' তাহার স্বামী,—
তাঁহাকে যদি সে এ খবরটা দিতে পারিত! এখনও কি তিনি
রাগ করিয়া থাকিতে পারিবেন! কিন্তু কোথায়, কাহাকে দিয়া
সে তাহাকে এ সংবাদ দিবে!

তখন গভীর রাত্রি। সমস্ত সহর সুষুপ্তির ক্রোড়ে আশ্রয়

লইয়াছে। কেবল মাঝে মাঝে দুই একটা শিশুর চীৎকার ক্রন্দন সেই বিরাট নিস্তরূতাকে একটু চকিত করিয়া তুলিতেছিল। ভয়ে সুষমার গা ছম্ছম্ করিতে লাগিল। দুশ্চিন্তার পর দুশ্চিন্তাগুলি বায়স্কোপের ছবির মত একের পর একটা করিয়া তাহার মনশ্চক্ষের সম্মুখ দিয়া দ্রুত চলিয়া যাইতে লাগিল। সুষমা উৎকণ্ঠিত হইয়া প্রত্যাশের প্রতীক্ষা করিয়া বসিয়া রহিল।

প্রভাত হইল, কিন্তু হরনাথের জ্বর উপশম হওয়ার কোন লক্ষণই দেখা গেল না। সুষমা তাঁহার কপালে হাত দিয়া দেখিল, বোধ হইল, জ্বরটা যেন আরও বাড়িয়াছে। বৃদ্ধ একেবারে বেহুস হইয়া পড়িয়া আছেন। পাশের বাড়ীর একটা বউয়ের সঙ্গে সুষমার বেশ ভাব হইয়াছিল। সে তাহার নিকট ছুটিয়া গিয়া কহিল, “ভাই শ্বশুরের ত খুব জ্বর, একেবারে বেহুস হয়ে পড়ে আছেন। আমার ত ভারি ভয় হ’য়েছে। কি করি বল ত?”

সেও ব্যস্ত হইয়া কহিল, “তাই ত ভাই, তুমি একেবারে একা, তোমার বাপের বাড়ী খবর দিয়ে পাঠাও না? তাঁরা এসে দেখা-শুনো করুন। আর তোমার স্বামী,—তিনি কোথায় চাকরি করে বলে না? তাঁকেও খবর দাও। এসে পড়লে আর তোমার কোন ভাবনা থাকবে না।”

বাপের বাড়ীর সহিত তাহার কিরূপ সম্বন্ধ দাঁড়াইয়াছে, এবং স্বামীর সঙ্গেও তাহার কতটুকু সম্বন্ধ, এ কথাটা সুষমা তাহার এই

সুকুমার

বন্ধুটির নিকট হইতে গোপন রাখিয়াছিল। এ কথা সে কি করিয়া বলিবে! তাই তাহার প্রশ্নগুলি চাপা দিয়া অগ্র কথা পাড়িল, “সে ত অনেক দেবীর কথা, এখন ভাই তুমি যদি ডাক্তার ডাকবার একটা বন্দোবস্ত করিয়ে দাও।”

সে আগ্রহভরে কহিল, “তার আর কি, আমি গুঁকে গিয়ে বলছি, এখনি ডাক্তার ডেকে এনে দেবেন’খন।”

“হ্যাঁ ভাই, তাই কর, আমি চললাম, বাবা একলা পড়ে আছেন, যদি জল-টল কিছু চান।” বলিয়া সুসমা ব্রহ্মপদে চলিয়া গেল। কক্ষ মধ্যে প্রবেশ করিয়া দেখিল, হরনাথ সত্য ‘জল জল’ করিতেছেন, আর বীর মুখখানি এতটুকু করিয়া একটি ছোট গেলাসে জল লইয়া “দাছ জল নাও, দাছ জল নাও” বলিতেছে, কিন্তু কে জল খাইবে! .

ডাক্তার আসিলেন, রোগীকে ভাল করিয়া দেখিয়া বলিয়া গেলেন, “অসুখ খুব শক্তই হ’য়েছে, তবে ঠিক যে কি অসুখ তা আরও দুই এক দিন না গেলে বলা যাবে না, খুব সাবধানে রাখবেন।” ঔষধ পথ্যের ব্যবস্থা করিয়া প্রত্যহ দুইবার করিয়া আসার আবশ্যকতা জানাইয়া ডাক্তার বাবু চলিয়া গেলেন।

গত রাত্রে যে দুশ্চিন্তাগুলি সুসমার মনের মধ্যে কেবলই যাওয়া-আসা করিতেছিল, সত্যই কি সেগুলি কঠিন সত্যে পরিণত হইবে! সত্যই কি সে আশ্রয়হীনা হইয়া পথে দাঁড়াইবে! ভগবান কি মুখ তুলিয়া চাহিবেন না? সে যে বড় অনাথা;—বাপ, মা, ভাই, সবাই

তাহাকে ত্যাগ করিয়াছে, স্বামীও তাহার কোন সংবাদ লন না !
এক শ্বশুর যে তাহার একমাত্র আশ্রয় ! এই কথাগুলি বার বার
তাহার মনে উদয় হইয়া তাহার ব্যথিত পীড়িত অন্তরকে
আরও গুরুভারাক্রান্ত করিয়া তুলিতে লাগিল ।

[৫]

সুখমার অক্লান্ত পরিশ্রম, ভগবানের উপর একান্ত আত্মনির্ভর
তাঁহার নিকট আন্তরিক কাতর প্রার্থনা, বৃদ্ধ হরনাথকে এ যাত্রা
মরণের হাত হইতে ফিরাইয়া আনিল । একচল্লিশ দিন পর বৃদ্ধের
জ্বর ছাড়িল, আরও সপ্তাহ কাটিয়া গেলে তিনি পথ্য পাইলেন ।

ক্রমে ক্রমে বৃদ্ধ বীরুকে লইয়া আবার বাহিরের রোয়াকে গিয়া
বসিয়া পাড়ার লোকের সহিত নানা গল্পে প্রবৃত্ত হইয়াছেন ।
তাঁহার পুল্লবধুর প্রশংসা তখন পাড়ায় ছড়াইয়া গিয়াছে, যাহার
সহিত বৃদ্ধের দেখা হইতেছে, সেই বৃদ্ধকে বলিতেছে, ‘মশায় এমন
বউ কারু হয় না । এ যাত্রা তারই যত্নে বেঁচে গেছেন, বামোটি কি
আপনার কম হ’য়েছিল ।’ শুনিয়া বৃদ্ধের চক্ষু জলে ভরিয়া আসিত ।

সকাল বেলা তামাক টানিতে টানিতে হঠাৎ হরনাথের মনে
পড়িয়া গেল, এত বড় ব্যারামের খরচপত্র ত কম নহে,— ডাক্তার
ঔষধ পথ্য এ সব খরচ কোথা হইতে চলিল, তাহার পর এখনকার
এই রকম আহার—সুখমা কি করিয়া চালাইতেছে ! সে কি
বাপের বাড়ী হইতে টাকা চাহিয়া আনিয়া এই সব খরচ পত্র

সুকুমার

চালাইতেছে? কিন্তু সুসমা যে বড় অভিমানিনী! সে কি নীচু হইয়া শ্বশুরের জন্ত তাহার বাপের কিকট যাদ্ধা করিতে গিয়াছিল?

হরনাথ কিছুই বুঝিয়া উঠিতে পারিলেন না। তবে কি কিরণ আসিয়াছিল? তিনি তামাক টানিতে টানিতে ভিতরে প্রবেশ করিয়া ডাকিলেন, “মা”!

“বাবা ডাক্‌ছেন?” বলিয়া সুসমা ব্যস্ত হইয়া শ্বশুরের সম্মুখে আসিয়া দাঁড়াইল। যখনই শ্বশুর তাঁহাকে স্নেহময় কণ্ঠে মা বলিয়া ডাকিতেন, তখনই সুসমার অন্তর গভীর আনন্দে পরিপূর্ণ হইয়া উঠিত। আবার যে সে এমন স্নেহের ‘মা’ ডাক শুনিতে পাইবে এই কদিন পূর্বেও সে যে একথা ভাবিতেও পারে নাই। হরনাথ চাহিয়া দেখিলেন, তাহার বধুমাতার সোণার বরণ কালি হইয়া গিয়াছে, তাহার দেহটি ক্ষীণ হইয়া গিয়াছে, কিন্তু সেই ক্ষীণ মুখের জ্যোতিটুকু বেন আরও বেশী উজ্জ্বল হইয়া ফুটিয়া উঠিয়াছে। তিনি খানিকক্ষণ চুপ করিয়া থাকিয়া কি জিজ্ঞাসা করিতে যাইতেছিলেন, এমন সময় হঠাৎ সুসমার মণিবন্ধের উপর চোখ পড়িতেই দেখিলেন, তাহার বউমার হাতের সেই সোণার চুড়ি কয়গাছি নাই। সেখানে কয়েকগাছি কাঁচের চুড়ি শোভা পাইতেছে। বুদ্ধের আর কিছু বুঝিতে বাকি রহিল না। তাঁহার আর কিছু জিজ্ঞাসা করাও হইল না। আর একবার বাষ্পরুদ্ধ কণ্ঠে ডাকিলেন, “মা!”

সুসমা মধুর কণ্ঠে উত্তর করিল, “কি বাবা?”

“না, কিছু না” বলিয়া বুদ্ধ আবার বাহিরে চলিয়া গেলেন।

[৬]

সুষমার শত চেষ্টা সত্ত্বেও তাহার সেই সদা হাস্যময় মুখে উপর চিন্তার যে কাল সূক্ষ্ম রেখাপাত হইয়াছে, সেইটাই হরনাথকে জানাইয়া দিল, তাঁহার বধুমাতার হাতের কড়ি ফুরাইয়া আসিয়াছে, একেবারে নিঃসম্বল হইবারও তাহার বড় বিলম্ব নাই। সেই দিন হইতে আর একটা নূতন ভাবনা তাঁহাকে বোঝার মত চাপিয়া ধরিল। টাকা—থরচের টাকা! তাঁহার ভাড়াটিয়া এখনও শয্যাশায়ী, পীড়িত। সামান্য চাকরির উপর তাহার নির্ভর, অসুখে পড়িয়া সে চাকরিটিও প্রায় যাইতে বসিয়াছে! সে এখন ভাড়া দিবে কোথা হইতে? হরনাথ কোন উপায় খুঁজিয়া পাইলেন না। এ বয়সে চাকরিইবা তাঁহাকে কে দিবে! কোন ব্যবসায় করিলে হয় না? তাহাতেও ত কিছু টাকা চাই! তাহাই বা তিনি কোথায় পাইবেন! বাড়ীটি অনেক দিন বন্ধক পড়িয়াছে। তাঁহার গ্রামের একটা ভদ্রলোক তাহার সারা-জীবনের উপার্জনের অর্থ তাঁহার নিকট গচ্ছিত রাখিয়াছিলেন। বন্ধায় বাড়ীঘরের সঙ্গে টাকাকড়ি সমস্তই কোথায় ভাসিয়া গিয়াছে! বৃদ্ধ বাটী বন্ধক দিয়া আজ সাত দিন হইল সেই গচ্ছিত অর্থ প্রত্যর্পণ করিয়াছেন। রোয়াকে বসিয়া বৃদ্ধ কেবলই এই কথা ভাবিতেছিলেন, টাকা কিছু ত চাই, না হইলে যে না খাইয়া মরিতে হইবে!

সুকুমার

তিনি মরেন তাহাতে কোন দুঃখ নাই। কিন্তু তাঁহার দেবীকল্পা বধুমাতা, যে ঐশ্বর্য্য, সুখ, পিতামাতার অগাধ স্নেহ বিসর্জন দিয়া এই হতভাগ্য বৃদ্ধের সেবার ভার গ্রহণ করিয়া প্রাসাদতুল্য অট্টালিকা ছাড়িয়া এই ভগ্ন গৃহের কোণে আসিয়া স্বেচ্ছায় আশ্রয় লইয়াছে, সেই বধুমাতা ও তাহার এই সুখৈশ্বর্য্যে বর্ধিত সুকুমার পুত্রটি না যে খাইয়া মরিবে! তাঁহার মাথার মধ্যে আগুন জ্বলিতে লাগিল।

এমন সময় বাড়ীর সম্মুখ দিয়া একজন ফিরিওয়ালা হাঁকিয়া গেল, “চাই ফুলকোপি,—ভাল ফুলকোপি।” বৃদ্ধ চমকিয়া সেই দিকে চাহিলেন। “ফিরি, ফিরি করিলে হয় না? লোকে নিন্দা করিবে? ফিরিওয়ালা বলিবে? তাহাতে কি আসে যায়! ব্যবসা, স্বাধীন ব্যবসা! ইহাতে অপমান কি? তাঁহার দেবীতুল্যা বধুমাতা সপুত্র না খাইয়া তাঁহারই চোখের সম্মুখে একটু একটু করিয়া মরিবে, আর তিনি মিথ্যা অপমানের ভয়ে ফিরি করিতে পারিবেন না? কেন পারিবেন না? খুব পারিবেন! রোজ বাজার হইতে কপি কিনিয়া আনিবেন, রাস্তায় ঘুরিয়া ঘুরিয়া বেচিয়া আসিবেন। রোজ একটা টাকাও ত তিনি পাইবেন। তাহাতে তাঁহাদের তিন জনের চলিয়া যাইবে। মাত্র পাঁচটি টাকা হইলেই তাঁহার এ ব্যবসা বেশ চলিবে! পাঁচটি টাকা কি ধার মিলিবে না? এ সামান্য কটি টাকা তিনি সংগ্রহ করিতে পারিবেন না? টাকা রোজগারের একটা সহজ পন্থা

আবিষ্কার করিয়া হরনাথ সত্যই খুব উৎসাহিত ও উৎফুল্লিত হইয়া উঠিলেন ।’

দুপুর বেলা কাঁদে চাদর ফেলিয়া হরনাথ রাস্তায় বাহির হইয়া পড়িলেন । এ বাজার সে বাজার ঘুরিয়া কপির দর জানিয়া বেড়াইতে লাগিলেন ।

হরনাথের আর দেৱী সহিতেছিল না । কি করিয়াই বা সহিবে ! তিনি যে লুকাইয়া দেখিয়াছেন তাঁহার আহাৰের ব্যবস্থা ঠিক সমান রাখিয়া তাঁহার বধুমাতা যে আজ দুইদিন হইতে এক বেলা করিয়া খাইতে শুরু করিয়াছে, দিনের বেলা দুখানি বাতাসা মুখে দিয়া শুধু এক ঘটা জল খাইয়া কাটাইয়া দেয়, রাত্রে খায়, তাহা শুধু নুন আর শুকনো ভাত ! আর দুদিন পরে বোধ হয় তাহাও বন্ধ হইয়া যাইবে !

সন্ধ্যার পূর্বে হরনাথ ক্লান্ত হইয়া বাড়ী ফিরিলেন । হাত মুখ ধুইয়া ছঁকাটি লইয়া মুখুয্যে মহাশয়ের প্রতীক্ষা করিয়া রোয়াকে বসিয়া রহিলেন । প্রতিদিন সন্ধ্যার সময় মুখুয্যে মহাশয় এই রোয়াকে আসিয়া বসিয়া থাকেন, আজও আসিলেন । হরনাথ একেবারেই কথা পাড়িয়া বসিলেন, “মুখুয্যে মহাশয়, আমার একটা উপকার করতে হবে ।”

মুখুয্যে মহাশয় সহাস্ত্রে কহিলেন, “আমার দ্বারা আপনার কি উপকার হ’তে পারে বলুন, আমার সাধ্যের বাইরে না হ’লে অবশ্য করব ।”

সুকুমার

হরনাথ উৎসাহিত হইয়া কহিলেন, “পাঁচটি টাকা আজ রাতেই আমার ধার দিতে হ’বে। এ উপকারটি আপনার করতেই হবে মুখ্যে মহাশয়। আমি আপনার সঙ্গে গিয়ে টাকা নিয়ে আসব।”

মুখ্যে মহাশয় চোখ বুজিয়া কিছুক্ষণ মৌন হইয়া থাকিয়া কহিলেন, “পাঁচটি টাকা,—তা এমন কিছু না, তবে হ’চ্ছে কিনা, এখন ত আমার হাতে নেই, দু পাঁচ দিন দেবী হ’বে।”

দেবী! হরনাথের মাথায় যেন আকাশ ভাঙ্গিয়া পড়িল! দু পাঁচ দিন পরে তাহারা কোথায় থাকিবে! হরনাথ মুখ্যে মহাশয়ের হাত জড়াইয়া ধরিয়া কহিলেন, “দোহাই আপনার, আজ আমাকে দয়া করে পাঁচটি টাকা দিন, না হ’লে আপনাকে সত্য বলচি, না খেতে পেয়ে মরতে হ’বে।”

“হা-হা-হা”, মুখ্যে মহাশয় হাসিয়া উঠিয়া কহিলেন, “এ আপনি কি বলছেন, হা-হা-হা, পাঁচটি টাকার জন্তে না খেতে পেয়ে মারা যাবেন! তবে হ’চ্ছে কি না, আমার হাতে টাকা থাকলে কি আর আপনাকে বলতে হ’ত, হা-হা-হা।”

ইহার পর আর হরনাথ কি বলিবেন। তাঁহার যে বড় আশা ছিল, মুখ্যে মহাশয়ের নিকট চাহিলে অনায়াসেই পাঁচটি টাকা পাইবেন। হরনাথের শ্বাস যেন রুদ্ধ হইয়া আসিতে লাগিল। তাঁহার চক্ষুর সন্মুখে অন্ধকার যেন বিকট মূর্তি ধরিয়া আসিয়া দাঁড়াইল। সেই অন্ধকারের মধ্যে তিনি যেন স্পষ্ট দেখিতে পাইলেন, অনশন-ক্লিষ্ট পুত্রটিকে বক্ষে চাপিয়া তাঁহার বধুমাতা

আকাশের পানে স্থির-দৃষ্টি হইয়া ধূলের উপর পড়িয়া আছে। দুই মাস পূর্বের ঠিক এমনই আর একটি দৃশ্যও তাহার চোখের উপর ভাসিয়া উঠিল! হরনাথ চীৎকার করিয়া উঠিলেন, “পাঁচটি টাকা!”

মুখ্যো মহাশয় ইতিমধ্যে উঠিয়া চলিয়া গিয়াছেন। বোয়াকে তখন আরও দুই এক জন আসিয়া বসিয়াছিল। “কি মশায় স্বপ্ন দেখছেন না কি?” বলিয়া একজন হরনাথকে একটু নাড়িয়া দিল, বৃদ্ধ চমকিয়া উঠিয়া চোখ চাহিলেন।

মুখ্যো মহাশয়ের সহিত হরনাথের যে কথাবার্তা হইয়াছিল, সুষমা তাহা সমস্তই শুনিয়াছিল। সে অস্থির হইয়া উঠিল। তাহার হাতে যে মাত্র তিনটি টাকা আছে। পাঁচটি টাকার জগ্ন শ্বশুর এমনই ভাবে লাঞ্ছিত হইলেন! হাতের দিকে সে একবার চাহিয়া দেখিল। তখনও সেই কাচের চুড়ির মধ্যে একটি সোণার জিনিস ঝকঝক করিতেছিল। ইহা থাকিতেও শ্বশুর পাঁচটি টাকার জগ্ন এত কষ্ট পাইবেন। সুষমা বাঁচিয়া থাকিতে ইহা কিছুতেই হইতে দিবে না।

সে তাড়াতাড়ি খিড়কীর দরজা দিয়া পাশের বাড়ীর উঠী—তাহার সেই বন্ধুটির—বাড়ী চলিয়া গেল। বন্ধু তাহাকে দেখিয়া হাসিয়া কহিলেন, “কি ভাই, বাস্তবে যে?”

“আমার আর একটি গয়না বেচে দিতে হ’বে। তোমার শ্বশুরীকে একবার বল। এখন আমার পাঁচটি টাকার ভারি দরকার।”

সুকুমার

“আচ্ছা বলচি,” বলিয়া সে চলিয়া গেল। খানিক পরে খাশুড়ীকে সঙ্গে করিয়া ফিরিয়া আসিল।

তাহার খাশুড়ী গম্ভীর হইয়া কহিলেন, “দেখি মা, কি গয়না?”

সুষমা হাত বাড়াইয়া তাহার সেই সোণাবাঁধান ‘নোয়া’ গাছটি দেখাইয়া দিল। গৃহিণী বলিলেন, “ও যে ‘নোয়া’ স্বামীর আয়র জন্তে যে হাতে রাখতে হয়, ও কি ক’রে বেচবে।”

সুষমা চিন্তিত হইয়া কহিল, “মা ওর বদলে এমনি নোয়া পলে হ’বে না, আমার যে পাঁচট টাকা এখনি চাট।”

তিনি বলিলেন, “তা বাছা হ’বেই না, ও কথাই বা কেমন করে বলি, নোয়া পরা হ’চ্ছে নিয়ম, সোণা দিয়ে বাঁধিয়ে পরা ও কেবল ব্যবয়ানা বই ত নয়।”

তঁাহাদেরই ঝিকে দিয়া তখনই নোয়া কিনিয়া আনাইয়া কপালে ছোঁয়াইয়া, সুষমা মনে মনে কহিল, “হে মা কালি, তঁাকে চির-জীবি কর, আমার দোষ নিও না।” এবং সেই ‘নোয়া’গাছটি পরিয়া সোণা-বাঁধান নোয়াগাছটি আস্তে আস্তে খুলিয়া আর একবার কপালে ঠেকাইয়া গৃহিণীর হাতে দিল। গৃহিণী নাড়িয়া চাড়িয়া দেখিলেন, অন্ততঃ দেড় ভরি সোণা আছে, খাঁটি গিনি সোণা—সোণার দরে বেচিতে গেলে ইহার দাম ত্রিশ টাকার কম হইবে না। গৃহিণী বলিলেন, “তা মা রাত্তিরে কোথায় এর দাম যাচাই করতে যাব। আর যাচাই বা কি করব। এতে ত একটুখানি সোণা

আছে, তা যা হ'ক মা, আমি ত আর তোমাকে ঠকাবো না ; তা তুমি এখন পাঁচটি টাকা নিয়ে যাও, কাল সকালে এসে বাকি দশটি টাকা নিয়ে যেও ।”

সুধমা প্রফুল্লচিত্তে কহিল, “আচ্ছা মা, তবে আমার পাঁচটা টাকা দিন ।”

গৃহিণী বাক্স হইতে পাঁচটা টাকা আনিয়া সুধমার হাতে দিলেন ।

“তবে ভাই এখন আসি”, বলিয়া বন্ধুর নিকট বিদায় লইয়া সুধমা উৎফুল্ল হইয়া বাড়ী ফিরিয়া আসিল । হরনাথ তখনও বাহিরের রোয়াকে বসিয়াছিলেন ।

এমন সময় বীরু আসিয়া কহিল, “দাচ্, ও দাচ্, এই নাও পাঁচটা টাকা, মা তোমায় দিলে !” বলিয়া বীরু টাকা কয়টা বন্ধুর হাতে দিল । হরনাথের সমস্ত দেহ স্পন্দিত হইয়া উঠিল । কোন কথাই তাঁহার মুখ দিয়া বাহির হইল না ।

[৭]

পরদিন অতি প্রত্যুষে হরনাথ টাকা কয়টি লইয়া বাজারে বাহির হইয়া গেলেন । সূর্যোদয়ের পূর্বেই মুটের মাথায় একটা নূতন ঝড়িতে বোঝাই করিয়া অনেকগুলি ফুলকপি কিনিয়া লইয়া ফিরিয়া আসিলেন । বীরু উঠিয়া তখন রোয়াকে বসিয়াছিল ।

সুকুমার

সে ছুটিয়া মাকে গিয়া কহিল, “মা, মা, দেখবে এস, দাদু কত কপি
কিনে এনেছে।”

হরনাথ ততক্ষণে সেখানে আসিয়া মুটের মাথা হইতে কপিগুলি
নামাইয়া ফেলিয়া মুটেকে দাম চুকাইয়া দিলেন। সুসমা কিছু
আশ্চর্য হইয়া জিজ্ঞাসা করিল, “বাবা এত কপি কি হবে?”

হরনাথ তাঁহার মুখের দিকে চাহিয়া সহজ শান্তস্বরে কহিল,
“বেচব মা।”

সুসমা অত্যন্ত বিস্ময় প্রকাশ করিয়া কহিল, “বেচবেন! কাকে?”

হরনাথ কোনরূপ বিচলিত না হইয়া কহিলেন, “কেন, মাথায়
ক’রে দোরে দোরে ঘুরে বেচব, না হ’লে মা তোমাদের খাওয়ার
কি করে?”

এক নিমিষে সুসমার সমস্ত দেহের রক্ত যেন জল হইয়া গেল।
কত দিনের পুরাতন রোগীর মত তাহার মুখখানি একেবারে সাদা
হইয়া গেল! চীৎকার করিয়া কাঁদিয়া তাহার বলিতে ইচ্ছা হইল,
“ওগো কোথায় তুমি, একবার দেখে যাও, তোমার মত যাঁর ছেলে,
তিনি কিনা আজ ভাতের জন্মে রাস্তায় ফিরিওয়াল হ’তে চলেচেন!”

বেলা বাড়িয়া যায় দেখিয়া হরনাথ কপিগুলি ঝুড়িতে গুছাই-
য়া লইয়া গানের চাদরটি বিঁড়ের মত করিয়া মাথায় রাখিয়া
ঝুড়িটা তাহার উপর বসাইয়া দিলেন।

বীর এতক্ষণ চুপ করিয়া দাঁড়াইয়াছিল, সে তখন বলিয়া
উঠিল, “দাদু আমায় একটা ঝুড়ি কিনে দাও, আমি তোমার সঙ্গে

কপি বেচতে যাব।” হরনাথ তাড়াতাড়ি বুড়ি লইয়া পথে বাহির হইয়া পড়িল। দেওয়ালে ঠেশ্ দিয়া পাষণ মূর্তির মত সুষমা দাঁড়াইয়া রহিল।

ওরে চরিত্রহীন নির্দয় পুত্র, ওরে হৃদয়হীন ধনৈশ্বর্যমত্ত কুটুম্ব বন্ধু! একবার তোরা এ দৃশ্য দেখিয়া যা। কঠিন প্রস্তরের বুক চিরিয়াও ত জল বাহির হয়, তোদের মনুষ্যহৃদয় কি করণায় এত-টুকু অভিসিঞ্চিত হইয়া উঠিবে না। না উঠুক, তবু একবার চোখেব দেখা দেখিয়া যা।

গলির ভিতর হরনাথ ভাল করিয়া চাহিতে পারিলেন না। এক রকম চক্ষু বুজিয়াই তিনি গলিটি পার হইয়া বড় রাস্তায় গিয়া পড়িলেন। চারিদিকে একবার তিনি চাহিয়া দেখিলেন। এই রাস্তা দিয়া তিনি কালও ত গিয়াছেন, কই তখন ত এমন বোধ হয় নাই; আজ যে সবই তাঁহার নিকট কেমন নূতন বলিয়া বোধ হইতে লাগিল,— সমস্ত জিনিষগুলির উপর কে যেন আজ কতখানি ছাই মাখাইয়া রাখিয়াছে; এমন সূর্যালোক, সেও যেন আজ তাঁহার নিকট মলিন নিশ্চভ ঠেকিতেছে; তাঁহার সমস্ত শরীরও যেন কেমন অবসন্ন হইয়া আনিতোছে। তাঁহার পা যেন আর চলিতে চাহিতেছে না। তাঁহার চোখের সম্মুখে অমনই তাঁহার সেই অক্লান্ত বধুমাগার শীর্ণ মূর্তিখানি ভাসিয়া উঠিল। তিনি আবার জোরে জোরে চলিতে লাগিলেন। এমন সময় তাঁহার পাশ দিয়া একজন হাঁকিয়া গেল, “চাই ফুল-কপি, ভাল ভাল ফুল-কপি।”

সুকুমার

হরনাথের মনে হইল, “তাই ত, না হাঁকিলেই বা লোকে কি করিয়া জানিবে, আমি ফুল-কপিওয়াল। আচ্ছা হাঁকি।” হরনাথ হাঁকিবার জন্ত বিশেষ চেষ্টা করিলেন, কিন্তু তাঁহার কণ্ঠ হইতে কোন স্বরই বাহির হইল না। তেমনই নীরবে তিনি কপির ঝড়িটা মাথায় লইয়া পথ বাহিয়া চলিতে লাগিলেন। পাশ দিয়া আবার আর একজন ফুল-কপিওয়াল হাঁকিয়া গেল। হরনাথ তখন মনের মধ্যে কেবল ঐ কথাই আবৃত্তি করিতে করিতে চলিয়া ছিলেন। এবার বহু কষ্টে তাঁহার মুখ দিয়া বাহির হইল, “চাই— চাই—” বাকি ‘ফুলকপি’ কথাটি কিছুতেই তাঁহার মুখ দিয়া বাহির হইল না। সম্মুখে একটা গলির মোড় দেখিতে পাইয়া সেই গলির মধ্যে তিনি ঢুকিয়া পড়িয়া যেন একটু ঝাঁপ ছাড়িয়া বাঁচিলেন। তাঁহার সম্মুখেই আর একজন জোরে হাঁকিয়া উঠিল, “চাই ফুল-কপি।” হরনাথ এবার গলি কাঁপাইয়া আরও জোরে চীৎকার করিয়া উঠিলেন, “চাই ফুল-কপি।”

পাশের এক বাড়ী হইতে একটা রমণী মুখ বাড়াইয়া ডাকিল, “ফুলকপিয়লা, অ, ফুলকপিয়লা।” হরনাথ ধীরে ধীরে সেই বাড়ীর ভিতর প্রবেশ করিলেন। দেখিলেন, দুই তিনটি যুবতী এ ওর গায়ে পড়িয়া হাসিয়া রোয়াকের উপর গড়াইয়া পড়িতেছে। হরনাথকে দেখিয়া একজন বলিয়া উঠিল, “কি গো কপিয়লা, কেমন কপি, ভাল!” হরনাথ কোন উত্তর করিলেন না। অবাক হইয়া তাহাদের দিকে চাহিয়া রহিলেন।

“আ মল, এ মিন্‌সে আবার হাঁ করে চেয়ে আছে দেখ,” বলিয়া একজন হাসিয়া উঠিল। আর একজন বলিল, “আরে লোকটা পাগল নাকি? না হ’লে অমন করে চেয়ে থাকে, নিশ্চয়ই পাগল। কিরণ, ও কিরণবাবু একবার এস, কেমন মজা দেখবে এস।”

হরনাথ চমকিয়া উঠিলেন, কিরণ! এ যে তাঁহারই পুল্লের নাম! তবে কি সেই! তাঁহার নাতিটির সেই কথা কয়টি হরনাথের মনে পড়িয়া গেল, ‘বাবা আপিসেই থাকে, বাড়ী আসে না!’

ভিতর হইতে কিরণ উত্তর করিল, “তোমরা যে খুব হাসা দেখছি! ব্যাপারখানা কি?”

এ যে সেই পরিচিত স্বর! হরনাথ যেন কেমন এক রকম হইয়া গেলেন।

একজন রমণী হাসিতে হাসিতে বলিল, “দেখবে এস না, ভারি মজা!”

কিরণচন্দ্র রোগাকে আসিয়া সম্মুখে কপির ঝুড়ি মাথায় হরনাথকে দেখিয়া আড়ষ্ট হইয়া গেল। একি! তাহার মুখ পাংশুবর্ণ হইয়া গেল! মুহূর্তের মধ্যে কিরণ নিজেকে একটু সামলাইয়া লইয়া ছুটিয়া পলাইয়া গেল।

একজন রমণী অমনই হাসিয়া বলিয়া উঠিল, “কিরণের ভয় দেখলি না, মুখখানি শুকনো করে পালিয়ে গেল।”

হরনাথ এতক্ষণ কাঠ হইয়া দাঁড়াইয়াছিলেন। তার পর কোন কথা না বলিয়া ছুটিয়া বাড়ীর বাহির হইয়া গেলেন। বাইতে

সুকুমার

বাইতে তিনি শুনিতে পাইলেন, রমণীরা হাসিয়া চীৎকার করিয়া বলিতেছে, “ওরে দেখ্ দেখ্ পাগলটা কেমন ছুট্চে, থাকলে বেশ হ’ত, তাকে নিয়ে রগড় করা যেত।”

[৮]

পথের ধারের দরজা ভেজাইয়া তাহারই ফাঁক দিয়া আকুল নয়নে সুসমা পথের পানে চাহিয়া দাঁড়াইয়াছিল। বেলা যত বাড়িতেছিল, সে ততই শঙ্কিত হইয়া উঠিতেছিল। গাড়ী চাপা পড়েন নি ত! রাস্তার কেহ ধাক্কা মারিয়া ফেলিয়া দেয় নি ত! এ-রকমের কত অশুভ চিন্তা কেবলই তাহার মনে জাগিতেছিল। কেন সে তাঁহাকে বাইতে দিল, সে যদি তাঁহার পা জড়াইয়া ধরিয়া পড়িয়া শঙ্কিত, তাহা হইলে কি তিনি ঐ অবস্থায় পথে বাহির হইতে পারিতেন। কেন তখন তাহার এ বুদ্ধি আসে নাই! ভগবান্ তাঁহাকে সুস্থ শরীরে ফিরিয়ে এনে দাও।

এমন সময় দরজা ঠেলিয়া কিরণ উন্মাদের মত ভিতরে প্রবেশ করিল। গায়ে জানা নাই, পায়ে ছুতা নাই, মাথার চুলগুলি উষ্ণ-খুষ্ণ। সুসমা দেখিয়া চমকিয়া উঠিল। এ কি বেশ! এমন বেশে ত সে তাঁহাকে কোন দিন দেখে নাই।

কিরণ বিকৃতকণ্ঠে বলিয়া উঠিল, “বাবা,—বাবা কোথায়?”

সুসমা এ কথার কি উত্তর দিবে! কি করিয়া সে বলিবে, বাবা ফিরি করিতে বাহির হইয়াছেন।

বীরু কাছেই দাঁড়াইয়াছিল, কিন্তু আজ আর সে দৌড়াইয়া গিয়া পিতার হাতটী ধরিতে পারিল না, সে উত্তর করিল, “বাবা, দাছ? দাছ যে কপি বেচতে গেছে। বাবা আমাকে একটা বুড়ি কিনে দেবে বাবা, আমি কপি বেচতে যাব।”

কিরণের সারাদেহ খরখর করিয়া কাঁপিয়া উঠিল। তাহার চোখের সম্মুখে দিনের উজ্জল আলো যেন ম্লান হইয়া আসিতে লাগিল।

সুধমা তাহার পায়ের উপর আছড়াইয়া পড়িয়া কহিল, “ওগো বাবাকে তুমি বাঁচাও, তিনি যে এই সেদিন ভারি ব্যামো থেকে সবে উঠেছেন, চারটি ভাতের জন্তে যে তিনি কপি বেচতে বেরিয়েছেন। ওগো তুমি তাঁকে রক্ষা কর, বুড়ো মানুষ,—আব এক দিনও বাঁচবেন না। ওগো তুমি যার ছেলে, তিনি কিনা আজ ফিরিয়লা।”

কিরণ কোন উত্তর দিতে পারিল না। চুপ করিয়া দাঁড়াইয়া রহিল। তাহার মনে পড়িতে লাগিল, সেই ছেলেবেলার কথা, পিতার সেই স্নেহ, সেই আদর! আর সে কি নিষ্ঠুর, কি নিশ্চয়!

এমন সময় ব্যথিতকণ্ঠে বাহিরে কে “মা, মা,” বলিয়া ডাকিয়া উঠিল। সুধমা স্বামীর পা ছাড়িয়া চমকিয়া উঠিয়া দাঁড়াইল। তাহার শ্বশুরের কণ্ঠস্বর না? সেই স্নেহের মাতৃ সম্বোধন না? ব্যগ্র নয়নে বাহিরের দিকে সে চাহিয়া দেখিল, তাহার বৃদ্ধ শ্বশুর ঊপুড় হইয়া রাস্তার উপর পড়িয়া গিয়াছেন, ও তাঁহারাই সম্মুখে কপিগুলি

সুকুমার

ছড়াইয়া পড়িয়াছে। সুকুমার সমস্ত শরীর হিম হইয়া গেল। সে আর দাঁড়াইতে পারিল না, কাঁপিতে কাঁপিতে স্বামীর পদতলে মূর্ছিত হইয়া পড়িল। কিরণ মুহূর্ত্ত পাষণমূর্ত্তির মত দাঁড়াইয়া থাকিয়া ছুটিয়া রাস্তায় বাহির হইয়া মূর্ছিত পিতার মস্তক ক্রোড়ে তুলিয়া লইল।

আলেয়া

[১]

সন্ধ্যার পরেই সুরেশ নানাবিধ মিষ্টান্ন লইয়া সহাস্ত্রমুখে গৃহে প্রবেশ করিল। তাহার পত্নী শশিমুখী সবে মাত্র ভাতের হাঁড়িটি উনানে চাপাইয়া দিয়া কণ্ঠাকে কোলে লইয়া উনানের সামনে বসিয়াছিল। সুরেশ সেইখানে দ্রব্যগুলি নামাইল।

শশিমুখী অবাক হইয়া কহিল, “এত জিনিষ কার গো?”

সুরেশ হাসিয়া কহিল, “কার আবার, গোটাকতক টাকা লাভ হ’য়ে গেল, তাই কিনে আনলাম!”

তিন বৎসরের কণ্ঠা বিধুমুখী জননীর কোল হইতে উঠিয়া সেই খাবারগুলি আক্রমণ করিতে ছুটিল। শশিমুখী ক্ষিপ্ৰহস্তে কণ্ঠাকে ধরিতে গেলে, সুরেশ বাধা দিয়া কহিল, “ওকে কেন ধরছ, নিক্ না ওর যে ক’টা ইচ্ছে।”

সুকুমার

শশিমুখী কহিল, “তার পর খেয়ে যখন অসুখ করবে?”

ততক্ষণে খুকী দুই হাতে দুইটী বড় বড় সন্দেশ তুলিয়া লইয়া মুখে পুরিবার উদ্যোগ করিতেছিল।

সুরেশ হাসিতে হাসিতে কহিল, “ও সন্দেশগুলো খুব ভাল, ও খেলে খুকীর অসুখ করবে না।”

শশিমুখী কণ্ঠা সম্বন্ধে আর কোন কথা বলিল না। জিজ্ঞাসা করিল, “ইয়া গো লাভ হ’ল কি করে শুনি, কুড়িয়ে পেলে না কি?”

সুরেশ হাসিয়া কহিল, “এক রকম কুড়িয়ে পাওয়া বৈ কি?” পত্নী কি বলিতে যাইতেছিল, সুরেশ বাধা দিয়া কহিল, “শোনই না আগে সব কথা, তা হ’লেই বুঝবে’খন। হরকুমারকে জান ত, আপিস্ থেকে বেরিয়ে খানিকদূর এসেছি, এমন সময় তার সঙ্গে দেখা, আমি জিজ্ঞেস করলাম, ‘কি হে এত তাড়াতাড়ি কোথায় চলেছ?’ সে বলিল, ‘আজ যে ঘোড়দৌড়, তুমিও চল না হে দেখে আসনে।’ অনেক দিন ধরে আমারও ঘোড়দৌড় দেখবার ইচ্ছে ছিল। তার সঙ্গে গেলাম ত মাঠে। পথে যেতে যেতে সে বলিল, ‘আর শনিবারে খুব দাঁও মেরে দেওয়া গেছে, মোটে গোটা দশেক টাকা নিয়ে বেরিয়েছিলাম, ফেরবার সময় একেবারে আড়াই শ টাকা নিয়ে ফিরলাম।’ আমি আশ্চর্য হ’য়ে বললাম, ‘বল কি হে, তোমার সে প্রায় এক বছরের মাইনে, আচ্ছা কি করে খেলতে হয়, আমাকে শিখিয়ে দিও দেখি, হু এক টাকা খেলে দেখা যাবে।’

শশিমুখীর বুকটা ধড়াস্ করিয়া উঠিল ! সে তাহার জননীৰ নিকট সে দিন গুনিয়া আসিয়াছে, তাহার খুল্লতাতব্রাতা অমল দাদা ঘোড়দৌড় খেলিয়া ভিটামাটি উচ্ছন্ন দিতে বসিয়াছে,—হু’দিন পরে হয় ত সে পথের ভিখারী হইবে ! তাই সে বিষঙ্কমুখে কহিল, “কি সৰ্বনাশ ঘোড়দৌড় খেলতে গিয়েছিলে ?”

সুরেশ হাসিয়া কহিল, “সৰ্বনাশটা কি হ’ল। এই ত দুটো টাকার বেশী ত খেলিনি, আর দেখ, ঘোড়াটোড়াও আমি চিনি না, হরকুমাররা ত তবু অনেক খরব রাখে। আমি, কিছু না জেনেই প্রথমে গিয়েই এক টাকা লাগিয়ে দিলাম, একেবারে চার চার টাকা এসে গেল, ফের দু’টাকা লাগালাম, ফের তিন টাকা এল, কি মজা বল দিকি, এমনই করে পাচ বাজিতে আমার পনর টাকা লাভ হ’য়ে গেল, তখনও আরও দু বাজি বাকি, বুঝলে, আমি কি তেমনই বোকা, আর খেলি—কি জানি যদি হেরে যাই, ফাঁকি দিয়ে পনর টাকা পাওয়া গেল এই ঢের ; এই ভাবা, আর সোজা ট্রামে উঠে সরে পড়া। পথে চার পাঁচ টাকার খাবার কিনলাম। বাকি যে ক’টা টাকা আছে, খুকীর জন্তে একটা ভাল জামা কেনা যাবে, আর তোমার একখানা কাপড়, কি বল ?”

শশিমুখী নির্বাক হইয়া স্বামীর কথা গুনিতেছিল। তাহার মনের মধ্যে কেমন যেন আপনাপনি আশঙ্কার মেঘ বনাইয়া উঠিতেছিল। তাহার কেবলই মনে হইতে লাগিল, হায়, এই

সুকুমার

ঘোড়দৌড় বুঝি ছুঁষ্ট কপট রাক্ষসের মত আসিয়া তাহাদের সাজান ঘরকন্যাকে ছিন্নভিন্ন করিয়া দেয় ! কিছুই ত অভাব তাহাদের নাই, স্বামী চাকুরী করিয়া যাহা আনিতেছেন, তাহাতে বেশ সুখশান্তিতে তাহাদের দিন কাটিয়া যাইতেছে, শ্বশুরও অল্প বিস্তর যাহা রাখিয়া গিয়াছেন, তাহাতে তাহাদের জীবনকালে কোন কষ্টই পাইতে হইবে না। চাকুরীতে স্বামীরও দিন দিন উন্নতি হইবে। তাহাদের পুত্রকন্যাগণের অবধি কোন অভাব অনুভব করিতে হইবে না। তাহার কেবলই মনে হইতে লাগিল, এই ঘোড়দৌড় খেলার প্রবৃত্তিটা সত্যই যেন শনির মত তাহার স্বামীর হৃদয়ে প্রবিষ্ট হইয়াছে ; হয় ত ধীরে ধীরে সেই ছুঁষ্ট শনি স্বকার্য সাধিতে অগ্রসর হইবে ! এই চিন্তায় সে অন্তরের মধ্যে শিহরিয়া উঠিল ! প্রকাশ্যে তাহার স্বামীকে কহিল, “ওগো তোমার ছুঁখানি পারে ধরে বলছি, তুমি ঘোড়দৌড়ের কথা মন থেকে দূর করে দাও, আমাদের অমন টাকায় কাজ নেই, ভগবান যা আমাদের দিয়েছেন এই চের। খাবারগুলো যা এনেছ, পাড়ার পাঁচজনকে বিলিয়ে দাও, বাকি যে ক’টা টাকা আছে, আমার দাও, আমি কাল সকালেই গরীবছুঃখীদের তোমার নাম করে বিলিয়ে দেব, তারা মনে মনে তোমায় কত আশীর্ব্বাদ করে যাবে, সেই সঙ্গে তোমার এ শনির দৃষ্টিও কেটে যাবে। তুমি অমন দাদাকে জান ত ? ঘোড়দৌড় খেলে তার কি অবস্থা হ’য়েছে বল দিকি ! অমন ভাল চাকুরী ছিল,

শনিবারে সাহেব সকাল সকাল ছুটি দেয় নি বলে সে চাকরীটা কি না এক কথায় ছেড়ে দিলে ! অমন স্নেহের সংসার একেবারে ছারেখারে গেছে । বুড়ো মা, একটি তিন বছরের ছেলে, বউদিদি কি কষ্টই না পাচ্ছে । সে কথা ভাবলেও বুকটা কেঁপে উঠে, দোহাই তোমার, তুমি ও ঘোড়দৌড়ের নাম আর মুখে এন না ।”

সুরেশ গম্ভীরভাবে বসিয়া পত্নীর এই কথাগুলি শুনিয়া । এই কথা লইয়াই সে মনে মনে আলোচনা করিতে লাগিল ;—শশীমুখী যাহা বলিল, তাহা খুবই সত্য, ঘোড়দৌড়ে অনেকের সর্কনাশ হইয়াছে, কিন্তু তাহার সম্বন্ধে শশীর এতটা ভয় পাইবার কোন সঙ্গত কারণই সে খুজিয়া পাইল না । সে ত আর জুয়াড়ী নয়, তাহার এত বড় বয়সের মধ্যে এই ত একদিন মাত্র সে ঘোড়দৌড় দেখিতে গিয়াছিল, পাঁচজন খেলিতেছিল দেখিয়া মাত্র দুইটি টাকা সে খেলিয়াছিল ; থিয়েটার দেখিতেও ত এমন দুই চার টাকা ব্যয় হইয়া গিয়াছে । জোর যদি সে দিন কিছু যাইত, না হয় ওই দুইটাকাই ! আর ওদিকে না ঘেসিলেই ত হইবে । শশীর মন হইতে বৃথা আশঙ্কা দূর করিবার জন্ত সে প্রকাশ্যে কহিল, “তোমার যেমন মিছে ভয়, আমি আর ঘোড়দৌড়ের মাঠে যাচ্ছি না, তা হ’লেই ত হ’ল ।”

শশীমুখী তখন ভাতের হাঁড়িটি নামাইয়া ফ্যান গালিবার উত্তোষ করিতেছিল, খুকী অর্দ্ধভুক্ত সন্দেশ দুইটি তাহার শিথিল মৃঠার ভিতর ধরিয়া মেঝের উপর ঘুমাইয়া পড়িয়াছিল !

সুকুমার

শশীমুখী ফ্যান গালিতে গালিতে কহিল, “তা বৈ কি, তোমার ও সব জায়গায় যাবার দরকার কি। আমাদের সেই পুরাণ বাড়ীর জ্যেষ্ঠামশায়ের ছেলের কথা শুনে অবধি, ঘোড়দৌড়ের নাম শুনে বুকটা যেন কেমন ছাঁত করে ওঠে, যাক্ গে ও সব কথা, তুমি ত আর ওদিকে যাচ্ছ না, তা হ’লেই হ’ল। আপিস থেকে এসে হাতমুখ ধোওনি, ধুয়ে এসে খাবার খাও, আমি ততক্ষণে রান্নাবান্না সেরে নি।”

সুরেশ কাপড় জামা ছাড়িবার জন্ত রান্নাঘর হইতে বাহির হইতে যাইতেছিল, শশীমুখী ডাকিয়া কহিল, “মেয়েটাকে নিয়ে যাও না গো, ওপরে বিছানায় শুইয়ে দাওগে।”

[২]

এক সপ্তাহ কাটিয়া গেল। আবার শনিবার আসিল। সুরেশের এক একবার মনে হইতে লাগিল, একবার ঘোড়দৌড়ের মাঠে ঘুরিয়া আসে, কিন্তু পরক্ষণেই তাহার পত্নীর নিষেধবাণী মনে করিয়া জোর করিয়া মন হইতে সে ঘোড়দৌড়ের কথা দূরে ঠেলিয়া দিয়া আপিসের কাজে মনঃসংযোগ করিতে লাগিল। এমনই করিয়া দুইটা বাজিয়া গেল। আর আধ ঘণ্টার মধ্যেই ছুটি হইবে। সুরেশ তাড়াতাড়ি হাতের কাজ সারিতে লাগিল। মুহূর্তপূর্বে সে মনে মনে কল্পনা করিয়াছিল, আজ সে কিছুতেই ঘোড়দৌড়ের মাঠে যাইবে না। হয় ত সে সঙ্কল্প সে কার্যে পরিণত

করিতে পারিত, কিন্তু হরকুমার শনির মত আসিয়া তাহার সমস্ত ওলটপালট করিয়া দিল। সে সবে আপিস হইতে বাহির হইতে যাইবে, এমন সময় ফটকের সম্মুখেই হরকুমারের সহিত দেখা।

হরকুমার তাহাকে দেখিয়া হাসিতে হাসিতে কহিল, “এই যে সুরেশ, আমি তোমারই খোঁজে যাচ্ছিলাম, ওহে, আজ খুব জোর খবর আছে!” সুরেশ কোন কথা কহিল না। হরকুমার আবার বলিতে লাগিল, “বুঝলে সুরেশ, নটনের আস্তাবলের সহিসের সঙ্গে খুব আলাপ জমিরে নেওয়া গেছে, আজ তিনটে ঘোড়ার যা খবর দিয়েছে, তা একবারে নির্ধাত, তাতে আর মার নেই। ছুঁচারটে টাকা সঙ্গে আছে ত?”

সুরেশ পলকহীন দৃষ্টিতে তাহার দিকে চাহিয়া রহিল। এক দিকে তাহার সমস্ত সুখদুঃখের চিরসহচরী পত্নীর নিঃসঙ্গ, অতীত দিকে হরকুমারের তীব্র প্রলোভন,—দুইটী বিভিন্নমুখী নদীর প্রবাহের মত এই দুইটী চিন্তা তাহার মনের মধ্যে পাক দাইতে লাগিল। সে যে কি করিবে, তাহা কিছুতেই স্থির করিতে পারিতেছিল না। এমন সময় সম্মুখে ট্রাম আসিতেই হরকুমার তাহার হাত ধরিয়া টানিয়া ট্রামে তুলিল। কিছু ভাবিয়া স্থির করিবার পূর্বেই সে দেখিল, ট্রামখানি তাহাকে লইয়া ছুটিয়া চলিয়াছে। সে স্তব্ধ হইয়া বসিয়া রহিল। দেখিতে দেখিতে ট্রামখানিতে নাত্রীর গাঁদি লাগিয়া গেল। প্রত্যেক বেঞ্চে পাঁচজনের স্থানে সাতজন

সুকুমার

করিয়া বসিল। ট্রামখানির সম্মুখে পিছনে কোন প্রকারে দুই খানি পা রাখিবার জন্ত ঠেলাঠেলি ছড়াছড়ি পড়িয়া গেল। সহসা কোন দুর্গ শত্রুকর্তৃক আক্রান্ত হইলে, দুর্গরক্ষকেরা যেরূপ ব্যস্ততা প্রকাশ করিয়া থাকে, এই লোকগুলি বোধ করি, তদপেক্ষা কম ব্যস্ততা প্রকাশ করিতেছিল না।

কিংকর্তব্যবিমূঢ় সুরেশের কানের চারিদিকে কেবলই ঘোড়দৌড়ের কথা ঘুরিয়া ফিরিয়া বেড়াইতে লাগিল। কেহ বলিল, অমুক ঘোড়া জ্বিতবে, অপর একজন অমনই বলিয়া উঠিল, ও ঘোড়াটা কিছুতেই জ্বিতবে পারে না, আমি টমাস সাহেবের আস্তাবলের খবর পাইয়াছি, দশ নম্বরের ঘোড়াটা আজ নিশ্চয়ই বাজি মারিবে, খুব দর পাওয়া যাইবে হে, দশের কম ত কিছুতেই নয়। দুই এক ব্যক্তি আবার আপনাআপনিই একবার এ ঘোড়া একবার সে ঘোড়ার নাম করিতে লাগিল। এমনই উৎকণ্ঠিত যাত্রিবর্গ লইয়া ট্রাম তাহাদের সেই বাঞ্ছিত মহাতীর্থে নামাইয়া দিল। মহাকলরব করিতে করিতে সম্ভাবিত জয়াশায় উল্লসিত সৈন্যদেরই মত তাহারা ক্রীড়াক্ষেত্রে গিয়া সমবেত হইতে লাগিল।

সেদিনও সুরেশ তেঁইশ টাকা জ্বিতিল। উৎকণ্ঠা-উপশমিত হৃদয়ে প্রফুল্ল মুখে সে বাটার অভিমুখে ফিরিল। পথে যাইতে যাইতে সে মনে মনে ভাবিতে লাগিল,—লোকে বলে বটে, ঘোড়দৌড় খেলিয়া অনেকের ভিটামাটি উচ্ছন্ন গিয়াছে। কিন্তু এই দুই দিনেই আমি বেশ বুঝিলাম, লোকের ধারণা অমূলক; বুঝিয়া

হিসাব করিয়া খেলিলে হারের কোন সম্ভাবনা নাই ! যদি হারিতাই হয়, তাহা হইলে ঐ জিতের টাকা কয়টার বেশী ত আর যাইবে না। শশিমুখী ত ঘোড়দৌড়ের ব্যাপার কিছুই জানে না, তাহার নিকট হয় ত কেহ গল্প করিয়া থাকিবে, অমূকের ঘোড়দৌড়ে সর্বনাশ হইয়াছে, তাই সে ঘোড়দৌড়ের নামে অতটা বিচলিত হইয়া উঠে। নানাদিকে নানারকম করিয়া সে ঘোড়দৌড় খেলার সম্বন্ধে আলোচনা করিল, কিন্তু ইহাতে লোকে যে কি করিয়া সর্বস্বান্ত হয়, তাহা সে কিছুতেই বুঝিয়া উঠিতে পারিল না। এইরূপ চিন্তা করিতে করিতে সে গৃহদ্বারে আসিয়া দাঁড়াইতেই তাহার চিন্তার গতি অগ্গদিকে ফিরিয়া গেল। শশিমুখীকে এ কথা জনাইবে কি না ? জানাইলেই বা দোষ কি। কিন্তু ভিতরে প্রবেশ করিয়া সশ্রুপে পত্নীকে দেখিয়া সে আর কিছু বর্ণিতে পারিল না। শশিমুখী বাগ্রকণ্ঠে জিজ্ঞাসা করিল, “আজ আপনি থেকে ফিরিতে এত রাত হ’ল যে ? ঘোড়দৌড়ে যাও নি ত ?”

সুরেশ প্রথমটা একটু ইতস্ততঃ করিল, তাহার পর মুগ্ধের উপর হাসি টানিয়া আনিয়া কহিল, “তুমিও যেমন, আর আমি সেমুখো হই, ঘোড়দৌড় আবার ভদ্রলোকের খেলা। আজ দশ বছর পরে এক বন্ধুর সঙ্গে দেখা, তাই তার সঙ্গে কথা বলতে বলতে এত দেবী হ’য়ে গেল ; সে এমনই বক্তে পারে ! শরীরটা যেন একেবারে ঝিমিয়ে গেছে, শীগ্গির এক পেয়াল চা করে দাও দিকি।”

সুকুমার

শশিমুখী এ কথা অবিশ্বাস করিতে পারিল না, হাসিয়া কহিল, “তাই ভাল, আমার ত সত্যি ভাবনা হইয়াছিল ; শনিবার, তুমি বুঝি আবার বোড়দৌড়ের মাঠে গিয়েছিলে। যাক্গে, তুমি এখন হাত মুখ ধোও, আমি ততক্ষণে চা তৈরী করে আনি।”

সুরেশ আপিসের কাপড় ছাড়িতে ছাড়িতে মনে মনে ভাবিল, না বলিয়া ভালই করিয়াছি।

আজ সাতবৎসর সুরেশের বিবাহ হইয়াছে। এই দীর্ঘ সাত বৎসরের মধ্যে সে তাহার স্ত্রীর নিকট একটি কথাও গোপন করে নাই। কিন্তু আজ হঠাৎ সে স্ত্রীর সম্মুখে এত বড় মিথ্যা কথাটা বলিয়া বসিল !

সুরেশ জামা কাপড় ছাড়িয়া দালানের তক্তপোষের উপর রাখিয়া হাত মুখ ধুইয়া সেইখানে ফিরিয়া আসিতেই শশিমুখী তা লইয়া উপস্থিত হইল। শশিমুখীর কোলে তাহার কণ্ঠাটি এবং হাতে চায়ের পেয়ালা ছিল ; কণ্ঠাটিকে তক্তপোষের উপর বসাইয়া চায়ের পেয়ালাটা সে স্বামীর হাতে তুলিয়া দিল।

সুরেশ অগ্ৰমনস্তভাবে তা খাইতে লাগিল। শশিমুখী পার্শ্বে দাঁড়াইয়া রহিল। অগ্ৰ দিন সুরেশ পত্নীর সহিত আপিসের কত গল্প করিত, কিন্তু আজ সে একটা কথাও বলিল না। অপরাধীর মত সে চুপ করিয়া বসিয়া রহিল। শশিমুখী যে তাহার এ ভাব লক্ষ্য করিল না, তাহা নহে, কিন্তু কেন যে তাহার স্বামী আজ এরূপ অগ্ৰমনস্ত তাহা সে ভাবিয়া স্থির করিতে পারিল না। তাহার স্বামী

যে ঘোড়দৌড়ের মাঠে গিয়াছিল এবং সে কথা তাহার নিকট গোপন করিয়াছে, এ কথা তাহার একবারও মনের মধ্যে উদ্ভিত হইত না; তাহার স্বামী যে কোন কথা তাহার নিকট হইতে গোপন করিবে, একথা সে যে কল্পনাও করিতে পারে না। তাই তাহার মনের মধ্যে আশঙ্কা হইতে লাগিল, তাহার স্বামীর নিশ্চয়ই কোনরূপ অসুখ করিয়াছে। সে প্রকাশ্যে জিজ্ঞাসা করিল, “হ্যাঁগো, তোমার কি হ’য়েছে?”

সুরেশ হঠাৎ যেন চমকিয়া উঠিল। মুখ তুলিয়া পত্নীর দিকে চাহিয়াই সে আবার মুখটি নীচু করিল। শশীর মুখখানা আশঙ্কার অন্ধকারে আচ্ছন্ন হইয়াছিল। সুরেশের মনে হইল, শশী নিশ্চয়ই বুঝিতে পারিয়াছে যে, সে ঘোড়দৌড়ের মাঠে গিয়াছিল। তাই সে পত্নীর ব্যাকুল প্রশ্নের সহসা কোন উত্তর করিতে পারিল না। শশী আরও ব্যস্ত হইয়া জিজ্ঞাসা করিল, “চুপ করে রইলে যে? তোমার পায়ে পড়ি, লুকিয়ে না, সত্যি বল, তোমার কি হ’য়েছে? আজ এই সাত বৎসরের মধ্যে আমার কাছে ত তুমি কখনও কিছু লুকোও নি।”

পত্নীর এই ব্যথিত কণ্ঠস্বরে সুরেশ মনে মনে অত্যন্ত বাথা অনুভব করিল। তাহার ইচ্ছা হইতে লাগিল, শশীকে বলিয়া ফেলে, “আমি তোমায় লুকিয়ে ঘোড়দৌড় খেলতে গিয়েছিলাম, এবারটির মত ক্ষমা কর, আর কখনও যাব না।” কিন্তু আবার কান্নাবিল, ঘোড়দৌড়ের নামে শশী যেরূপ উদ্ভিগ্ন ও বিচলিত হইয়া

সুকুমার

তাহাতে তাহাকে না বলাই ভাল। সে যে কি বলিবে ঠিক করিয়া উঠিতে পারিতেন না, এমন সময় বাহিরে কে একজন তাহার নাম ধরিয়া ডাকিতেই সে তাড়াতাড়ি উঠিয়া বাহিরে গেল; পত্নীর বাগ্ন প্রণের উত্তর দিবার হাত হইতে জবাব পাইয়া সে সত্যই যেন হাঁপ ছাড়িয়া বাঁচিল। বাইবার সময় পত্নীকে বলিয়া গেল, “আমার অসুখটসুখ কিছু করেনি, একটু মাথা ধরেছিল, তার জন্ত অত ভাব্‌চ কেন; বাই, কে ডাকছে শুনে আসি।”

সুরেশ চলিয়া গেল, শশী খানিকক্ষণ শুক হইয়া দাঁড়াইয়া রছিল। সে স্পষ্ট বুঝিল, তাহার স্বামী যেন তাহার নিকট হইতে কি একটা লুকাইবার জন্ত বাস্তু। এতদিন পরে কি কারণে সে যে তাহার স্বামীর বিশ্বাস হারাইতে বাসিল, তাহা সে ভাবিয়া স্থির করিতে পারিল না। সে যে বিশ্বাস হারাইতে বাসিয়াছে, শুধু এই কথা মনে হইবামাত্র তাহার ব্যথিত অন্তর তাঁর হাহাকাহে পরিপূর্ণ হইয়া উঠিল। সে ডগ্‌ হাতে বুক চাপিয়া স্বামী-পরিত্যক্ত সেই স্থানটিতে বসিয়া পড়িল। কিন্তু বেশীক্ষণ সে বসিতে পারিল না, স্বামী আপিস হইতে ক্ষুধার্ত ক্লান্ত হইয়া আসিয়াছেন, এখনই তাঁহার আহার প্রস্তুত করিয়া দিতে হইবে। সে আবার উঠিয়া দাঁড়াইল। তত্তপোষের একধারে সুরেশের আপিসের জামাটি পড়িয়াছিল। শশী পাশের আন্নার উপর সেটাকে বুলাইয়া রাখিয়া রান্নাবরের অভিমুখে যাইতেছিল। জামাটি মাটিতে পড়িয়া বাওয়ায়, সেটা আবার তুলিতে গিয়া দেখিল, পকেট

হইতে কতকগুলি কাগজ মেনের উপর ছড়াইয়া পড়িয়াছে। সেই
 গুলি কুড়াইতে কুড়াইতে ছইখানির উপর তাহার চোখ পড়িল, দুট
 সে আড়ষ্ট স্তব্ধ হইয়া গেল! এ যে ঘোড়দৌড়ের উক্তি! গোলন্দাজ
 শনিবার—ঘোড়দৌড়ের দিন। তাহার আঁধার বুকিতে নাকি লিখিত
 না, তাহার স্বামী তাহাকে লুকাইয়া ঘোড়দৌড় দেখিবার ইচ্ছা
 ছিলেন। সেই কথা গোপন রাখিবার জন্য তাহার স্বামীকে আত্ম
 মিথ্যার আশ্রয় গ্রহণ করিতে হইয়াছে! সে খানিকক্ষণ বিচিন্তিত,
 তাহার পর রান্নাঘরে চলিয়া গেল।

[৩]

মাস দুই পরে এক শনিবারে সুরেশ আসিবে বাসায় তাড়
 তাড়ি তাহার হাতের কাজ সারিতেছিল ও এক একনা একনা
 হইতে মুখ তুলিয়া ঘড়ির দিকে চাহিয়া দেখিতেছিল। প্রায় দেড়
 হইয়া আসিয়াছে। আর আধঘণ্টার মধ্যে সে সমস্ত কাজ সারিয়া
 ফেলিতে পারিবে। এমন সময় বেহারা আসিয়া একটা প্রকাণ্ড
 ফাইল তাহার টেবিলের উপর রাখিয়া দিল। সুরেশ চমকিত
 হইয়া মুখ তুলিয়া চাহিয়া বেহারাকে জিজ্ঞাসা করিল, “এ কি-সব
 ফাইল রে, এমন অবেলায় নিয়ে এলি?”

বেহারা কহিল, “আজ্ঞে, বড়বাবু বলে দিলেন জরুরি কাজ।”

সুরেশ ফাইলের দিকে চাহিয়া দেখিল, লালকাগজে আঁটা
 রহিয়াছে, “জরুরি।” বড়বাবু লিখিয়া পাঠাইয়াছেন, এই ফাইল

সুকুমার

আজ শেষ করিয়া যাইতে হইবে। সুরেশ মাথায় হাত দিয়া বসিয়া পড়িল। সর্বনাশ! এ শেষ করিতে ত চারটা বাজিয়া যাইবে। গত শনিবার অনেকগুলো টাকা সে হারিয়া আসিয়াছে, আজ সেই টাকা তুলিবার দিন। এখন সে কি করিবে! বাড়ির দিকে চাহিয়া দেখিল, দুইটা বাজিয়া গিয়াছে, আর বিলম্ব করিলে সে সময় মত পৌঁছিতে পারিবে না! তাই তাড়াতাড়ি কলমটা ফেলিয়া দ্রুতপদে বড়বাবুর ঘরে গিয়া সে হাজির হইয়া কহিল, “মশায়, আজ আড়াইটের সময় আমার এক জায়গায় বিশেষ দরকার। আপনি যে কাজ পাঠিয়েছেন, আমি সোমবার এসে করে দেব।”

বড়বাবু অবাক হইয়া কহিলেন, “তুমি বল কি হে, একি ঘরের কাজ পেলো যে পরে এসে করে দেবে। বাও, কাজটা সেরে তারপর বাড়ী যেও।”

সুরেশের মাথার মধ্যে তখন আগুন জ্বলিতেছিল। সে নীরবে দাঁড়াইয়া রহিল।

বড়বাবু কাগজ হইতে মুখ না তুলিয়া কহিলেন, “দাঁড়িয়ে রইলে যে, চারটের মধ্যে কাজটা সেরে দেওয়া চাই, জরুরি কাজ, বড় সাহেবের দরকার।”

সুরেশ তবুও আত্মসংবরণ করিয়া কহিল, “আজ আমি কিছুতেই পারব না মশায়। দেরী হ’লে আমার ভয়ানক ক্ষতি হ’বে, আপনি অন্য কাউকে দিয়ে করে দিন।”

বড়বাবু উষ্ণ হইয়া কহিলেন, “কাজ না সারলে আজ কিছুতেই ছুটি পাবেনা। যাও বিরক্ত কর না।”

কথায় কথায় প্রায় দশ মিনিট কাটিয়া গেল। তিনটার সময় ঘোড়দোড় আরম্ভ, সুরেশ উত্তেজিত হইয়া কহিল, “আমি আজ কিছুতেই পারবনা, আপনি যাকে দিয়ে হ’ক কাজটা করিয়ে নিন।”

বড়বাবু চীৎকার করিয়া কহিলেন, “তোমার হুকুমে! তোমায় করতেই হ’বে।”

সুরেশও উচ্চকণ্ঠে উত্তর করিল, “আমি কিছুতেই পারব না। আপনি যা করতে পারেন করবেন।”

বলিয়া সুরেশ চলিয়া যাইতে উদ্যত হইলে বড়বাবু ঠাংকিয়া কহিলেন, “বেয়াদব, এখনই তুমি আপিস থেকে বেরিয়ে যাও।”

সুরেশ ফিরিয়া দাঁড়াইয়া ক্রোধ কম্পিতকণ্ঠে কহিল, “ভাবি ক’র দেখাচ্ছেন! রইল আপনার চাকরি, ভারি ত পঞ্চাশ টাকা মাইনের চাকরি, একমাস হাড়ভাঙ্গা খাটলে পঞ্চাশ টাকা পাব, অমন পঞ্চাশ টাকা আমি তিন ঘণ্টায় বোজগার করতে পারব।” বলিয়া কোন উত্তরের অপেক্ষা না রাখিয়া দ্রুতপদে চলিয়া গেল।

দিন পাঁচেক পরে একদিন শশীমুখী জিজ্ঞাসা করিল, “হ্যাঁগো আপিস যাবে না?”

সুরেশ একটু ইতস্ততঃ করিয়া কহিল, “তোমাকে বলব এখন করে বলা হয়নি, আজ পাঁচদিন হ’ল কাজ ছেড়ে দিয়ে এসুছি।”

সুকুমার

আর গালাগালি সহ হ'ল না। সারাদিন এই খাটুনি, তার ওপর কেবলই গালাগালি, কত সহ হয় বল দিকি ?”

শশিমুগী অন্তরে বেদনা অনুভব করিয়া সহানুভূতির স্বরে কহিল, “তা সত্যিই ত, এই হাড়ভাঙ্গা খাটুনি খাটিয়ে নিয়ে আনার গালাগালি! তাদের শরীরে মায়া দয়া নেই বাপু। ভালই হ'য়েছে, তোমার শরীরটা ক'দিন থেকে ভাল বোধ হ'চ্ছিল না, কদিন জিরিয়ে নাও, তারপর একটা কাজ দেখে নিলেই চলবে।”

সুরেশ সজ্ঞেপে কহিল, “তা বৈ কি।”

বেলা প্রায় একটা বাজিয়া গিয়াছে। শশীর অনেকক্ষণ রান্না হইয়া গেছে, সে ভাতের হাড়ীর সম্মুখে বসিয়া বসিয়া ক্লান্ত হইয়া পড়িয়াছে। সুরেশ তখন বাহিরের ঘরে কাহার সহিত এমন গল্পে মাতিয়াছে যে, আহারের কথা তাহার একেবারে মনেই নাই। তাহাদের হানির রব থাকিরা থাকিরা রান্না ঘরের মধ্যে গিয়া প্রবেশ করিতেছে। শশিমুখীর আর বসিয়া থাকিতে ভাল লাগিল না। উঠিয়া গিয়া বাহিরের ঘরের পর্দার অন্তরালে দাঁড়াইয়া অতি সন্তর্পণে পর্দা সরাইয়া একবার সে বাহিরের ঘরের মধ্যে দৃষ্টিপাত করিয়াই হাত টানিয়া লইল। একজনকে যেন তাহার চেনাচেনা ঠেকিল। তাহার বোধ হইল, তাহাদের বাড়ীতে যে মুসলমান জেলেরটা মাঝে মাঝে বেচিতে আসিত, ঠিক সেই রকমের কে একজন করাসের একধারে বসিয়া আছে, আর তাহার স্বামী তাহারই কাঁধে হাত রাখিয়া দাঁড়াইয়া গল্প করিতেছেন।

আধঘণ্টা পরে সুরেশ ভিতরে আসিলে শশিমুখী জিজ্ঞাসা করিল, “ভাত যে একেবারে শুকিয়ে গেল!” তারপর একটু থামিয়া আবার কহিল, “আচ্ছা, বাইরে কার সঙ্গে গল্প করছিলে, যেন চেনা-চেনা বোধ হ’ল?”

সুরেশ মৃদু হাসিয়া কহিল, “ও আমাদের সেই কাসেম জেলে গো?”

শশী কহিল, “আমারও তাই বোধ হ’য়েছিল, তা ওকে আবার ফরাসের ওপর বসান কেন, লোকে যদি দেখে কি মনে করবে বল ত?”

সুরেশ তাড়াতাড়ি কহিল, “না না, ও ভারি কাজের লোক ও যা টিপ্ বন্তে পারে,—” বলিয়া হঠাৎ সে থামিয়া গেল। ফস্ করিয়া এই টিপের কথা উল্লেখ করিয়া সে মনে মনে ভারি উৎকণ্ঠিত হইয়া উঠিল। এতদিন যে কথা সে অতি মত্নে পত্নীর নিকট হইতে গোপন করিয়া আসিতেছিল, আজ কথার ঝোঁকে তাহা প্রকাশ করিয়া ফেলিয়া সে বিষম বিব্রত হইয়া পড়িল। তাই আর কোন কথা না বলিয়া তাড়াতাড়ি সে স্নান করিতে চলিয়া গেল। শশিমুখী দীর্ঘনিঃশ্বাস ফেলিয়া রান্নাঘরে প্রবেশ করিল।

[৪]

আর এক শনিবার। সুরেশ উপর হইতে নামিতে গিয়া দেখিল, শশিমুখী সিঁড়ির ঠিক নীচে মেঝের উপর দুই হাতে কুঁচু চাপিয়া

সুকুমার

পড়িয়া আছে। সুরেশ ব্যস্ত হইয়া জিজ্ঞাসা করিল, “কি হ’য়েছে গো তোমার, এমন করে পড়ে আছ যে?”

শশী ধীরে ধীরে মুখ তুলিয়া ব্যথিত কণ্ঠে কহিল, “আমার বুকে পিঠে ভারি ব্যথা ধরেছে, আমি উঠতে পারছি না। আমার বুকটায় একটু হাত বুলিয়ে দাও না।” কত কষ্টে যে শশী এই কথাগুলি বলিল, তাহা অন্তর্যামীই জানেন!

সুরেশের সেদিন এমনই একটু বিলম্ব হইয়া গিয়াছিল, তাহার উপর পত্নীর এই আকস্মিক পীড়ায় সে একেবারে অস্থির হইয়া উঠিল। সে ব্যস্ত হইয়া জিজ্ঞাসা করিল, “তোমার ব্যথাটা কি খুব বেশী? আমার যে এখনই বিশেষ কাজ আছে।”

কাজটা যে কি তাহা শশীর বৃত্তিতে বাকি রহিল না। তাহার বুক ফাটিয়া কান্না আসিতে চাহিল। সে কোন কথা বলিতে পারিল না।

সুরেশ আরও ব্যস্ত হইয়া কহিল, “চুপ করে রইলে যে, ব্যথা কি খুব বেশী? আমার যে একজনের সঙ্গে এখনই দেখা করতে হ’বে, না হ’লে চাকরীটা হাতছাড়া হ’য়ে যাবে।”

সুরেশ মনে করিল, চাকরীর কথা শুনিয়া শশীর মনে খুব আনন্দ হইবে, তাহা হইলে হয়ত তাহার ব্যথাটা একটু কমিয়া যাইতে পারে। কিন্তু তাহা হইল না। শশী কাঁদিয়া ফেলিল! তাহার পীড়ার কথা শুনিয়া তাহাকে একলা ফেলিয়া প্রতারণা করিয়া তাহার স্বামী বেড়িদোড়ের মাঠে বাইবার জন্ত ব্যস্ত হইয়াছে! শশীর

মনে পড়িল, এমন দিন গিয়াছে, যে দিন শশীর মাথা ধরিয়াছে
 শুনিলে সুরেশ আর সে দিন আপিস অবধি যায় নাই। শশীর
 ইচ্ছা হইতে লাগিল, সে বলিয়া ফেলে, “ওগো তুমি যাও।” কিন্তু
 পরক্ষণেই সে স্থির করিল, এই আলেয়ার আকর্ষণের হাত হইতে
 স্বামীকে উদ্ধার করিবার জন্ত তাহাকে একবার প্রাণপণ চেষ্টা
 করিতেই হইবে।

আজ এক বৎসরের উপর সুরেশ চাকুরী ছাড়িয়া ঘোড়দৌড়
 মাতিয়াছে এবং এই আলেয়ার পাছে পাছে অন্ধ আবেগে ছুটিতে
 ছুটিতে কোথায় কত দূরে আসিয়া পড়িয়াছে, তাহা শশীমুখী ঠিক
 না বুঝিলেও এটা বুঝিয়াছিল যে, তাহাদের পাতান সংসার ছারে-
 খারে যাইতে বসিয়াছে! এই একবৎসরে সুরেশের আর কিছু লাভ
 হউক আর না হউক, মধুচক্রের চারিধারে মৌমাছির মত বন্ধুর দলে
 তাহার বাড়ী ছাইয়া ফেলিয়াছিল। সপ্তাহে এক দিন, মাঝে মাঝে
 দুই দিনও তাহার গৃহে কাসেম জেলে, নিমাই ছুতোর, হরে বোষ্টম,
 নিতাই যুগী, জগাই কাঁসারি, পিরবক্‌স খানসামা প্রভৃতি বন্ধুগণের
 মাংস পোলাওয়ার প্রীতিভোজ চলিত। শশীমুখী কাঁপিতে কাঁপিতে
 তাহার সমস্ত আয়োজন করিয়া দিত! কি করিয়া সে তাহার
 স্বামীকে এই সর্বনেশে বিপদ হইতে ফিরাইয়া আনিবে, মনে মনে
 তাহার কত উপায়ই না সে গড়িয়া তুলিয়াছে, আবার ভাঙ্গিয়াছে,
 আবার গড়িয়া তুলিয়াছে। আজ সে স্থির করিয়াছিল, অমুখের ভান
 করিয়াই হউক, আর যে ভাবেই হউক না কেন, সে আজ তাহার

সুকুমার

স্বামীকে কিছুতেই ঘোড়দৌড়ের মাঠে যাইতে দিবে না ! স্বামীকে ফিরাইবার জন্ত অন্ততঃ সে একবার শেষ চেষ্টা করিয়া দেখিবে !

তাই বাষ্পরন্ধকণ্ঠে সে কহিল, “ওগো তোমার ছ’খানি পায়ে পড়ি, আমার আজ একলা ফেলে তুমি কোথাও যেয়ো না, তা হ’লে আমি বাঁচব না। ওগো, ছ’খানি পায়ে ধরে নিনতি করছি, তুমি যেও না—আমার যে দেখবার কেউ নেই।”

সুরেশ মহা বিপন্ন হইয়া ভাবিতে লাগিল, কাহার তত্ত্বাবধানে সে তাহার পীড়িতা পত্নীকে রাখিয়া যাইবে। এমন সময় বাহিরে হরে বোষ্টম হাঁকিল, “সুরেশবাবু এস না হে, মোটর এসেছে, জগাই নিতাই ভারি ব্যস্ত হ’লে উঠেছে।”

সুরেশ অত্যন্ত বিব্রত হইয়া কহিল, “ওই শোন, ওরা ডাকা-ডাকি করছে, এখন না গেলে সব মাটি হ’য়ে যাবে, তোমার অসুখ, কি করি !”

শশী আর নিজেকে সামলাইতে পারিল না। সে উঠিয়া বসিয়া ছুই হাতে স্বামীর পা ছড়াইয়া ধরিয়া কহিল, “আজ আমি তোমায় কিছুতেই ঘোড়দৌড়ের মাঠে যেতে দেব না। এমন পরসার আমাদের দরকার নেই।”

শশীর এই অদ্ভুত অপ্রত্যাশিত ব্যবহারে সুরেশ হতবুদ্ধির মত দাঁড়াইয়া রহিল। বাহিরে তাহার সৃঙ্গিগণের ঘন ঘন চীৎকারে পাড়ার লোক অতিষ্ঠ হইয়া উঠিল, কেহ কেহ বা তাহাদের উদ্দেশে গালিবর্ষণও করিতে লাগিল।

সুরেশেরও আজ না যাইলে নয়। তাহার পিতৃদত্ত বাহা-
 কিছু নগদ টাকা ছিল এবং কয় বৎসরের চাকরী করিয়া অল্প
 বাহা-কিছু সে জমাইয়াছিল, তাহা ক্রমে ক্রমে নিঃশেষ হইয়া
 গেছে। তাহার বন্ধুরা বরাবর বুঝাইয়া আসিয়াছে এবং এখনও
 আসিতেছে যে, অমন পাঁচ দিনে পাঁচশত টাকা চলিয়া
 যায়, কিন্তু আবার একদিনে পাঁচ হাজার আসিয়া পড়ে। এ
 বাওয়া-আসার এমনই বিচিত্র গতি! কখন যে কি ভাবে কোন্
 দিক্ দিয়া দেখিতে দেখিতে হাতের কড়ি একেবারে নিঃশেষ
 হইয়া যায়, তাহা যেমন কেহ বুঝিয়া উঠিতে পারে না, তেমনই এক-
 দিনে আর পাঁচজন হতভাগোর কত কষ্টসঞ্চিত অর্থ একত্র হইয়া
 কি করিয়া যে আর একজনের হাতে আসিয়া উঠে, তাহাও কেহ
 ভাবিয়া ঠিক করিতে পারে না। সুরেশের সমস্ত টাকাই তাহার
 বুঝিবার পূর্বেই এইভাবে চলিয়া গিয়াছে! তাহার হাতে নগদ
 টাকা বলিতে আর একাটও নাই, তাই পরমাহিতার্থী বন্ধুবর্গের
 সুপরামর্শে ও চেষ্টার ফলে বাস্তবিতাটী বন্ধক রাখিয়া তাহার
 হাতে আবার অর্থাগম হইয়াছে। বিশেষ প্রয়োজন এবং
 তাড়াতাড়ি বলিয়া সুদের হারটা শতকরা আঠার টাকা হইয়াছে ;
 তাহার বন্ধুগণ বুঝাইয়া দিয়াছে, চব্বিশ টাকা সুদ হইলেও
 কোন লোকমান ছিলনা! একদিনে যদি তিনটা বাজি মাঝিয়া
 দেওয়া যায়, তাহা হইলে এক দিনেই পাঁচ বৎসরের সুদ আদায়
 হইয়া আসিবে। সুদের আবার ভাবনা!

সুকুমার

সুরেশ আজ সৰ্বস্বান্ত হইয়া তাহার হারাণ টাকা উদ্ধার করিবার আয়োজনে বাহির হইতেছে, আর তাহার নির্বোধ পত্নী এমনই করিয়া সব পণ্ড করিয়া দিবে! ইহা কিছুতেই হইতে পারে না!

সুরেশ বিরক্ত হইয়া কহিল, “কি কর, পা ছেড়ে দাও, মিছিমিছি অসুখের কথা বলে আমার দেৱী করে দিলে, তোমরা কাজের বেলায় কোন খোঁজ খবর রাখ না, কেবল বাধা দিতেই মজবুত।”

শশী বাষ্পরুদ্ধকণ্ঠে কহিল, “তুমি যাই বল না কেন, আমি কিছুতেই তেমোর পা ছাড়ব না, তোমায় যেতে দেব না।”

বাহির হইতে জগাই যুগী আবার হাঁকিল, “ওহে সুরেশবাবু, ব্যাপারটি কি বল দিকি, না যাও সোজা বলে দাও, তোমার জন্তে আমাদেরও দিনটা মাটি হ’য়ে যাবে না কি?”

সুরেশ পাদপতিতা পত্নীর বন্ধন হইতে নিজকে মুক্ত করিবার চেষ্টা করিয়া বিফলমনোরথ হইয়া অত্যন্ত রাগিয়া কহিল, “শীগ্গির পা ছেড়ে দাও, না হ’লে ভাল হ’বে না বলছি।”

শশী কোন উত্তর করিল না, পাও ছাড়িল না। বরং আরও সবলে স্বামীর পা চাপিয়া ধরিয়া পায়ের উপর মাথা রাখিয়া কাঁদিতে লাগিল।

বাহির হইতে হরে ষোষ্ঠম চীৎকার করিয়া কহিল, “তা হ’লে আমরা চল্লাম হে সুরেশ, আর দেৱী করতে পারি না।”

সুরেশের বোধ হইল, সত্যই যেন তাহারা চলিয়া গেল। সে উন্মত্তবৎ এমন জোরে পা টানিল যে, শশী ললাটে বিষম আঘাত পাইয়া সেইখানে চলিয়া পড়িল, তাহার নাক মুখ দিয়া রক্ত ঝরিয়া পড়িতে লাগিল। সুরেশ তাহা দেখিয়াও ফিরিল না, দ্রুতপদে বাটার বাহির হইয়া গেল।

[৫]

মাস ছয়েক পরে একদিন শশী তাহার মেয়েটিকে কোলে করিয়া বারান্দায় বসিয়াছিল। সুরেশ বাড়ী ছিল না। শশী বসিয়া বসিয়া কত কথাই না ভাবিতেছিল, কি সুখের পর কি দুঃখেই তাহারা পড়িয়াছে। এখনও ফিরবার সময় আছে, কিন্তু উপায় নাই। ছয়মাস পূর্বে যে দিন সুরেশ তাহাকে লাথি মারিয়া ফেলিয়া চলিয়া গিয়াছিল, তাহার পর হইতে সে আর বাধা দিতে যায় নাই, কারণ, তাহাতে ফল ভাল না হইয়া আরও মন্দ দাঁড়াইয়াছে। সে তখন অণু পথ ধরিয়াছে, পুরোহিত ডাকিয়া লুকাইয়া শাস্তি স্বস্ত্যয়ন আরম্ভ করিয়াছে। বেলা প্রায় পড়িয়া আসিয়াছিল, শশীর জ্যেষ্ঠামহাশয়ের বড় ছেলে, তাহাদের বড়দাদা আসিয়া উপস্থিত হইলেন। শশী উঠিয়া গলায় অঞ্চল দিয়া প্রণাম করিয়া বসিতে আসন দিয়া জিজ্ঞাসা করিল, “বড়দা, তোমাদের সব খবর ভাল ত, অনেকদিন তোমাদের খবর পাই নি।”

সুকুমার

বড়দাদা কহিলেন, “হ্যাঁরে, নানা কাজে আসা ঘটে ওঠে
নি। সুরেশ কোথায় রে?”

শশী কহিল, “কোথায় বেরিয়েছেন।”

বড়দাদা কহিল, “কখন ফিরবে বলতে পারিস?”

শশী কহিল, “তা ত বলতে পারি না বড়দা।”

বড়দাদা কহিল, “তাই ত, আমি ত বেশী দেৱী করতে পারব
না। তার কাছে একটু দরকার ছিল।” তারপর একটু থামিয়া
আবার বলিল, “না, তা এমন কিছু না, তুই কোথায় নেমন্তনে
যাবি বলে সুরেশ তোর বউদিদিদির কাছ থেকে হারছড়া চেয়ে
এনেছিল, সেই হারটা যে একবার চাই।”

বড়দাদার কথায় শশী আড়ষ্ট হইয়া গেল, তাহার বুকের মধ্যে
কেমন করিয়া উঠিল। কি সৰ্কনাশ! কোথায় নিমন্তন, আর
কোথায় বা তাহার বউদিদির হার! তাহার স্বামী যে মিথ্যা কথা
বলিয়া হারছড়াটি আনিয়াছেন, তাহা ভাবিয়া লজ্জা ও ভয়ে সে
অন্তরের মধ্যে শিহরিয়া উঠিল! যদি হারছড়া তিনি নষ্ট করিয়া
থাকেন, তবে কি সৰ্কনাশ হইবে! কিন্তু স্বামী না আসা অবধি
তাহাকে ত কোন রকমে এ বিষয়ে ঢাকিয়া লইতে হইবে। তাই
যথাসম্ভব মনের চাঞ্চল্য গোপন করিয়া সে বড়দাদাকে কহিল,
“তিনি ফিরে এলেই আমি পাঠিয়ে দেব’খন বড়দা।”

বড়দাদা চলিয়া যাইবার পর সে মনে মনে স্থির করিল, যদি
তাহার স্বামী হারছড়া নষ্ট করিয়াই থাকেন, তাহা হইলে তাহার

নিজের একছড়া হার পাঠাইয়া দিয়া এ অপবাদের হাত হইতে স্বামীকে রক্ষা করিতে হইবে ! তার পর সে যেন কি ভাবিয়া উপরে চলিয়া গেল এবং গহনার বাক্স খুলিতেই গালে হাত দিয়া সেইখানে বসিয়া পড়িল । বাক্স একবারে শূন্য পড়িয়া আছে, তাহার মধ্যে একখানি অলঙ্কারও নাই । তাহার মেয়ের অনুপ্রাশনের সময় তাহার বাপের বাড়ী হইতে খুকীকে যে হারছড়া ও করগাছি চুড়ি দিয়াছিল, তাহাও নাই । সে যে বড় আশা করিয়াছিল, তাহার নিজের হার পাঠাইয়া বউদিদির ঋণ শোধ করিবে ! হা ভগবান্, এমনই করিয়া তাহার শেষ আশা নির্মূল করিয়া দিলে ! তাহার স্বামী যে তাহার কোন অনুরোধ উপরোধের প্রতি ক্রক্ষেপ না করিয়া সর্বনাশের পথে অগ্রসর হইতেছে এটা সে বুঝিতেছিল, কিন্তু ব্যাপার যে এতদূর গড়াইয়াছে, তাহা সে ভাবিতে পারে নাই । তাহার অন্তর কাঁপিয়া উঠিল, আর বুঝি পথে দাঁড়াইবার বিলম্ব নাই ! সে ভগবান্কে প্রাণপণে ডাকিয়া বলিতে লাগিল, “হে হরি, তোমায় এত করিয়া ডাকিলাম, তবুও একবার অভাগিনীর প্রতি মুখ তুলিয়া চাহিলে না, দয়া করিলে না ! এখনও তাঁকে সর্বনাশের পথ হইতে ফিরাইয়া আনিয়া দাও ঠাকুর !”

রাত্রি প্রায় একটা । খুকীকে শোয়াইয়া দিয়া শশী ~~উঠিয়া~~ চিত্তে স্বামীর জন্ত বসিয়াছিল । এমন সময় সুরেশ টলিতে টলিতে বাটার মধ্যে প্রবেশ করিল । তাহার সারা দেহে কাদা মাখা । জামার পিছনের দিকটা একেবারে ছিঁড়িয়া গিয়াছে । পায়ে

সুকুমার

একপাটি জুতা নাই। দুইটা চকু জবাফুলের মত বন্ধ। সে আসিয়াই অবসন্ন দেহে মেঝের উপর বসিয়া পড়িল। মাথার সেই সঙ্গে সঙ্গে তাহার কোলের উপর ঝুঁকিয়া পড়িল। পৃথিবী মাঝে মাঝে রাত করিয়া বাজী ফিরিয়াছে, এমন কি দুর্ভাগ্য শশী তাহার মুখে মদের গন্ধও পাইয়াছে, কিন্তু এমন দীন এমন মত্তাবস্থায় সে তাহাকে কোন দিন দেখে নাই।

খানিকক্ষণ সে যখন একটু প্রকৃতিস্থ হইল, তখন সে একদিক ভাল করিয়া চারিদিক চাহিয়া দেখিল। এ যে তাহার গৃহ, তাহার শিয়রে বসিয়া তাহার পত্নী পাখা লইয়া বাতাস কাপতে সে প্রথমটা কিছু বলিতে পারিল না, তারপর ব্যথিতকণ্ঠে বলিল “শশি!”

তাহার এই সহজ কণ্ঠস্বরে শশীর মনের ভারটা অনেক দূর হইয়া গেল। সে আর্দ্রকণ্ঠে জিজ্ঞাসা করিল, “তোমার এত ভাল বোধ হ’চ্ছে?”

সুরেশ দীর্ঘনিঃশ্বাস ফেলিয়া কহিল, “হ্যাঁ শশি।” হঠাৎ উঠিয়া বসিয়া শশীর দুইখানি হাত চাপিয়া ধরিল। “আমায় মাপ কর শশি, তোমার কথা না শুনে, না বুঝে নিজের সর্বনাশ করেছি, তোমাদের পথে বসিয়েছি।”

শশী বাধা দিয়া কহিল, “না না অমন কর না, হাওয়া করি। তাতে হ’য়েছে কি! অমন ভুল লোকের হাওয়া এখন বুঝতে পেরেছ, আর কোন কষ্ট থাকবে না!”

সুরেশ পত্নীর কাঁধের উপর মাথা রাখিয়া কহিল, “তুমি কিছু জান না তাই একথা বলছ। আমি যে তোমাদের পথের ভিখারী করেছি, বাড়ী বন্ধক দিয়েছি, তোমার গয়নাগুলো চুরি করে আধা কড়িতে বেচেছি—তোমার বউদিদির গয়না ফাঁকি দিয়ে এনেছি—”,

শশীর বুকটা কাঁপিয়া কাঁপিয়া উঠিলেও সে তাহা সামলাইয়া লইয়া বাধা দিয়া কহিল, “ওগো তোমার পায়ে পড়ি, ও সব কথা শুনিয়ো না—আমার গয়নায় দরকার নেই; ভগবান্ তোমায় যে স্নমতি দিয়েছেন এই আমার যথেষ্ট। তুমি পুরুষমানুষ, তোমার আবার ভাবনা কিসের, যা গেছে আবার ফিরে আসতে কতক্ষণ!”

সুরেশ কাঁদিয়া ফেলিল, ক্রন্দনজড়িতকণ্ঠে কহিল, “পাড়ার লোকের কাছ থেকে ফাঁকি দিয়ে টাকা নিয়েছি, তারা পথেঘাটে আমায় জোচ্চোর বলে গাল দিচ্ছে। কাবুলিওয়ালার কাছে টাকার দুআনা স্নদে দশ টাকা ধার করেছি, কাল সন্ধ্যে থেকে তারা স্নদের জন্তে লাঠি হাতে আমার পেছনে পেছনে বেড়িয়েছে—শাসিয়ে গেছে কাল পথে ধরে মারবে, আমার খানিকটা বিষ এনে দাও শশি, আমি তাই খেয়ে মরি। আমি আর সহ করতে পারছি না! হায়, হায়, কেন তোমার কথা শুনিনি!”

শশীরও দুই চক্ষু দিয়া জল গড়াইয়া পড়িতেছিল। সে স্বামীর মাথায় হাত বুলাইতে বুলাইতে কহিল, “তুমি অমন কর না, ঠাণ্ডা হও, ভয় কি, আমার এই মাহুলিটি বেচে কাল সকালে উঠে

সুকুমার

কাবুলিদের টাকা কটা ফেলে দিও। তারপর বাড়ীঘর বেচে লোকের টাকা ফেলে দিলেই হ'বে।” এই বলিয়া শশী মাহুলিটি খুলিয়া স্বামীর হাতে তুলিয়া দিল। সুরেশ নির্বাক নিম্পন্দ হইয়া সেই ভাবে তাহার কাঁধের উপর মাথা রাখিয়া পড়িয়া রহিল।

এমন সময় পাশের ঘরে খুকী কাঁদিয়া উঠিল। শশী স্বামীকে ধীরে ধীরে শোয়াইয়া দিয়া খুকীর কাছে উঠিয়া গেল। তারপর খুকীকে কোলে করিয়া ফিরিয়া আসিয়া স্বামীর বুকের কাছে বসাইয়া দিয়া কহিল, “খুকীকে কোলের কাছে নিয়ে শোও দিকি, কোন ভাবনা থাকবে না, কোন ভয় থাকবে না।”

সুরেশ দুই হাতে খুকীকে বুকের সঙ্গে চাপিয়া ধরিয়া চক্ষু মুদিয়া পড়িয়া রহিল।

পরদিন প্রাতঃকালে শশী তাহার সেই সোনার মাহুলিটি বিক্রয় করিয়া কাবুলীওয়ালার দেনা পরিশোধ করিয়া দিল। তার পর অপরাপর দেনার যথাযথ ব্যবস্থা করিয়া ফেলিল। সুরেশ স্ত্রীর কোন কার্যের প্রতিবাদ করিল না, শুধু জড়ের মত বসিয়া রহিল। দুই তিন দিনের মধ্যে শশী সমস্ত ব্যবস্থা সম্পূর্ণ করিয়া এই সর্বনেশে আলেয়ার আকর্ষণ হইতে সুরেশকে দূরে রাখিবার জন্ত সুরেশের পৈতৃক আমলের জীর্ণ পল্লীভবনে গিয়া আশ্রয় লইল।



বিধবা

[১]

মায়া আসিয়া পিতৃগৃহে প্রবেশ করিল। হাতের নোহা ও সিঁথীর সিদূর তাহার চিরতরে ঘুচিয়া গিয়াছে। শুভ্রবস্ত্রে তাহার দেহ মণ্ডিত। যেন প্রভাত-শিশিরস্নাত কুন্দ ফুলটি !

তাহার স্বামীর মৃত্যুর পর এখনও এক পক্ষ উত্তীর্ণ হয় নাই। এই দুর্ঘটনার পর দুই তিন দিন অতিবাহিত হইতে না হইতেই কান্নাকাটির অন্তরে মায়ার শ্বশুরবাড়ীর আত্মীয়ারা তাহার চরিত্র সম্বন্ধে নানারূপ আলোচনা জুড়িয়া দিল।

একজন বলিল, “ধন্য মেয়ে যাহ’ক।”

অপর একজন প্রোঁটা কহিল, “আশ্চর্য্য হ’বার কি আছে, একালের মেয়েদের যেমন শিক্ষা তেমনই ত হ’বে।”

সুকুমার

অন্য একজন যুবতী অমনই গর্জন করিয়া উঠিল, “পিসিমার যেমন কথা, আমরা আর কি একালের মেয়ে নই, আমরাও আর লেখা পড়া শিখিনি, একালের মেয়ে হ’লেই কি সবাই ঐ রকমই হ’রে থাকে। যার যেমন স্বভাব !”

মায়ার অপরাধ, তাহার স্বামীর ব্যাধির প্রথম হইতে শেষ অবধি সে স্বামীর শিয়রে ঠায় বসিয়াছিল, কেহ তাহাকে উঠাইতে পারে মাই। লজ্জানম্র বধুটির মত অন্য এক ঘরের জানালার গরাদে ধরিয়া আকাশপানে চাহিয়া দাঁড়াইয়া দাঁড়াইয়া সে অন্তরে দগ্ধ না হইয়া, বা চোরের মত এ-দরজা, সে-দরজার ফাঁক দিয়া উকি মারিয়া জনের শোধ তাহার স্বামীকে লুকাইয়া না দেখিয়া কেন সে অমন লজ্জাহীনীর মত পাঁচজনের সামনে স্বামীর শিয়রে বসিয়া বসিয়া তাহার মাথায় কম্পিত হাতখানি বুলাইয়া দিয়াছিল, এইটাই তাহার গুরুতর অপরাধ ! আর কাহারও স্বামীর কি কোন দিন এমন অসুখ হয় নাই !

মায়ার স্বামী মরিয়া গেলেন। সকলে হাহাকার করিয়া কাঁদিয়া উঠিল। কিন্তু মায়া কাঁদিল না, পাষণ-প্রতিমার মত শুক্ক হইয়া বসিয়া রহিল !

মায়ার খণ্ডর গোঁড়া হিন্দু। তাঁহারই আদেশক্রমে তাঁহার বৃদ্ধা ভগিনী আসিয়া মায়ার হাত হইতে চুড়ি কয়গাছি ও নোহাটা খুলিয়া লইলেন, সিঁথীর সিঁদূর মুছাইয়া দিয়া স্নান করাইয়া থান কাঁড়িয়া পরাইয়া দিলেন। তবুও সে কাঁদিল না। বৃদ্ধার সর্বাস্ত

কাঁপিতেছিল কিন্তু সে নিশ্চল। বাঁ হাতের একগাছি শাঁখা কিছুতেই টানিয়া খোলা যাইতেছিল না, মায়া মাটিতে হাত ঠুকিয়া ঠুকিয়া সেটিকে ভাঙ্গিয়া ফেলিল। তবুও মায়ার চোখ দিয়া এক ফোটা জল বাহির হইল না। মনে হইতেছিল তাহার চোখ দুটি নিঙ্ড়াইয়া ফেলিলেও বিন্দু পরিমাণ জল বাহির হইবে না!

মন্দ লোকে নানা কথা বলিতে লাগিল। ভাল লোকে বলিলেন, “হয় মায়া পাগল হইয়া যাইবে, না হয় সে আত্মহত্যা করিবে।” কিন্তু মায়া কিছুই করিল না।

তাহার পিতা লইয়া যাইবার জন্ত লোক পাঠাইতেই খণ্ডর খাণ্ডীর পদধূলি লইয়া সে পিত্রালয়ে চলিয়া আসিল।

যে কক্ষে তাহার স্বামী শেষ নিঃশ্বাস ত্যাগ করিয়াছিলেন, সেটি তাহারই শয়নকক্ষ। এ কয় দিন মায়া সেই ঘরেই পড়িয়াছিল। যাইবার দিন স্বামীর চটি জোড়া, দুইটা জামা ও দুই খানি কাপড়, যাহা তাহার স্বামী প্রায়ই পরিতেন, তাহা গোপনে বাস্তুর মধ্যে লুকাইয়া আনিয়াছিল।

[২]

মায়ার পিতা পরেশবাবু কণ্ঠার অকাল বৈধবোর সংবাদ পাওয়া অবধি মনে মনে মস্ত তর্কিক হইয়া উঠিলেন। তাঁহার কণ্ঠার এত রূপ ও এমন শিক্ষা মানুষের-গড়া সমাজের পীড়নে নিষ্ফল হইয়া যাইবে? তাঁহার কণ্ঠা যে পঞ্চদশ বর্ষ উত্তীর্ণ হইয়া মাত্র ষোড়শে

সুকুমার

পদার্পণ করিয়াছে। তাহার উচ্ছ্বসিত যৌবনশ্রী যে সবেমাত্র কুলে কুলে ভরিয়া উঠিয়াছে। এই তরুণ বয়স হইতে শুধু সমাজের ভয়ে সে ব্রহ্মচারিণী হইয়া থাকিবে? ভাল খাইতে পাইবে না, পরিতে পাইবে না! যদি ভগবানের এমনই ব্যবস্থা হইত, তাহা হইলে মাথা পাতিয়া তিনি তাহা মানিয়া লইতেন। কিন্তু এক সমাজ বিধবার এইরূপ নির্যাতন অনুমোদন করিতেছে, আবার আর এক সমাজ যখন ইহার বিরুদ্ধে তীব্র প্রতিবাদ করিতেছে, তখন কেন সেই পুরাতন সমাজের অধীনে থাকিয়া মেয়েটিকে তিনি আজীবন কষ্ট দিবেন?

পরেণের মনের অবস্থা যখন এইরূপ, তখন মায়া তাহার সম্মুখে আসিয়া নত হইয়া প্রণাম করিল। কণ্ঠার মুখের দিকে চাহিয়া পরেশ স্তম্ভিত হইয়া রহিলেন। দুই চোখ তাঁহার বাষ্পাকুল হইয়া উঠিল।

কয়দিন পরে পরেশ মায়াকে লইয়া কলিকাতায় চলিয়া আসিলেন। এ বাড়ীটিও তাঁহার নিজের। তিনি বিপত্নীক। মায়াই এখন বাড়ীর কর্ত্রী হইল। সে বাড়ীটিকে দুচার দিনের মধ্যে বেশ গুছাইয়া লইল। একটা ঘর সে তাহার একেবারে নিজস্ব করিয়া রাখিল। সংসারের কাজকর্ম যখন সে দেখিত, তখন ঘরটিতে বাহির হইতে সে তালা দিয়া রাখিত। বাড়ীর মধ্যে এ ঘরটিতে অণু কাহারও প্রবেশ করিবার অধিকার ছিল না। পরেশ তাহা জানিতেন। তিনিও ভ্রমক্রমে কোনদিন সে ঘরের দিকে যাইতেন না।

কলিকাতায় আসিবার মাস খানেক পরে শ্বশুরবাড়ী হইতে মায়াকে লইতে আসিল। কিন্তু পরেশবাবু তাহাকে পাঠাইলেন না, বলিয়া দিলেন, মেয়ে তাঁহার নিকটেই বরাবর থাকিবে, শ্বশুরবাড়ী যাইবে না। মায়ার এক দেবর লইতে আসিয়াছিল, পরেশবাবু বাহির হইতে তাহাকে বিদায় করিয়া দিলেন, মায়ার সহিত সাক্ষাৎ অবধি করিতে দিলেন না। এই দেবরটাকে মায়ার স্বামী খুব ভালবাসিতেন, মায়াও বাসিত। পিতার ব্যবহারে মায়া মনে মনে অত্যন্ত ক্ষুব্ধ হইলেও মুখে কিছুই প্রকাশ করিল না।

এই লইয়া মায়ার পিতা ও শ্বশুর গৌরহরিবাবুতে রীতিমত বিবাদ বাধিয়া গেল। গৌরহরিবাবু পুত্রবধুকে কিছুতেই পিত্রাণয়ে রাখিবেন না, এদিকে মায়ার পিতাও কিছুতেই কণ্ঠাকে শ্বশুরবাড়ী পাঠাইবেন না। মায়ার পিতারই শেষে জয় হইল, কারণ সে এখন তাঁহারই বাড়ীতে। নিষ্ফল আক্রোশে পুত্র-শোকাতুর গৌরহরিবাবু মনের মধ্যে পুড়িতে লাগিলেন। তিনি স্থির করিয়াছিলেন তাঁহার এই পুত্রবধুটিকে বাড়ীর সর্বময়ী কর্ত্রী করিয়া রাখিবেন। তাঁহার এই বৃহৎ পরিবারের সমস্ত গুরুভার বহন করিয়া মায়া তাহার দীর্ঘ ব্যর্থ জীবন কোন রকমে হয় ত টানিয়া লইয়া বাইতে পারিবে। কিন্তু তাঁহার এ আশা অক্ষুরেই বিনাশ প্রাপ্ত হইল।

দুই বৎসর কাটিয়া গিয়াছে। ইতিমধ্যে মায়ার খণ্ডরবাড়ী হইতে আরও দুই তিন বার তাহাকে লইতে আসিয়াছিল, প্রথমবারের মত এ কয়বারও মায়ার পিতা তেমনিভাবে তাহাদের বিদায় করিয়া দিয়াছেন।

এদিকে গৌরহরিবাবুও ক্রমে শয্যাশায়ী হইলেন। তিনি লোকপরম্পরায় শুনিলেন, তাঁহার পুত্রবধুর নাকি আবার বিবাহ হইবে। তাঁহার বৈবাহিক এই অভিসন্ধি করিয়াই কণ্ঠাকে পাঠান নাই! পুত্রশোকাতুর বৃদ্ধের অন্তরে এই সংবাদটি দারুণ বিধিল। তিনি কাঁদিয়া সবাইকে বলিতে লাগিলেন, “ওরে আমার বউমাকে একবার এনে আমায় দেখা, আমার সঙ্গে একবার দেখা হ’লে তার বাপ তাকে কিছুতেই বিয়েতে রাজি করাতে পারবে না।” কখন বা গৌরহরিবাবু আপন মনে বকিতে থাকেন, “অ’্যা আমার বউমার বিয়ে হ’বে! আমার নিমাইয়ের বউ আবার বিয়ে করবে! সে যে বিধবার বিয়ে একবারেই দেখতে পারত না, ভগবান্ এমনি করে লোককে দণ্ডে দণ্ডে মারতে হয়। ওরে আমার বংশে বিধবা বোয়ের বিয়ে হ’বে! হা ভগবান!”

পরেশবাবু সত্যই গোপনে মায়ার জন্ম পাত্ৰ অনুসন্ধান করিতে আরম্ভ করিয়াছেন। তিনটী পাত্ৰও তাঁহার বাড়ীতে যাতায়াত শুরু করিয়াছে। তাহার মধ্যে একটী যুবক বড় ঘন ঘন যাতায়াত

করিতেছে। পরেশবাবুও তাহার সহিত এমনই ব্যবহার করিতে-
ছেন যেন সে এ বাড়ীর সহিত খুব ঘনিষ্ঠভাবে আবদ্ধ।

মায়া দূর হইতে তাহাকে দেখিয়াছে। এ মুখখানি তাহার
পরিচিত বলিয়া বোধ হইল, কিন্তু ঠিক করিয়া উঠিতে পারিল না,
সে কে ?

প্রতিদিনই মায়া পিতার জন্ম স্মরণে তা প্রস্তুত করিয়া
ভৃত্যকে দিয়া বাহিরে পাঠাইয়া দিত, আজও পাঠাইয়াছিল। এমন
সময় পরেশবাবু ডাকিলেন, “মায়া, একবার এদিকে এস ত মা ?”

মায়া ভাবিল আজ বোধ হয় পিতা একাকী বসিয়া আছেন,
তাই ডাকিতেছেন। আনুলায়িতকুন্তলা মায়া ধীরে ধীরে বাহিরের
ঘরের দরজার কাছে আসিয়া থমকিয়া দাঁড়াইয়া পড়িল। সেই
আগন্তুক যুবকটী তাহার পিতার পাশে বসিয়া হাসিতেছে। মায়ার
মুখমণ্ডল সহসা আরক্তিম হইয়া উঠিল। অসংযত তৈলহীন
কেশরাশির উপর আঁচলটী টানিয়া দিয়া সে সরিয়া যাইতেছিল,
পরেশবাবু কহিলেন, “চলে যাচ্ছ কেন মা, এস, এখানে লজ্জা
করবার কেউ নেই। এ যে আমাদের ঘরের ছেলে, ওকে চিন্তে
পারচ না ?”

মুহূর্তের জন্ম মায়া তাহার আয়ত নয়ন দুইটী সেই আগন্তুক
যুবকটীর উপর স্থাপন করিয়া ধীরে ধীরে নামাইয়া লইল। যুবকটীর
দুইটী নয়নের ছায়া মায়ার সেই আয়ত নয়নের উপর পড়িল।
পরেশবাবু কহিলেন, “ও যে নিমাইয়ের,”—বলিয়া একটু থামিয়া

সুকুমার

দীর্ঘনিঃশ্বাস ফেলিয়া পুনরায় কহিলেন, “আমাদের নিমাইয়ের বন্ধু, তাদের ওখানে উনি কতদিন গেছেন, নিমাইয়ের সঙ্গে বসে কত রাত অবধি গল্প করে এসেছেন। তুমি চিন্তে পার্চ না মা?”

মায়া এবার চিনিল। এ নরেশ, তাহার স্বামীর বন্ধু। তাহার বিবাহের এক বৎসর পরে, তাহার স্বামীর এই বন্ধুটি তাহাকে অনেকগুলি বই উপহার দিয়াছিল, এবং তাহাকে উল্লেখ করিয়া তাহার স্বামীর সহিত কত কোতুক করিয়াছিল। সেই যা একদিন মায়া তাহার সম্মুখে বাহির হইয়াছিল, তাহাও খুব গোপনে, তাহার স্বপ্তের অজ্ঞাতসারে। তাহার পর প্রত্যহই দুই বেলা এই বন্ধুটি তাহাদের বাড়ী আসিয়াছে, সে কিন্তু আর একদিনের জন্তও তাহার সম্মুখে বাহির হয় নাই। তখন ত তাহার ভাগ্য-লক্ষ্মী সুপ্রসন্ন ছিলেন, কিন্তু আজ যে তাহার কপাল পুড়িয়াছে! এই মুখ লইয়া কাহার জোরে, কোন্ সাহসে সে তাহার স্বামীর বন্ধুটির সম্মুখে আবার নূতন করিয়া বাহির হইবে। কিংকর্তব্যবিমূঢ়া মায়া সেই-থানে স্তব্ধ হইয়া দাঁড়াইয়া রহিল।

পরেশবাবু অগ্রসর হইয়া সম্মুখে তাহার হাত ধরিয়া ঘরের মধ্যে লইয়া আসিয়া কহিলেন, “আমি বল্চি মা, একে দেখে লজ্জা করবার কিছু নেই।”

মায়া কোন উত্তর করিল না। তাহার সমস্ত দেহ মন কাঁপিয়া কাঁপিয়া উঠিতে লাগিল। পিতার আসনের পাশে নতমুখে সে দাঁড়াইয়া রহিল।

পরেশবাবুর সঙ্গে নরেশ নানাগল্প জুড়িয়া দিল। প্রথমে মায়ার স্বামী নিমাইয়ের কথা উল্লেখ করিয়া কহিল, নিমাই তাহাকে কত ভালবাসিত। একদিন তাহার সহিত দেখা না হইলে সে কত অস্থির হইয়া পড়িত। সেই বলিষ্ঠ গৌরবর্ণ সুন্দর মানুষটির ভিতরটীও তেমনই উদার ছিল। তারপর অল্প গল্প ফাঁদিল। নরেশ এমনই ভঙ্গী করিয়া এমন সুকৌশলে বর্ণনার পর বর্ণনা করিয়া যাইতে লাগিল যে, পরেশবাবু তন্ময় হইয়া তাহার সেই সমস্ত কথা গিলিতে লাগিলেন ও এক একবার কণ্ঠ্য অবনত গম্ভীর মুখের দিকে চাহিতে লাগিলেন। শেষে একথা সে কথার পর হঠাৎ নরেশ পরেশবাবুকে কহিল, “দেখুন দেখি, নিমাই আমার অমন বন্ধু ছিল, আর সেই মায়া কিনা আমাকে দেখে এখন লজ্জা করে মুখ নীচু করে রয়েছে।”

মায়া ভাবিল, মন্দ নয়; ইতিপূর্বে সে যেন নরেশের সঙ্গে বরাবরই গল্প করিয়া আসিয়াছে! মৃদুকণ্ঠে সে পিতাকে কহিল, “বাবা, আমি তবে এখন যাই, রাখতে অনেক বেলা হ'য়ে যাবে।”

নরেশ তাড়াতাড়ি কহিল, “মায়া, তুমি রাখবে কি রকম? আজ কি তোমাদের ঠাকুর আসেনি?”

মায়া তাহার কথার কোন উত্তর দিল না, কক্ষ ত্যাগ করিয়া চলিয়া গেল। পরেশবাবু কহিলেন, “আমার মা'টি কিছুতেই ঠাকুর রাখতে দেবে না। ছুবেলা সবায়ের রান্না সে একলাই রাখে।”

যেন কত পরিচিতের মত নরেশ ব্যস্ত হইয়া কহিল, “আপনি

সুকুমার

ওর কথা শুনবেন না, ঠাকুর রেখে দিন, না হলে দেহটা একেবারে মাটি হ'য়ে যাবে।” কথাগুলি বলিয়া ফেলিয়া নরেশ লজ্জায় অন্তরের মধ্যে সঙ্কুচিত হইয়া উঠিল।

পরেশবাবু একটু হাসিলেন মাত্র।

[৪]

মায়া পরেশবাবুর শেষ বয়সের কণ্ঠা। সাতটা পুত্রকণ্ঠার মধ্যে সেই কেবল একলা অবশিষ্ট আছে। জ্ঞান হওয়ার পর হইতে তাহার বড় বড় পাঁচটি ভাই চার বৎসরের মধ্যে একে একে ইহধাম ত্যাগ করিয়া গিয়াছে। এতগুলি সন্তানের শোক সহ করিতে না পারিয়া তাহার জননীও তাহাদের অনুসরণ করিয়াছেন।

তাই মায়া নিজের সমস্ত দুঃখ অন্তরে চাপিয়া পিতাকে প্রফুল্ল রাখিতে চেষ্টা করিত। পিতা যাহা বলিতেন, কোনরূপ প্রতিবাদ না করিয়া নীরবে তাহা সে পালন করিয়া যাইত। তাহার একান্ত ইচ্ছা ছিল, তাহার স্বামীর সেই ঘরটিতে পড়িয়া থাকিয়া তাহার এই বড় দুঃখের জীবন সে অতিবাহিত করিবে, কিন্তু পিতার কথা ভাবিয়া তাহা সে পারিল না, বুক বাঁধিয়া পিতার কাছে চলিয়া আসিল।

কিন্তু শ্বশুরের জন্তু মায়ার অন্তর প্রায়ই ব্যথিত হইয়া উঠিত। শ্বশুরগৃহে যাইবার জন্তু সে এক একদিন মনে মনে অত্যন্ত অস্থির

হইয়া পড়িত। কিন্তু কি করিয়া সে যাইবে। তাহার পিতা ও শ্বশুরের বিবাদ উত্তরোত্তর বর্দ্ধিত হইয়া এমন জায়গায় আসিয়া দাঁড়াইয়াছে যে, এখন শ্বশুরবাড়ী যাইতে হইলে তাহাকে পলাইয়া যাইতে হয়, সেও অসম্ভব। আবার ভাবিত, তাহার শ্বশুরের আর দুইটা পুত্র সম্মান আছে কিন্তু তাহার পিতার সাঙ্ঘন্য বস্তু আর কেহ নাই; সেই এক। দুইটা বিভিন্নপথগামী নদী প্রবাহের মাঝখানে পড়িয়া মানুষের অবস্থা যেরূপ হয়, মায়ার অন্তরের অবস্থা তদ্রূপই হইয়াছিল। পিতৃগৃহ হইতে যে সহজে বাহির হইতে পারিবে, এমন ভরসা তাহার রহিল না।

এদিকে পিতার কথায় প্রতিদিনই যখন সে নিজে হাতে করিয়া বাহিরে চা দিতে আসিত, পরেশবাবু তখন তাহাকে কিছুতেই যাইতে দিতেন না; সেখানে তাহার সহিত নানা গল্প জুড়িয়া দিতেন। এমনই করিয়া প্রতিদিন নরেশের সম্মুখে আসিতে আসিতে মায়ার সঙ্কোচটা অনেক কমিয়া আসিল। তীক্ষ্ণদৃষ্টি নরেশ তাহা লক্ষ্য করিয়া অন্তরে প্রফুল্ল হইয়া উঠিল।

প্রথমে মায়া কোন কথাই কহিত না; ক্রমে পরেশবাবুর সহিত যেন কথা কহিতেছে এমনভাবে নরেশের কথার উত্তর দিত। তারপর সোজানুজি নরেশের সঙ্গে কথা কহিতে লাগিল।

সেদিন পরেশবাবুর ঘরের মেঝের উপর মায়া বসিয়াছিল। পরেশবাবু চেয়ারে বসিয়া কি লিখিতেছিলেন। মায়ার অযত্নবর্দ্ধিত এলোমেলো কেশদাম সমস্ত পিঠ আচ্ছন্ন করিয়াছিল। ভোরের

সুকুমার

মৃদু হাওয়ায় ছু একগাছি স্থানলুপ্ত হইয়া এদিক ওদিক উড়িতেছিল। প্রভাত সূর্যের ঈষৎ রক্তিম কিরণ মায়ার চোখে মুখে পড়িয়া এক অভিনব সৌন্দর্যের সৃষ্টি করিয়াছিল। ছুই পা ছড়াইয়া দিয়া কোলের উপর একখানি বই রাখিয়া মায়া বুঁকিয়া বসিয়া একমনে তাহাই পড়িতেছিল।

বাহিরের বারান্দায় দাঁড়াইয়া নির্ণিমেষ নয়নে নরেশ এই শুকান্তচারিনী ব্রহ্মচারিণীকে দেখিতেছিল। দেখিতে দেখিতে তাহার দেহমন এক অভিনবভাবে পরিপূর্ণ হইয়া উঠিল। তাহার হাতে একখানি বই ছিল, সেখানি সহসা পড়িয়া গেল। তাহারই পতনশব্দে মায়া সেই দিকে ফিরিতেই নরেশের বিহ্বল দৃষ্টির সহিত তাহার গম্ভীর অচঞ্চল দৃষ্টি সন্মিলিত হইল। মায়ার সর্বশরীর কম্পিত হইয়া উঠিল। সে তাড়াতাড়ি তাহার লুণ্ঠিত অঞ্চল টানিয়া লইয়া মাথায় কাপড় দিয়া জানালার পাশে গিয়া দাঁড়াইল।

নরেশ এতক্ষণ সেইখানে শুক্ক হইয়া দাঁড়াইয়াছিল। পরেশের আস্থানে তাহার চমক ভাঙ্গিয়া গেল। সে বইখানি কুড়াইয়া লইয়া ঘরের ভিতর প্রবেশ করিল। একখানি চেয়ার টানিয়া লইয়া বসিয়া হাসিতে হাসিতে কহিল, “মায়া, দেখ তোমার জন্তে কেমন একখানি বই এনেছি। নতুন বেয়িয়েছে, পড়ে দেখ, খুব ভাল বই।”

মায়া তখনও বোধ হয় প্রকৃতিস্থ হইতে পারে নাই; তাই নির্বাক হইয়া রহিল। কিন্তু মুহূর্ত্ত মধ্যে সে আপনাকে সামলাইয়া লইয়া অপরাধীর মত মুখ করিয়া কহিল, “এ বই নিয়ে আমি কি করব?”

নরেশ হাসিয়া কহিল, “খুলেই দেখ না, তা হ’লেই বুঝতে পারবে।”

মায়া তাহার কম্পিত হস্তে বইখানি লইয়া খুলিয়া দেখিল, পরিষ্কার ঝরঝরে অক্ষরে তাহারই নাম লেখা। তাহার নীচে নরেশের নাম। নরেশ তাহাকে এই বইখানি উপহার দিয়াছে।

মায়ার সমস্ত শরীরটা জ্বালা করিয়া উঠিল। নরেশ বই উপহার দিবার কে? যে হাতে সে বইখানি ধরিয়াছিল, তাহার মনে হইল, সে হাতটীতে কে যেন তপ্ত লৌহশলাকা বিদ্ধ করিয়া দিল। তাহার ইচ্ছা হইতে লাগিল বইখানি কুটিকুটি করিয়া ছিড়িয়া রাস্তায় ফেলিয়া দেয়। এমন সময় পরেশবাবু চিঠি লেখা শেষ করিয়া মায়ার দিকে ফিরিয়া কহিলেন, “দেখি মা, নরেশ তোমার জন্তে কি বই এনেচে?”

মায়া যেন রক্ষা পাইল। পিতার হাতে বইখানি তুলিয়া দিল। এ-পাতা সে-পাতা উল্টাইয়া দেখিয়া তিনি কহিলেন, “বেশ বই।” এই বলিয়া তিনি মায়াকে বইখানি ফিরাইয়া দিলেন।

[৫]

ক্রমে ক্রমে নরেশের প্রতি পরেশবাবু ভারি আকৃষ্ট হইয়া পড়িলেন। তিনি মনে মনে তাহাকেই তাহার বিধবা কণ্ঠার ভাবী স্বামী স্থির করিয়া অনেকটা সুস্থ হইলেন।

নরেশও নানাপ্রকারে পরেশবাবুর মন যোগাইয়া চলিতে

সুকুমার

লাগিল। যখন পরেশবাবু বিধবাবিবাহের স্বাপক্ষে খুব উৎসাহের সহিত বক্তৃতা করিতেন, নরেশ তখন প্রফুল্ল মুখে তাঁহার কথায় সায় দিয়া যাইত। কণ্ঠার মুখের পানে চাহিয়া তিনি এমনই উত্তেজিত হইয়া উঠিতেন যে, তাহার সম্মুখেই তিনি বিধবাবিবাহের প্রয়োজনীয়তা সম্বন্ধে আলোচনা জুড়িয়া দিতেন। তিনি মনে করিতেন, মায়া ইহাতে খুব সন্তুষ্ট হইবে, কিন্তু এ আলোচনার সূত্রপাতেই মায়া অগ্ৰত উঠিয়া চলিয়া যাইত।

মায়ার শশুর গৌরহরিবাবু এখনও নানাপ্রকারে পরেশকে নিরস্ত করিবার চেষ্টা করিতে লাগিলেন। এমন কি শেষে ভয় দেখাইয়া বলিয়া পাঠাইলেন, পরেশ যদি এমন কাজ করেন, তিনি তাহার পুত্রবধূকে জোর করিয়া কাড়িয়া লইয়া আসিবেন।

ইহাতে পরেশবাবুর জেদ আরও বাড়িয়া গেল। গৌরহরিবাবুর এতদূর সাহস,—আমার বাড়ী হইতে আমার মেয়েকে কাড়িয়া লইয়া যাইবেন! পরেশবাবু মনে করিয়াছিলেন, আরও কিছুদিন পরে মায়ার বিবাহের আয়োজন করিবেন, কিন্তু আর দেবী করা হইল না। মায়ার বিবাহের দিন স্থির করিয়া নরেশকে প্রস্তুত হইতে বলিলেন। মায়াও এ সম্বাদ শুনিল।

সে দিন শীতের মধ্যাহ্ন। সকলের খাওয়া দাওয়া হইয়া গিয়াছে। পরেশবাবু বাহিরের ঘরে বসিয়াছিলেন। মায়া নিজের ঘরের ভিতর উন্মুক্ত দরজার স্মুখে দুই হাতের মধ্যে মুখ

চাকিয়া উপড় হইয়া মেঝের উপর পড়িয়াছিল। চোখের জলে তাহার নিরাভরণ হাত দুইটা ভিজিয়া গিয়াছে। তাহার মনের মধ্যে অনুক্ষণ জাগিতেছিল, এ সম্বাদ নিশ্চয়ই এতক্ষণে চারিদিকে রাষ্ট্র হইয়া গিয়াছে। তাহার শ্বশুরবাড়ীতেও এ সম্বাদ এতক্ষণে পৌছাইয়াছে। আহা, তাহার শ্বশুর এতক্ষণ কি করিতেছেন! পুত্র-শোকের উপর এ আঘাত তিনি কিছুতেই সহ্য করিতে পারিবেন না! তুচ্ছ বধুর জন্ত তাহার-শ্বশুরবাড়ীর পবিত্র বংশগৌরবে চিরদিনের মত এত বড় একটা কালিমা পড়িবে! লজ্জায় ঘৃণায় ও ক্ষোভে মায়ার আত্মহত্যা করিতে ইচ্ছা হইতেছিল। সে যদি অমন করিয়া নরেশকে প্রশ্রয় না দিত, সে দিন অমন করিয়া নীরবে নরেশের উপহার গ্রহণ না করিত, যদি অমন নিলজ্জের মত তাহার সহিত কথা না বলিত, তাহা হইলে কখনও তাহার পিতা এ বিবাহের আয়োজন করিতে পারিতেন না। তাহার পিতারই বা দোষ কি? শোকজর্জরিত পিতা কণ্ঠাকে স্মৃথী করিবার জন্তই একাজে অগ্রসর হইয়াছেন। সে যে তাহার পিতার একমাত্র সান্ত্বনার বস্তু, সে কি করিয়া আত্মহত্যা করিবে।

কিন্তু তাহার এই দেহ মনের উপর তাহার নিজেরও যে কোন অধিকার নাই। এ দেহমন যে বহুদিন পূর্বে আর এক জনকে উৎসর্গ করা হইয়া গিয়াছে। ভগবান বলিয়া দাও সে এখন কি করিবে?


সুকুমার

সব চেয়ে তাহার রাগ হইল নরেশের উপর। সে যে তাহার স্বামীর বড় বন্ধু ছিল, আর তাহারই এই কাজ! সে-ই ত নানা কৌশল করিয়া তাহার পিতাকে এ বিবাহে মত করাইয়াছে! মায়া আর ভাবিতে পারিতেছিল না! তাহার চিন্তা-শক্তি যেন ক্রমেই অসাড় হইয়া আসিতেছিল। এমন সময় হাসিতে হাসিতে নরেশ মায়ার উন্মুক্ত গৃহদ্বারের সম্মুখে আসিয়া দাঁড়াইল। বিস্ময়বিষ্ফারিত নয়নে দেখিল, ভুলুষ্ঠিতা মায়ার অদূরে একটা বেদীর উপর মায়ার স্বামীর একখানি চিত্র সম্বন্ধে রক্ষিত হইয়াছে, তাহারই ঠিক নীচে এক জোড়া পুরাতন চটি এবং এক পাশে দুইখানি কাপড় ও দুইটা জামা পড়িয়া আছে। বেদীর সম্মুখে পূজার সমস্ত উপকরণ, বিল্বদল, ফুল কোশাকুশি প্রভৃতি ছড়ান রহিয়াছে, যেন এই মাত্র কে পূজা করিয়া উঠিয়া গিয়াছে। দূরে গৃহকোণে তাহারই প্রদত্ত সেই ভক্তি-উপহারখানি খণ্ড খণ্ড বিচ্ছিন্ন হইয়া আছে। নরেশ কি বলিতে আসিয়াছিল, তাহা ভুলিয়া গেল। শুধু একবার “মায়া” বলিয়া ডাকিয়াই আড়ষ্ট স্তব্ধ হইয়া দাঁড়াইয়া রহিল।

তাহার কণ্ঠস্বরে মায়া ত্রস্ত হইয়া উঠিয়া দাঁড়াইয়া দুই হাতে দুই চৌকাট ধরিয়া বিস্ফারিত অচঞ্চল দৃষ্টিতে তাহার মুখের দিকে চাহিল। মায়ার আয়ত নয়ন দুইটি ধব্ধব্ধু করিয়া জ্বলিতেছিল। খানিকক্ষণ এইভাবে দাঁড়াইয়া থাকিবার পর মায়া দৃঢ়কণ্ঠে বলিয়া উঠিল, “এ ঘরে প্রবেশ করবার অধিকার তোমার

নেই। এ ঘরে আমার দেবতা আছেন। এ দেবতার মন্দির তোমার মত লোকের স্পর্শে আমি কিছুতেই কলুষিত হ'তে দেব না।”

এত দিন মায়া অন্তরে জলিয়া পুড়িয়া গেলেও পিতার মুখ চাহিয়া সমস্ত যন্ত্রণা নীরবে সহ করিয়া আসিয়াছে, চোখ কাটিয়া জল বাহির হইতে চাহিলেও সে কঠিন হইয়া এক ফোঁটা জল বাহিরে আসিতে দেয় নাই; আজ সুযোগ বুঝিয়া সেই শৃঙ্খলিত যন্ত্রণা ও রুদ্ধ অশ্রু একযোগে তাহার বিরুদ্ধে মাথা তুলিয়া দাঁড়াইল। তাহাদের প্রচণ্ড বেগ মায়া কিছুতেই সহ করিতে পারিল না, আরাধ্য দেবতার মন্দির দ্বারে চৈতন্য হারাইয়া লুটাইয়া পড়িল। সেই পতন শব্দে তাহার পিতা ছুটিয়া আসিয়া তাহাকে কোলে তুলিয়া লইলেন। তখনও তাহার দেহ একটু উষ্ণ ছিল। তাৎপর্য দেখিতে দেখিতে পিতার ক্রোড়ের উপর তাহার দেহ হিমশীতল হইয়া গেল !



দিদির পত্র

[১]

ভাই সুরো, অনেকদিন তোর সঙ্গে দেখা হয় নাই, তাই তোকে দেখিবার জন্ত মনটা বড় অস্থির হইয়াছে। বড় আশা ছিল, সুকুর বিয়েতে তোর সঙ্গে দেখা হইবে, কিন্তু আমার সে আশা পূর্ণ হইবার নহে; তবে তুই যদি অজিতকে বলিয়া ফিরিবার সময় আমার সঙ্গে দেখা করিয়া যাস, তাহা হইলে তোর জামাইবাবু ও আমি যে কত খুসী হইব, তাহা লিখিয়া জানাইবার নহে।

তুই বোধ হয় এতদিন নিশ্চয়ই গুনিয়াছিস, কেননা আমি জানি, মেজপিসি এ কথা কাহাকেও জানাইতে বাকি রাখেন নাই,—তবুও আমিই তোকে এ কথা জনাইতেছি যে, আমার

খশুরবাড়ীর এঁরা আমার তিনখানি গহনা বন্ধক দিয়াছেন। যে অবস্থায় গহনা কয়খানি বন্ধক পড়িয়াছে, সে অবস্থায় পড়িলে অপরে কি করিত তাহা জানি না; যাক্গে, সে কথার আর উল্লেখ করিব না—উল্লেখের দরকারই বা কি?

দিন পনের আগে আমি একবার বাপের বাড়ী গিয়াছিলাম, সেই সময় আমার গায়ে ঐ তিনখানি গহনা না দেখিয়া মেজপিসি প্রথমে হাসিতে হাসিতে জিজ্ঞাসা করেন, “তোরা অমুক অমুক গয়না যে দেখতে পাচ্ছি না? তোরা খাণ্ডী মাগী বুঝি বন্ধক দিয়ে খেয়েছে?” মেজপিসি যে এ কথাগুলো তখন ঠাট্টা করিয়া বলিয়াছিলেন, তাহা দুঝিলাম। কিন্তু আমি সত্য কথা গোপন করিলাম না, বন্ধক দেওয়ার কথা খুলিয়া বলিলাম। অমনই মেজপিসি গালে মুখে চড়াইয়া চীৎকার করিয়া বাড়ীর আর পাঁচজনকে জড় করিলেন। তখন, ‘কেন বন্ধক দিয়াছে, এত অভাব তাদের কিসে হইল যে, বউয়ের বাপের দেওয়া গহনা বন্ধক দিতে হইয়াছে,’ এই প্রকারের নানা প্রশ্ন নানা জনে করিতে লাগিল। আমার খাণ্ডী ও তোর জামাই বাবুর নাম করিয়া কত জনে কত কথা বলিতে আরম্ভ করিল। আমি নীরবে সমস্ত শুনিয়া গেলাম, কোন উত্তর দিলাম না। কেন না, ইহাদের কোন কথাই উত্তর দেওয়া আমি একেবারেই আবশ্যক মনে করিলাম না, এবং এখনও করি না। মেজপিসি গিয়া তৎক্ষণাৎ বাবাকে এ কথা জানাইয়া আসিলেন। তোর কাছে

সুকুমার

কোন কথা লুকাইব না, আমার সত্যিই ইচ্ছা ছিল, কয়দিন ওখানে থাকিয়া সুকুর বিয়ের পর এখানে আসিব, কিন্তু তখন মেজপিসির উপর ভারি রাগ হওয়ায় সেই দিন সন্ধ্যার সময় এখানে চলিয়া আসিলাম।

[২]

এক সপ্তাহ পরে মেজপিসির লেখা দুইখানি পত্র আসিল, একখানি আমার নামে, আর একখানি আমার স্বাশুড়ীর নামে। মেজপিসি আমাকে লিখিয়াছেন, “স্বর্ষি, তুই ছেলের মা হ’য়েছিস, তবুও এখন নিজের ভালমন্দ বুঝতে পারলি না। কার অদৃষ্টে যে কখন কি হয় তা কেউ বলতে পারে না। তুই যে ঘরে পড়েছিস, যতদূর বুঝতে পারছি ওই গয়না ক’থানাই তোর সম্বল। ভগবান না করুন, যদি সরলের (সরল সুখমার স্বামীর নাম) ভালমন্দ কিছু হয় তখন মেজদাদার কাছে এসেই তোকে পড়তে হ’বে, সে সময় ছ’চারখানা গয়না থাকলে কতটা ভরসা বল দিকি? যাক, তোকে যা বলছি তাই করিস। সরলকে বলিস, সে যেমন করে পারে গয়নাগুলো যেন খালাস করে দেয়। কেঁদে-কেটে পারিস, যেমন করে পারিস গয়নাগুলো আদায় করবি। সুকুর বিয়ের সময় সবাই আসবে, ও কথা আর কারো জন্মে বাকি থাকবে না; সবাই যে তোকে ছি ছি করবে, আমাদেরও মাথা কাটা যাবে। মেজদাদা সেই দিন থেকে ভাল করে খান না; কেবলই কাঁদছেন

আর বলচেন—কত সাধ করে গয়নগুলো গড়িয়ে দিয়েছিলাম, আর এমনই করে কিনা নষ্ট করলে? তুই কিছু বুঝিস্ নি, তাই বলছি এর ভেতর তোর স্বাশুড়ী মাগীর কারসাজি আছে।

* * * * এ চিঠিখানি তোর স্বাশুড়ীকে দেখাস্‌নি।”

সুরো তোকে আর কি বলিব। আমার মাথার মধ্যে আগুন জ্বলিতে লাগিল। তখনও আমি স্বাশুড়ীর পত্রখানি পড়ি নাই, না পড়িলেও এটুকু বুঝিলাম, মেজপিসি তাঁহাকেও গহনা সম্বন্ধে কিছু লিখিয়াছেন। ছি, ছি, আমার স্বাশুড়ী কি মনে করিলেন, তিনি নিশ্চয়ই ভাবিয়াছেন, আমি গহনার কথা ও বাড়ীর সবাইকে লাগাইয়াছি। আমার বুক ফাটিয়া কান্না বাহির হইতে চাহিল। হা ভগবান, কেন আমার এ শাস্তি করিলেন। কিছুক্ষণ পরে স্বাশুড়ীর সহিত আমার দেখা হইল। তখন আমি আর কান্না চাপিতে পারিলাম না, চোখের জল ফেলিতে ফেলিতে তাঁহার পায়ের উপর পড়িয়া বলিলাম, “মা আমি ঔঁদের আগে কিছু বলিনি—মেজপিসি গহনার কথা তোলায় আমি সত্যি কথা বলেছিলাম—তিনি যা তা বলতে লাগলেন বলেই সে দিন আমি চলে এসেছি।”

তিনি আমায় সম্মেহে তুলিয়া বলিলেন, “চুপ কর লক্ষ্মী মা আমার, কেঁদ না, আমি কি তোমায় চিনি নি যে, তুমি আমায় ও সব কথা বল্‌চ।”

উনি আপিস হইতে ফিরিয়া আসিবার ঘণ্টা খানেক পর মা তাঁহাকে বলিলেন, “বাবা, বউমার গয়না তিনখানা কি করে খালাস করে আনি বল্ দিকি ?”

তিনি বলিলেন, “তার জন্তে এত তাড়াতাড়ি কিসের মা ?”

মা বলিলেন, “এই বউমার বোনের বিয়ে, সে সময় গয়না পরে না গেলে যে বউমার বাবা পাঁচ জনের কাছে মুখ দেখাতে পারবেন না। তুই বাবা কোন রকমে গয়না ক’খানা এনে দিতে পারবিনি ?” এই বলিয়া তিনি সেই পত্রখানি তাঁহাকে পড়িতে দিলেন।

বারান্দায় বসিয়া তাঁহাদের দুই জনের কথাবার্তা হইতেছিল, আমি ঘরের ভিতর আড়ষ্ট হইয়া বসিয়া তাহাই শুনিতেছিলাম। দেখিলাম, তিনি চিঠিখানি শেষ করিয়া খানিকক্ষণ মাথায় হাত দিয়া বসিয়া রহিলেন। তার পর মাকে বলিলেন, “আচ্ছা, দেখি চেষ্টা করে, যেমন করে পারি তাদের গয়না এনে দেব।” তিনি বারান্দা হইতে ঘরের ভিতর প্রবেশ করিলেন। আলনায় জামা টাঙান ছিল, তাহা পাড়িয়া গায়ে দিলেন। আমার দুই চোখ দিয়া জল ঝরিয়া পড়িতেছিল। তিনি আমার দিকে চাহিয়া তাহা দেখিয়াই বলিয়া উঠিলেন, “কাঁদুচ কেন, আমি চুরি করে পারি, জোচ্চুরি করে পারি, আজ রাত্রির মধ্যেই

তোমার গয়না এনে দেব।” কে যেন আমার সারা দেহের মধ্যে তপ্তশলাকা বিধাইয়া দিল। আমি অসহ যন্ত্রণায় ছট্‌ফট্‌ করিতে লাগিলাম। তিনি ঘর হইতে বাহিরে যাইতে উত্তত হইলে, আমি তাড়াতাড়ি উঠিয়া গিয়া পথরোধ করিয়া দাঁড়াইয়া বলিলাম, “তুমি যেতে পারবে না; যারা গয়নার কথা লিখেছে, গয়না তাদের, না তোমার? তোমার জিনিস, তুমি যা খুসী তাই করবে, তারা বলবার কে?”

তিনি আমার এই কথা শুনিয়া খানিকক্ষণ আমার মুখের দিকে অবাক হইয়া চাহিয়া রহিলেন, তার পর আম্তা আম্তা করিয়া কহিলেন, “না না সে জন্তে আমি কিছু মনে করি নি, বিয়েতে শুধু গায়ে যাবে, তাই গয়নাগুলো কোন রকমে নিয়ে আসি।”

আমি উত্তেজিত হইয়া বলিলাম, “না গয়না তুমি কিছুতেই আনতে পারবে না। আমার জন্তে তুমি ভেব না,—যারা তোমাকে ও মাকে অত বড় কথা লিখতে পারে, তাদের বাড়ীমুখো আমি হ’চ্ছি না, এ বিয়েতে যাওয়া ত দূরের কথা।”

তাঁহার মুখখানি এতক্ষণ যেন কালো মেঘে ঢাকা ছিল, সহসা তাহা শরতের আকাশের মত নিস্বল হইয়া উঠিল। তিনি জামাটি খুলিয়া রাখিয়া বাহিরে গিয়া মাকে বলিলেন, “মা তখন আমাদের স্মবিধে হ’বে তখন গয়না আন্ব, পরের কথায় কেন মাথা ঘামাতে যাই।”

আমার স্বাশুড়ী বা আমি কেহই মেজপিসির পত্রের উত্তর

সুকুমার

দিই নাই। ও রকম চিঠির আবার উত্তর কিসের! তাই
ভাই আমার জ্বানি মেজপিসিকে বলিস, বাবা আমাকে যা
হাতে সঁপিয়া দিয়াছেন, তাঁহারাই আমার ভালমন্দ দেখি
বাবা যখন গহনা দানই করিয়াছেন, তখন সে গহনার জহ
আবার দুঃখ কিসের?

যাক, এ সম্বন্ধে আর বেশী কিছু আমার বলিবার নাই
ভাই, শুধু এই কথাটা জানাস্ যে, আমার শশুরবাড়ীর এঁরা
দুঃখী, গহনা বন্ধক দিয়া কোন রকমে এঁদের দিন চলে—
সঙ্গে ও বাড়ীর কেহ যেন কোন সম্বন্ধ না রাখেন, তাঁহাদের
মনে করেন, সুখমা বলিয়া তাঁহাদের যে মেয়ে ছিল, সে
গিয়াছে। তাহা হইলে তাঁহাদের আর মাথা কাটা যাইবার
ভয় থাকিবে না। হাত পা বাঁধিয়া যাহাকে বহুপূর্বে জন্মে
দেওয়া হইয়াছে, তাহার জন্ত এখন ভাবনা কিসের ভাই?

যদি তুই গরীব বলিয়া বড়দিকিকে আর সবাইয়ের
স্বগা না করিস, তবে ফিরিবার সময় আমার সহিত দেখা
যাস্। এক বেলা তোদের দুমুটো খাইতে দিতে পারিব!
তোরে দিদি।

